

允所辭○濫盜陳卿據青羊山以叛御初為藩府長史司吏弁之謀聚千餘人據青羊山叛流劫潞州諸縣及河南懷慶地方官立不能制○冬十月議遷顯陵初上名安陸松林山為顯陵及大禮既定百戶隨全等奏請改遷顯陵下所司議工部尚書趙璜等言顯陵為先皇體魄所安不可輕犯山川靈秀所萃不可輕泄國家根本所在不可輕動太祖不遷皇陵太宗不遷孝陵願以為法 上猶命禮部會多官議之席書等上言祖宗陵寢未嘗遷動百六十年來皇圖鞏固帝德重光伏聞顯陵勢如伏鳳氣結蟠龍此實山川之形勢帝王之幽宅隨全妄議乞治其罪詎再上乃命罷議于是定顯陵祭如七陵儀遣省臣行禮

謹按史臣曰周文武成康穆幽六陵則卜于雍而昭桓靈景威烈五陵則卜于洛漢高惠文景武昭宣元成哀平十一陵則卜于雍而光武明章和安順冲質桓靈十陵則卜于洛夫地道尚靜神道尚幽故

我太祖定鼎于南而鳳陽之陵猶故太宗遷都于北而鍾山之陵猶故刻今顯陵之在安陸仙潭龍從于其北漢江襟帶于其南神龜蜿蜒于其東赤馬浮泓于其西蓋乾坤構奇巽軫儲祥固無庸于改遷 首聖心獨斷特命罷議真有見矣

○禮部尚書席書條上十二事言皇上入繼大統以名稱未正孝德未伸困心體志三載于茲今幸大禮告成天下拭目以觀新政謹條十二事一曰清心寡欲二曰讀書觀史三曰接見賢臣四曰納忠忠言五曰恭行節儉六曰裁減冗濫七曰預儲邊餉八曰戒抑貴戚九曰禁佛法十曰博用人十一曰務安靜十二曰肅憲法御史監田復即書奏條論其欺 上切責之○諭賜副使劉蒞祭奠復其家巡按四川御史范永登言淮甯通瑾竊柄首倡讜論被杖幾死瑾復檢郡罰穀三百悅輸大同生產殆盡御史潘鵬曲阿瑾意反誣淮以貪削籍良可痛恨皇上御

極起為知府繼遷副使不就而卒宜加優恤以旌遺忠故有是命○大同軍亂殺其巡撫張文錦參將賈繼命太監武忠都督桂勇都御史蔡天祐徃勤之先是文錦巡撫大同議于城北九十里築五堡俟賊至二千五百家居之諸卒畏虜不願徙參將賈繼命希旨嚴逐之不往皆控其伍長郭繼柳忠倡亂殺繼裂其屍聚焦山下自固文錦恐語及卒通于廣招入城即索首亂者繼忠遂率眾劫獄囚焚府院文錦踰垣匿惇野王第諸卒索而殺之乃出在繫故總兵朱振于獄推以為主振不得已約曰與汝約從我則可毋犯宗藩毋掠帑廩毋焚劫皆伴應曰諾復賜鎮巡代奏宥罪事聞廷議遣兵部侍郎李昆齎勅赦諸叛卒以太監武忠代王鎮守以都督桂勇為總兵以按察使蔡天祐為倉都御史巡撫其地賊之天祐至會武忠桂勇及朱振集諸叛卒諭以威德諸卒陽聽而奸盜劫掠如故勇督捕獲殺數十人將亂首柳忠郭繼等而釋之以

安其心眾稍定會有別鎮參將李賢帥兵赴陝西道出大同兵有掠民木畜者與民鬪諸兵妄言曰朝廷命我勦汝叛卒旦夕蓋粉矣木畜為于是轉相訛傳有洗城說會有戶部進士李枝輓餉至鎮訛聞有窾旨勦叛遂夜聚千百人排枝問狀枝從內囊中出文移示之漸有信者但眾既聚不可散乃咎大同知縣王文昂曾勸鎮巡嚴馭諸卒遂往圍之文昌走匿得不死乃縱火焚民居千餘家通協代王索金帛王如索應之始散王微服出適居宣府天祐等撫諭不定復以狀聞○大同總兵桂勇請罷張文錦所建聚落高山二堡撤回戍守官軍以安眾心詔徙之○土魯番寇甘州都御史陳九疇出擊走之土魯番滿速兒大舉入寇至甘州九疇忠勇先登力戰既解甘州圍又夜率眾圍迫無行以肅州內外夾擊敗番兵殺火者他丁丁虜退去關中守臣秦河西危急遣兵部尚書金獻民都督杭雄率師西討獻民至蘭州諸番已為九疇

所敗出嘉峪關獻民用九時請還祭使閉閣絕貢。史謂侍郎何孟春請設宣大及陝西三邊總制從之。孟春上言大同之變。有總制大臣控制宣府則大同軍士必有所恃而不敢肆。撫臣督宣亦有所伏而徐為計其禍可弭也。土魯番入寇甘肅。若先有總制開府河州。則河西番虜尚為跳梁。請勅兵部會舉才望大臣二人。一以總制宣大。一以總制陝西。三邊假之。權宜責其成功。庶內變可消。外患可靖。部議二地總制有侍郎戚鳳李銖故事。孟春所奏可從。上是其言。詔戶部侍郎胡瓚總制宣大軍務。都督魯綱提兵討大同叛卒。天祐奏至。乃遣瓚等瑄立賞格。擒首惡者進三級。擒助惡者進二級。擒脅從者。亦資以銀兩。固請發布三萬疋。羊皮短襖千領。分發從軍之士。上勅止除首惡。餘皆不問。召起致仕兵部尚書。原紀為吏部尚書。○十一

月詔起史道閻復為食事。于桂為知府。曹嘉儀為御史。從給事中陳洸之請也。遼東妖賊李直陸雄等聚眾謀作亂。詭稱商販突入山海關殺守關主事王冕守臣以聞。詔令劉遠巡撫劉澤張璉捕之。嚴禁白蓮社左道。詔逮繁浙江布政使馬卿杭州知府查仲道等。詣京拷訊。初太監吳勳少監王士聰監織杭州估寵悍極。其舍中厠養多推剝工匠。州府郡縣卿稍於束之。而絲練工顧悉取杭州裕金。凡有閱發舍中。則養輒索羨金。什之二三。仲道白卿禁沮。勳滋不悅。又以往復儀節日。與卿相構。請遂安奏卿抗違。明旨稽誤工作。上怒命逮繫卿等。詰京考訊。朱寔昌等言勳以私恨。劾馬卿致于寢。怒二臣節省愛民。觸忤權。顧當誣責。即乞召勳等而釋二臣。上切責之。而令勳等安靜行事。毋得分外擾民。大同縣庫。殺知縣王文昌。盧廣許奈。倭牟庫金。數千兩。慮覺抵罪。乃乘亂縱火焚燬縣署。文昌聞變。倉皇自殺。詔逮繫

御史任洛易州兵備副使任忠。于獄洛為京民陳彥章所訐。忠因呈白。欽免罪人。俱逮繫詔獄。又有光祿卿樂護。華湘為屬官。馬能所誣。亦送法司訊鞫。奪級外補。○十二月總制宣大胡瓚討大同亂軍。平之。先是瓚督兵出居庸關。巡按宣大御史王官言瓚等督兵。益討人心。動搖乞勅。瓚等發兵。勅臣等。選宣大精銳。潛約大同。必能擒賊。不効。則置臣于理命。瓚發兵為計。未晚。並下兵部侍郎李昆言。官某良。是第師已出。閔事難中止。瓚乃帥師次陽和堡。密檄桂勇。擒亂首。羽檄日十餘。下諸卒。懼向蔡天祐乞生。天祐漫曰。惟誅首惡。餘不問。爾輩無得助。亂即可免。誅眾稍解。勇密令千戶苗登計。擒郭鑑等十一人。斬首烏示。隨獲保五堡軍士。人心稱快。越二日。鑑父郭巴子。忿怒復糾叛卒。胡雄黃臣徐毡兒等。煽惑諸卒。盡甲而馳。分閉諸城門。迫夜圍勇第。掠其財。殺其家口數十人。盡磔其屍。生啖之。遂執勇。幽于葉總兵第。欲殺之。天

祐聞變。偕武忠馳至。反復曉諭。勇得不死。諸卒訴天祐。求哀。天祐曰。能擒首惡。兵猶可止。諸卒乃擒徐毡兒等四人。以獻。斬之。郭巴子暨諸首惡。竟逃匿。瓚聞之。欲提兵西行。天祐函送鑑等首級于瓚。城中土人亦請瓚請緩師。不從。天祐乃上疏乞班師。復遣書瓚。謂首惡既誅。餘黨遊釜魚耳。固易制也。瓚乃止。天祐既至。上命瓚班師。瓚言。叛賊就擒。人心安定。請加恩。大臣臺諫。以旌勞勩。給事中鄭一鵬。御史蕭一中。言大同構亂。廟堂之上。一籌莫展。大臣臺諫。何勞可錄。恐撫宣府張縉。巡按王官。巡按山西劉麟。未嘗有聲援之助。瓚之討叛。逆黨未盡。師不臨城。何以加恩。乞治瓚罪。別遣大臣督兵進討。不報。仍勅天祐再擒餘黨。勿問。脅從。代王還大同。時亂稍定。上諭代王還國。王乃復入大同。○謫大理評事韋商。臣補外職。商臣言。臣以走平庶獄。為職。臣自七月受官以來。見以大禮伏闕。觸犯聖怒。大臣改任者。何孟春一人。編戍者。學

士豐熙等八人廷杖死者編修王思等十七人以忤內臣而逮擊者劉使劉秉鑑知府羅玉以織造抗內使下獄者布政馬卿知府查道一入以失儀下獄者御史葉奇主事蔡榮等五人以京堂為所屬計天下獄者樂護華湘二人此皆國家大政上干天和下駭民俗臣聞皆左右陰主之願陛下大奮明斷復成者之官錄死者之後逮繫有釋之而正訐者之罪 上怒謫補外○詔起大學士楊一清為兵部尚書總督陝西三邊軍務時上命陝西設提督軍務大臣一員謀才優學重者往下是推大學士楊一清兵部尚書彭澤南京兵部尚書王守仁 上命一清以原官改兵部尚書提督軍務給事中鄭自壁請取金獻民還京以一清代之 一清馳至陝西道洛陽謁故大學士劉健健年九十有三辭以疾不見既而執情短稍出曰應虛音而入相矣今出將乎一清曰偶承之爾因命孫章欽以既若他無一語○侍讀學士方獻夫請輯大禮

議允之

乙酉嘉靖四年

春正月庚申朔詔贈僉事田美官時總督宣大侍郎胡瓚遣美往督渾源應朔諸餉道遇虜要殺之乃請于朝贈以官許之瓚因言大同之變天兵壓境渠魁已擒必鎮撫得人庶可整頓今所賴坐鎮叛軍者獨總兵柱勇朱振耳若巡撫蔡天祐專事姑息難消邊患 上乃切責天祐令與朱振勉圖後功○命織幣諸郡改貢幣金時寧波知府楊最言本郡僻處海隅地不產桑常貢綺縠轉市嘉湖乞改貢價料為便從之因命今歲諸郡織幣已具者貢幣未具者貢金○巡撫寧夏御史廖壽請加給邊儲部議以准鹽八萬引山東小引鹽四萬引各定價召商中鹽收買芻糧貯之要地以備容兵支用報可○詔贈兵部主事王冕光祿少卿初冕遇妖人陸雄之難其母先為賊所傷冕挺身引救之既

而賊脅冕從冕罵賊以死 上嘉其忠孝故有是命○總督漕運胡錠疏陳六事其一言江北地利不盡宜隨地高下開濬修築教民備種二言白馬郡伯諸湖衝決為害宜乘時堅築運堤建立平水石閘以為疏洩之計三言夫厥應付困疲特甚宜于兩淮巡鹽掣驗所每引量似備賑銀一分以濟夫厥之用四言官軍舍餘占買民田勿狃不輸遺粟里甲宜令清理令供賦役如民五言鳳陽先年欽賜會昌荒地荒蕪者多為盜淵殺宜給民佃種收其子粒轉發會昌侯家六言山陽鹽城二縣相去三百餘里中有太湖之險賊多藏匿宜增設縣治或照沿海守禦事體築立墩堡量撥戍守部議允行○戶部尚書秦金論救侍郎席書都御史胡錠時書錠奉命賑濟言官論奏其罪金言淮陽饑饉陛下軫念元元遣官分賑至發帑金截漕米益以鹽價惠至混也而書錠所委非人侵牟冒濫言官論列似有可信但救荒本無奇策知人自古為難

宜錄其勤勞矜其過誤從之

○兵部侍郎鄭岳請罷山海關稅言無舊例上令騎載肩何者勿緊征每歲所入務覆實以為修閭費侵屠者巡閱御史劾治○復鳳陽正陽鈔關稅○詔蠲免蘇松常帶征錢穀先是三府大飢歲賦三十八萬有奇令俟兩年後帶征巡按朱寔昌言凶災之餘方值一稔即輸辦賦賦猶難奈何復責宿重為民困允之○詔賜巡撫江西都御史威應期銀幣應期既陞兩廣總督乃請任內所儲預備倉穀教以開戶部仍請勅天下各巡撫官嚴督有司用心儲蓄毋事虛文 上從之仍賜應期銀幣○北虜入寇倭掠陝西諸塞殺吏民復促楊一清赴邊○詔改胡世寧南京吏部侍郎先是召世寧為吏部侍郎未上外艱去服闋乞休時大禮議未決江淮飢人相食踈乞早定大禮赦群臣小過簡賢求治既成不果上及群臣伏開爭大禮澤罪文疏言群臣心欲効忠詞乃過激乞曠然開釋圍回治安召起為兵部

侍郎御史曹弘劾世寧奸諂道諛大負生平乞賜罷斥不聽世寧上京東邊備二十五事又上大學唯仁人能好惡洪範惟辟作威罔易大傳不出戶庭君不密則失臣諱意三章疏上留中給事中余經言世寧欲起告密之風世寧言乞下臣章宣示因引罪求去不允又上知人官人二十事言者益亟至數十上乃改南京吏部侍郎○巡撫江西都御史陳洪謨疏請寬貸言禮得罪之臣言人子事親三諫不聽則號泣而隨之前者議禮諸臣伏闕號泣誠為有罪而挨之于禮亦有所本况何孟春豐熙操履醇固宜置左右以資啟沃呂柟傷慎論思有體宜出禁闈以責後效張原毛立死無以歛妻孥流落惟皇上曲賜優貸使還諫者得以自效物故者可以自安通萬國之歡心致天人之佑助宜無出此不報○二月提督軍務侍郎胡璿還自大同列上功狀兵部議璿等討賊未有成功速尔班師事屬輕率且叙功邀賞尤非臣下所宜罪在

卷之二

三

不道 上詰責璿而賜桂勇銀三十兩以旌其功○土魯番牙木蘭復據哈密侵肅州又入沙州○命都督同知朱勇提督京城巡徼初勇總兵大同郝通代之勇還會京城多盜復以委勇○三月詔留兩淮餘糧銀三萬兩支給淮陽各運京操官軍行糧○日本使宋素卿等伏誅初宗設肆掠後匿入海島無可踪跡獨素卿及瑞佐就執下獄待訊廷議備責沿海倭倭官緝捕宗設無所得而朝鮮國王李暲奏稱倭奴入犯上國至殺官兵不伏天誅偷生到境仰伏皇威剿殺盡令將賊倭二倭等八人獻之闕下 上命給事中劉穆御史王道按覆之乃發仲林望等至游與素卿對簿備鞫遣官先後及符驗真偽既具乃論素卿叛正仲林望古多羅故校各斬瑞佐等釋還本國○大同逆卒郭巴子等伏誅以蔡天祐為兵部侍郎既而罷之先是郭鑑既誅父巴子復

卷之二

三

糾胡雄等為亂及擒徐毡兒巴子匿未獲自度無脫罪理乃潛入城誘餘黨夜焚王總兵第詰朝天祐乃集眾論之曰朝廷宥罪班師固爾生路何怙惡乃爾事既定復亂者何眾曰倡亂有人開城大索即可得乃籍其名而索之得首逆郭巴子胡雄等四人助逆焦亞雲馬江等三十四人先後捕獲盡斬以徇事聞乃以天祐為兵部侍郎既而言官追劾其靡財之罪遂罷之○命修恭穆獻皇帝實錄初上皇考嘉善行可以大書特書者不止一端宜有紀述以垂萬世乃以大學士費宏石璵賈詠為總裁官侍郎溫仁和侍講學士董玘副之共領其事遣寺丞周壁往安陸采輯遺事○仁壽宮災昭聖皇太后所居仁壽宮一旦火起延燒王德安喜景福諸殿 上乃戒膳撤樂素衣避正殿告于天地宗社諭令群臣同加修省給事中楊言上言變不虛生感召有自仁壽宮災責在諫官不在陛下朝廷設六科以舉正欺弊而今皆失職天變安得不至吏科失職致陛下賢否混淆進退倒置林俊蔣冕豐熙等見幾引去抗諫諫死而張璉桂萼始捷徑以獵清秩終怙勢以誣重臣戶科失職致陛下儉朴不聞而張崙索陽和之土田崔和諛虛尚之引目禮科失職致陛下享祀未孚而廟社精靈無辨幪之庇兵科失職致陛下勦山海之抽工縱錦衣之濫職匠役增收而奏帶陞賞日冗刑科失職致元惡如藍華等脫籍沒之法諍臣如郭楠等施枷械之刑工科失職致工作不當而局官陸全等希冒俸薪內監陳琳等請權木植此臣等之不職所以拂天理逆人心而傷和氣也乞賜罷斥以謝天譴御史余敷亦上疏自陳俱報聞○夏四月命議立恭穆獻皇帝廟初 上以親德殿規制未備孝心未熾至是光祿署水何淵奏言孝真大于年親禮莫大于宗廟獻皇帝入繼大統所自出之帝請于太廟內立世室以為禰廟崇祀獻皇帝與祖宗同享太廟廟內所有光正統遂下部

議禮部尚書席書等上議言淵請立世室竊謂非禮王制天子七廟三昭三穆與太祖之廟為七周以文武有功德乃立世室與后稷同皆百世不遷我太祖始建四廟德祖居北懿熙仁三祖各以昭穆為序後改同堂異室議祀以太祖擬文世室太宗擬武世室今獻皇帝以恭王追稱帝號何淵乃欲比之太祖太宗立世室祀于太廟不知何說也古王者立始祖之廟又推始祖所自出之帝我朝推止德祖何淵乃以獻皇帝為所自出之帝不知何說也初議以孝宗為禘宗本祀獻皇帝于親德殿即為禘廟何淵乃曰禘廟得所而後正統有光又不知何說也張璠言臣與廷臣抗論之初即曰當別為立廟京師又曰別立禘廟不干正統此非臣一人之議天下萬世之公議也桂萼言孝子不順情以危親忠臣不兆奸以陷君如何淵之說誠所謂陷君者可順情而信之恭昭穆之序亂統紀之常乎禮臣等復屢議 上不之許曰朕恭膺天命入

繼大統奉天法祖豈敢有于太廟惟我皇考撫訓朕躬固極之恩豈可怠忽親德殿奉祀尚在大內太常不得行禮匪合儀制所議反覆違理背經宜將夏商周典禮博考會議因議宜于碑城之東皇城之內擇地以立禘廟所別者出入不與太廟同門位處不與太廟並列祭用次日使敬心不分于所尊廟欲稍速使樂殿不聞于列祖尊尊親親庶可兩全至于親世之期則與孝廟一同 上復宣問席書親盡當祀之說因言 皇考生朕一人入繼大統今特立廟以後子孫世世獻享不遷以仲朕孝思之情○五月提督陝西三邊楊一清請准泚開刺引益召商羅買隨宜處置以備緩急從之○巡鹽御史張珩請以兩淮運司餘鹽銀每歲貯三十萬于太倉預發三邊羅買糧草或將原銀貯庫以備不虞部議如珩因言竹勞績卓異宜加旌獎 上從之○詔加廬州府知府龍誥一官誥在任修理義倉置買義田行賑糶賑濟之法又條積蓄

便民八事曰議倉制嚴丁口議賑糶議賑貸議賑濟濟官田嚴倍考責有司故有是命○四川兵備副使余珊效魏徵陳十漸曰紀綱漸頹言官府異體陟罰未公而政多苟簡之弊曰風俗漸壞言名檢日薄廉耻日消而士多諛佞之習曰國勢漸輕言叛卒殺撫臣妖胡戕主事而庫帑驅逐小王志吞洮河曰邦本漸搖言冗食橫征織造需索而江淮困於水旱充豫困于剽掠曰人才漸凋言呂柟鄒守益去而館閣空注俊顧清去而部臺空張原胡璉死而臺諫空曰言路漸塞言朝奏一封而暮投千里三木覆頭而九泉啣恨曰邪正漸淆言饒六藝以文奸言假周官而奪漢法王莽匿情于下士之日安石垢面于入相之初即有周孔誰其辨之曰君臣漸駭言大禮議起載鬼張孤邪佞相窺巧發奇中大臣顧望小臣畏煇曰災異漸臻言東南洪水傾城西北赤地千里遠

陽軍婦生子兩頭無極赤風晝晦如夜以陛下上聖之資乘中興之運宜與堯舜比隆而乃有此十失豈相臣奸佞伴食以致之乎願去此臣更求應變機神如揚一清木彊厚重如石珪者置諸左右庶幾弊政可除太平可望報聞○順天東安縣濰縣雨雹大殺禾稼○六月武宗發皇帝實錄成○詔作世廟先是命禮部會官詣太廟左右相地營立獻皇帝廟尚書席書等相度廟址言太廟右地勢湫隘惟太廟左環碧殿宇寬敞宜立廟其制前殿後寢一如太廟神路由門左門出入 上曰廟制與太廟同而高廣微穢移極嚴整伸朕永素之情乃命太監郭紳崔文李鍾惠安伯張偉工部侍郎童瑞程工給事中衛近御史葉忠監視仍定廟名曰世廟○詔復錦衣革職百戶關安等原職安與李全崔王王邦奇等既辨原職以營建陞陞請復從之尚書金獻民言全等怙奸奏辨一日而復九十人是以左右一人之私壞百年之法給事中鄭

自壁亦爭之俱不報○擢温州府同知顧璫為山東僉事整飭沂州兵備先是璫為南京武選郎中時武宗駐蹕南京兵部尚書喬宇以璫通敏有識選待左右武宗注目久之命充護衛遂謫還政武選會有旨查冗員請囑不行因有諛之者諳知許州有惠政民德之至是據僉事尋陞河南副使○提督鴈門等關無巡撫山西右副都御史畢昭請乞歸養許之昭因言臣以母病陳乞歸養已家命乞弟新任都御史江湖遠在萬里若候交代恐母旦夕不保終孤聖恩乞特許放歸以伸烏鳥之私吏部謂其情詞懇切議令巡撫大同右副都御史蔡天祐整理其事以待潮至 上憐其意詔如部議 御史趙允疏請正都指揮張傑等罪言國家所以布大信於天下者在法令畫一而已陛下比年以來法既用而屢更如都指揮張傑侵盜庫銀總兵趙文含殘失械罪証已明法所不宥夫一則免責其償一則併貸其罪藍華姚瑄殷洪殷銘等

臺國害政死有餘辜且其贓銀有將百萬者有二三十萬者既宥其死并賞其贓楚府承奉潘朝茂視親王專擅僭逼已論死矣而旋從末減太監耿忠主守自盜紀世楹謀坐殺弟張彥達致死三人罪有明條而各榮免死何以慰塞人望布大信于天下乎夫法在必行故人不敵犯前坐贓者可以賞緣倖免殺人者可以展轉得生則人皆效尤何所紀極乞仍前處分明正諸惡之罪以彰法紀得報有旨○詔南京衛軍俱免查革初南京各衛軍絕例許義勇男替塔外甥暫役以待勾補至是南京戶部以食冗移文查革南京兵部又以軍少議量留之魏國公徐鶴舉寺言查革非便詔暫役如舊許貢戶兵二部議查革者 詔加魏國公徐鵬舉太子太保鵬舉既守備南京掌中軍都督府事又以祖姑仁孝太后親兼命奉祀孝陵疏言戎祀不能無舉請辭免奉祀詔加鵬舉太子太保不允所辭○遼東叛賊李真周輔等伏誅○福建汀州流賊

會鳳等俱捕獲伏誅○秋七月詔司設監兵仗局各准收人匠五百名兵部尚書李鉞言儲糧與國脈相為流通軍匠與糧儲互為損益織染局見在軍匠二千一百有餘內官監七千八百有餘併合新收一千五百有餘以歲計之該支糧一十五萬二百餘石其他監局食糧人役難以數計若弊端復開則京通二倉立可待盡寧不寒心不報○以僉事席春為修撰劉夔為編修先是吏部以御史孫元席春劉夔皆當路子弟宜改別官 上命俱授按察僉事席春書弟也見弟外補遂與章論大學士費宏等而上疏為弟乞恩改授館職遂命春為修撰夔為編修給事中鄭一鵬言先朝子弟為臺諫者多改授行人其一二改翰林者皆稱實緣當時羞之旋即外補當春改官書制不引行人例因校纂修平書自負議禮偶合聖意遂恣行胸臆乃為弟乞憐恩甘為鷹犬輕構大臣平生奸偽洞見真情乞將書罷斥將春削籍辨理並挾奏

之誣以明公論 上切責之○詔許錦衣正千戶孫堪許場治事故事蔭叙軍職止于食祿 上念先臣孫燧許遠臨難死忠大節表著故特從兵部之請○八月詔逮繫元城知縣張好古于獄訊之泰和伯陳萬言弟姪暴橫好古以法繩之萬言懇于 上命逮訊御史李高爭之不聽○大學士梁儲卒諡文康贈太師 謹按支大綸曰梁公居內閣踰十載家無負郭之產宸深沒藉舉朝惟公無私餽而務自韜晦不伐其功科官田賦公門人也至云沒公之貲可成天下租稅之半御史李鐸試公无力求至大理丞缺叙宜鐸諗司以詆公難之公立命擢之曰舉不避仇是何足校而威武大將軍勅死不且草秦藩請地片言尼之尤非人所及 ○詔建處士吳與弼祠于鄉巡撫江西都御史陳洪漢巡按御史秦鉞言撫州府崇仁縣處士吳與弼蒙先朝禮聘授春坊論德不受賜老于

家砥礪名節有裨風化乞特建祠賜額令有司致祭從之

謹按吳瑞登曰與粥為溥之子粗衣芒屨舉動效古見明道見佩有
喜心益知聖學為必可學小樓坐計收斂身心其不為俗所染可知
當其承英宗之聘辭論德之官殆易所謂不事王侯高尚其事者有
士如此取其節焉足矣而世儒議其規卿相之位有傲世之心抑何
好議其短哉稽之我明二百年如與粥者蓋不數數得也所謂卿賢
之最者吾誰與歸

○九月刑部尚書致仕林俊卒年七十六病時疏言身後乞免祭葬以
安存歿錄議禮諸臣以慰幽明又言古者撻人于朝與眾棄之非欲
爛肌膚而致之死也成化時臣猶及見廷杖三五臣綿衣重毡才足示
辱正德時逆理用事始起去衣之端末年諫止南巡遂有死杖下者成
弘間詔獄惟叛逆妖言重加拷訊其餘常犯送鎮撫問法司議罪今一

緊訊問無復低昂非祖宗仁厚之意也疏下所司俊尋卒俊莆田人立
朝正直不妄詭隨雅志林整一介不苟取冲素若寒士尤好引掖後進
士論推服○冬十月命議世廟神路禮部初議世廟出入不與太廟同
門宜由闕左門入別開神路何淵言從闕左門入則經太廟之後折北
而南復折而東乃達于世廟神路迂逆宜與廟街同門國制左祖右社
語社則稷在其中語祖則禘在其中社稷異神尚得合祭同門獻皇與
祖宗本同一氣乃不得同門耶禮部尚書席書等議言獻皇廟議已定
不干大廟而君臣之分嚴獨尊祖廟而父子之恩篤神路少或不便特
一節耳何淵言雖鄙俚而于禮未為有害于事未為不可臣等亦不敢
固執但直道北街須毀牆伐木折神宮監似為有礙請命會官相地議
擬 上允之瑣瑣亦主廟街繪圖以進費宏等力爭不聽 上曰由廟
街門但于神宮監北量折廂屋令可通板輿而已

謹按史臣曰皇上從容中道者也初禮部廟議未當群臣論奏未知
所處聖諭曰朕豈敢有干太廟是見太廟不可干矣崇大統也義也
曰觀德殿奉祀尚在大內太常不得行禮匪合儀制是見世廟不得
不作矣篤尊親也仁也至作廟曰制度與太廟同而高廣微咸自義
率祖而有祈制也議廟路曰往祭世廟還由廟街門自仁率親而有
祈統也制禮作樂非聖人其孰能之

○詔修遼東邊牆從巡撫周璉之請也仍命戶部以長蘆額鹽六萬引
山東四萬引兩淮三萬引行該鎮開市以佐工費○詔諭四方災異上
下同加修省大學士費宏等上言應天以實不以文感人以行不以言
皇上欲善修省之實必存心政事加意窮民而後可今用度不能節省
則民財竭于科斂工匠不能停減則民力勞于奔走近京地土不為莊
田而民間養馬當差之費無從辦納入庫錢糧賠納過多而遠方承領

管解之人無所控訴太倉無三年之蓄而冗食者收充不已京營無十
萬之兵而做工者借檢不休况忠直之士以觸忤得罪而未蒙寬宥董
諫之臣以敢言為職而每加詰責有罪當刑者屢經審錄而不為處決
無冤可辨者或加優旨而仍令勘詳皆足下致民怨上干天和此臣等
深憂極慮不能已于言者又前日憫念民窮欲暫止仁壽官工役臣等
不能將順聖意若因修省暫且停止未為不可 上嘉納從之○十一
月召提督陝西軍務兵部尚書楊一清為少師兼太子太傅吏部尚書
武英殿大學士預機務初御史吉棠等奏召一清入閣復起彭澤代一
清總制章下吏部大學士費宏奏召謝遷席書上言一清宜復內閣而
宏舉謝遷所以丑一清耳吏部外牽于臺諫內媚于宏惟斷自聖心可
也 上從之故有是召○戶部尚書秦金疏止採取金珠寶貨言朝廷
經費多端大倉所餘無幾此外別無區處至于珠石原非中土所產但

宗朝俱有內藏皇上恭行節儉必不以此玩好之具勞民動眾况廣東雲貴災異頻仍一聞採取民何以堪不從○十二月乙卯朔日食○命註尚書伊訓併聖祖所製洪範註與近日御製無逸分為三冊共成一書復命將皇陶伊訓無逸通加註釋名曰書經三要○大禮集議成庶書奉表以進言曰璵曰韜奮正義以爭于前曰書曰蕇曰獻夫中大經以鳴于後實為綱常之計無復身家之謀 上命頒賜各藩府及中外文武官仍令各省刊布以傳乃加席書太子太保張瑰桂萼詹事府詹事兼翰林院學士方獻夫霍翰少詹事兼侍講學士建議諸臣皆加秩有差○閏十二月南京御史司馬泰等奉詔陳言以消天變禪聖政疏陳敦聖學攬政權遠小人勵百官錄忠臣蘇民困振武備七事 上納之○太監李能請權取山海關稅以備邊費部諫閉以詰奸非以媒利元年詔旨盡行裁正豈宜更開利門不聽○進費宏少師兼太子太師

謹身殿大學士石堉賈詠並太子太保武英殿大學士○兵部尚書金獻民罷以李鉞為兵部尚書言官論獻民于土魯番措置失計獻民因引去以鉞代之

丙戌嘉靖五年

春正月甲申朔給食京師饑民多乃命養濟院月給米蠲蠲坊二寺日給食以惠貧民○學士張瑰桂萼疏請寬釋諸禮得罪諸臣言近者議禮諸臣倉卒定論不暇考禮聚訟四年更詔三遍此誠出于皇上因心之孝親自裁定非臣等凡庸所能與諸臣一時愚昧誤犯聖訓曲家矜宥今尚有充軍如學士豐熙郎中余寬等者為民如給事中張漢卿等者降調如修撰呂柟編修鄒守益御史馬明衡本陳相段續主事庚廷訓評事董商臣等者伏罪宥德已喻三載况今獻皇帝追尊之禮已成世廟已立皇上大孝之心光于天下萬世矣乞將

言禮放斥諸臣或矜其情而寬其法或諒其心而復其官御以怒如天道伏闕諸臣怒而罪之此秋氣肅物之指象既勅下議上還此天道肅物之仁俄而報罷豈欲其砥礪之久然後用而企之乎今廢謫已兩閱歲一旦如劉安世齋志以效范祖禹海州不返陛下必有後時之悔伏望早沛春生之仁即起諸臣必將感恩思答以圖報濟不報○詔起提督三邊王憲赴任禦虜時虜亦上刺住牧草夏賀山出後將以水合渡河入套陝西諸邊皆患之鎮巡以聞乃命憲無程赴任○南京御史趙得祐論劾禮部尚書席書言書因排大學士費宏疏謂書諫媚宏是倡黨說欺聖聽也且書救一陳沈而沈輕之稱一鄧洛而洛効之書亦有醜面目矣廖紀欲避吏部讓書而書身為系排鄧爽之語以資聖聽是果忠于朝廷耶 上怒奪得祐俸○禮科給事中林士元

等論劾學士桂萼言萼與刑部尚書趙鑑論給事中陳沈罪犯至據贊相加輕及禮法真此為甚夫君道友逆則順君以誅友今沈負不赦之罪萼乃欲捷法以違君忿戾橫于胸臆攻激加于班儕殊失大臣之度章下所司○命有司為大真人張彥頰營第時彥頰府弟被災請賜更造 上許之命有司建造遣內監一人往督刑科給事中黃臣言頃者趙泰榮三王府災第詔行勘估計今彥頰所請未經估勘實屬有司且遣中官往督是出親王上也昔漢乘巴嘆酒殿庭而皮都火致彥頰若有道術曾不能救其家之燬將焉用之 上詔如前旨○御史雷應龍請罷養鷹犬之費 上命光祿寺毀教以閒應龍言鷹犬之費財祿鳥獸歲飼肉一萬六千又五百餘斤秫豆五千二百餘石其財祿累聖德請悉罷之 上曰朕即位來凡百玩好不經耳目豈欲慎德圖治以安民生鷹犬曷踐一無所益每歲畜養乃耗萬計司其查數以

聞○詔許河南山東輸上太倉粟價先是河南山東州縣穀料太倉粟
米民皆領價有司市之京師時京城米價翔貴計值當虧正課三之一
民莫能辦乃自言願盡輸原領價銀以蘇困苦戶部請從民便每石輸
價銀八錢五分加耗五分 上許之命來年仍納本色如故 都督同
知桂勇請定班軍盜發連坐之例時巡捕軍有為盜者事發則領軍官
皆連坐勇因言官軍故皆奮休盜發班中則輸班者當坐下班者不當
坐請分別輕重行罰其不係官軍能踪跡盜賊者皆濤論功如賞係兵
部覆奏如勇議從之○給事中王科請舉首領佐貳之庶能者言用司
首領州縣佐貳以下率以秩卑為上官所輕甚則部民得以事傾之
以故率貪月不自顧惜宜令所在正官各舉所知擇其中無幹者稍加
遷擢使得自展布又今邊疆財貨之職不宜以庸下材有物議者宜擇
年力精強及引日所選士使任之邊方州縣鹽運司等官有廉稱者一

○吏部議覆從之○以災免鎮江丹徒丹陽三縣原帶徵嘉靖二
年錢糧金壇縣帶徵已完特令改折四年兌軍米以蘇民困○戶部請
嚴徵解之限言有司徵催無法經賦不辨國用告竭請督比天下來朝
正佐官凡徵解未完者籍記多寡者為限程限內皆停俸以完日支給
過限者並下巡按速問送吏部降用則人心知警國儲自充 上是其
議命從實舉行仍問戶部以各抽分廠及鈔關銀課所在戶部具對河
西務杭州北新閘及臨清三鈔關錢鈔自元年至四年皆輸廣惠庫揚
州進安二鈔關三年以後皆處補官軍俸糧蘇州許墅鈔關自元年八
月以後皆輸大倉銀庫九江鈔關自元年八月以後皆解部給公用其
六年七年合將七鈔關錢鈔皆送工部以備仁壽宮營建之需 上命
七年以後各鈔關銀兩皆輸承運庫錢鈔輸廣惠庫○二月以龍虎山
上清宮道士邵元節為真人賜銀印吳尚禮為左至靈宮供奉○陝西

地大震○會試天下貢士命大學士賈詠詹事董玘為考試官取趙時
春等三百人○戶科給事中管律請復兩淮鹽課舊制言兩淮鹽課舊
制七十二萬引有奇其常股四分以給工役賑濟之需存積六分莊園
家大事邊警有急未嘗擅開糧草皆輸本色未嘗濫收銀價是以國不
言虛邊不告歉正德中改常股存積皆為正課破利生奸遂令商人自
請開中又皆折收銀價緣急無備請自今五年始畫復舊規則公私兩
便從之○天方入貢詔速繫禮部主客郎中陳九川主事陳邦冊干錦
衣獄時譯使胡士紳言九川等索授天方王璞 上怒逮赴鎮撫司拷
訊給事中解一貫奏乞併逮士紳及天方使人面質不報既而錦衣邏
枝聞大學士費宏命王工製帶疑為九川所索王遂入宏第執舍中兒
以去欲與九川對簿宏弗敢拒因上言日者臣遺故尚書鄧璋以詩璋
嗣以王璞重若而斤為東常者三今天方失王重若而斤與臣璞輕重

不倫若之何疑臣受九川獻九川之誣據此可辨 上不問以溫旨慰
之而九川竟論成邊○畿內饑巡按順天御史張珩言畿內凶荒乞加
賑恤部議從之乃命郡縣倉庾悉數給散不足則發通太倉錢穀補助
之○詔免盧溝橋權稅御史沈松言無湖荆杭諸處皆隸水下便市舶
權分為宜盧溝既無舟行之便而木梓已擁于工部其灰炭葦草諸物
皆自民自致以食其力宜免權以甦之 上如議行○巡撫甘肅金都
御史陳九疇請外徙哈密夷人于肅州北境不徙九疇及兵部尚書金
獻民奏言哈密二種向因避仇內徙一居肅州東閘一居金塔寺等處
異類雜居終難輯睦請肅州北境棄地量與築室修城以居永杜後
患總制楊一清覆議各夷日內屬以來未嘗為患一旦遷之外地此不
比合瓦刺則必西連察台徒足召孽未見有益宜待哈密復立之日方
可議此 上然之令提督尚書王憲轉行鎮巡曉諭撫綏毋致疑貳○

命南京存留馬快船及修造掠江船皆如故先是巡撫應天都御史吳廷舉請以南京馬快船十分之四改為掠江巡哨船可省派南直隸故十萬銀兩南京兵部尚書李元嗣議以為南京江淮濟川二衛及錦衣衛見船不過九百餘隻每歲差用常六百餘往來未守候動經數時而又稍寬人力若去十之四則存留應役之人何以堪命且舊制路河聽守船隻無事以通使客有事以備征進若減額則停泊久失祖宗防微至意非臣等所敢知也得旨如部議○應天府尹王熿劾親回任以母年九十乞便道歸省許之○士魯奮乞貢不許先是士魯奮教道人持番文入貢詞先後不一巡撫右僉都御史寇天叙等以為請許反復不足深信第恐求貢不得明春復來防禦不可不嚴于是兵部議以為士魯奮持其詐力且貢且叛性甚甘州之役大肆掠掠故議閉閣絕之

今以計窮乞貢而番文背戾誇張不實其所遣又非彼中夷人詐護巨測請下提督鎮巡官曉諭夷使如果悔過効順方許通貢如有詐偽仍舊閉絕嚴兵境上以俗之 上從其議○詔准復原任南昌知府鄭獻舊秩不必再勘先是獻已奏復御史楊林復論之獄復上言臣前守南昌宸濠謀逆臣首發其窩主何順之奸次擒其黨以遂進保之屬濠深恨臣遂中臣以危法法吏乘風燬煉成獄身陷囹圄及濠舉兵命囚臣別舟聲言用臣祭馮幸臣以微言諷感守者得脫械先登斬其七賊歸詣都御史王守仁具陳城中虛實守仁以為忠相與共策攻入南昌因委臣圍守王宮頌効勞績而御史楊林乃誣臣投到於賊亡之後心跡未明死有餘恨吏部以聞 上曰獄抗逆遇禍不陷非義又頗有斬獲功准復舊秩不必再勘○詔出高牆喂庶人家屬時留高牆者甚眾上憐而出之以屬楚王鈴東仍令所在有司嚴加約束毋得令放縱○

命授營建工役官秩御馬監太監張忠為營造官殿官匠工役乞恩秩其中以前戶乞錫衣千戶者二旗卒乞百戶者一冠帶人匠乞錫衣鎮撫者四十有四書篆官乞京班者七匠役乞冠帶者十有四計六十有八人俱從之給事中鄭自璧上言刀諫乞收成命兵部侍郎世寧亦以為言俱不報會太監周縉等乞錄故太監羅喬泰文宗詔復從之于是尚書李鉞言我朝舊制武階專待軍功管事必由推選自正德間為權奸所亂幾危社稷今登華未幾而內臣乞陞隨請隨得如祖宗成憲何如天下公議何 上以陞復官職先朝故事戒等勿復言○三月進試賜翼川卿揚維傑歐陽衛等進士及第出身有差先是唐書上月臨軒策士延攬英賢朝廷第一大舉何請卷者以官之崇卑為甲乙人每閱卷二十而受卷糊名諸官不畏國紀每以故識當路子弟兩對策盡付元臣擬取上甲次及九卿翰苑所讀雖有材雋抑而不揚乞勅

御史有風裁者監收試卷嚴督糊名勿通關節雜送各部諸臣從公裁取如璫前轍指名彈劾 上然之○戶科給事中陳洸劾籍先是潮人賴氏等奏發洸之事情御史藍田舉劾勅令即中葉應聰等親詣廣東會官勘問南京御史司馬恭上言洸奸邪之心郵穢之行奸娶之妻上盜勅命強奪之妾下敗囊倫手書稱刺賊為大王莊房高切財之強盜占田不下數萬畝累死不止數十人潮人痛憤切于骨髓冤號徹于蒼昊洸自知罪大而不可解乃託為議禮致辭之言每每飾辭強辯以責望聽乞明正其罪以謝潮民以懲奸惡疏下所司既而勸明刑藉為民時太監崔文亦黜退閒居南京御史王錄又言惡如陳洸宜置重典而庶死為民奸如崔文宜投遠裔猶未拔去乞編洸于滇南發文于孝陵以防後患杜復進可也因薦呂坤鄒守益諸臣宜原心釋罪復加錄用不報○詔復以衛道為給事中洪養浩為御史時故太監王堂黃錄左

右起為天壽山守備御史謝汝儀疏論不報。能權堂守備南京而孝陵司香故太監谷大用屢以司香康陵為請。從之。御史喬世疏諫不報。謝汝儀復上言。人君之德莫大于明斷。陛下復甯道。洪養浩官天下。命然稱陛下之至明。罷黜崔文。天下命然稱陛下之真斷。乃御史張紱請錄用。豐肥等陛下始然而中止。豈聖心不無芥蒂于中耶。臣以為陛下之仁。諸臣終當被其休光。但恐鬱鬱卒徒之中。依依下察編氓之內。歲損月失。他日雖欲憐而用之。將何及乎。此張紱之言當亟從也。御史喬世論谷大用不當取用。陛下報聞。豈聖心不無眷恋于中耶。臣以為陛下之聖好惡。固有所憚。而不敢為然。王堂守備南京。夫亡何復有大用之命。但恐此輩招置愈巧。根據日深。他日即欲殺去之。不已晚乎。此喬世之言當亟行也。亦不報。夏四月。都御史姚鏞督師討田州。指揮岑猛廣西諸土酋族岑氏為大。自叙為漢岑彭後。圖勅岑伯顏以田州歸。

附世知田州府三傳為岑澤。澤二子長猛。次即猛。弘治六年。猛絀父自立。為土目黃驥李蠻所殺。嗣位未定。而驥與蠻構。驥以猛奔梧州。督府奏猛襲父官爵。後與思恩知府岑濬相讐。濬亦猛族也。遂襲破田州。猛走。免都御史潘蕃奏討。濬誅之。改思恩為流官。知府重楫。田州陸猛福建平海所千戶正德初。猛盜劉瑾。得復為田州府同知。領府事。猛撫輯道民。兵咸日振。會江西盜起。都御史陳金檄猛征賊。平金。疏猛功。遷指揮。同知猛復。祖官不得。朕望驥。塞漸不用。命交轉。旁郡日甚。而前得猛賂者。至是無所得。多謂猛不法。都御史戚應期信之。欲脅洋重賄舍猛。復出不遜。語應期。怒。疏猛反狀。請討之。未報。應期去。都御史姚鏞代不察其故。再疏請征猛。從之。乃遣都指揮沈希儀。張經。李璋。張佑。程鑒等五將軍。帥兵八萬分道進。而令叅議胡允元監軍。計之。禮部尚書席書疏請選庶吉士。從之。書言。國朝選庶吉士。讀中秘書始。

自永樂初。後掄取無定科。考校亦無定制。弘治間。大學士徐濟。丘濬。始議。每科一選。不限地方。歲年以為定式。迨後。因涉嫌疑。遂不復行。似非至當之舉。乞仍舊議。每科選取第勿逾二十人可也。上從其言。大學士費宏疏辨張璠。桂萼。誣奏。上溫旨答之。時璠。萼。連章劾費宏。言受陳九川。所盜王璞。又受布政使彭燮。金而擬。旨留用宏。上疏自理。言璠。萼。欲教庶吉士。臣等請以溫仁和董玘為之。拂二人。竟。萼。又自言曰。者。誤彼命。當與鄉人。並相。親。臣。推。轂。而。臣。亦。未。及。又。見。臣。恭。和。御。詩。荷。章。服。王。帶。之。賜。復。懷。嫉。忌。形。于。奏。計。臣。以。皇。考。實。錄。筆。成。不。忍。遽。去。故。敢。辨。析。明。臣。之。愚。上慰諭之。御史鄭洛書言。據璠。萼。劾宏。受王。納賂。是宏為貪夫。不可司政本矣。而宏之留人。無非之者。以其藏垢納污之量。可以敵璠。萼之橫議也。以璠。萼之言。宜可秉國柄矣。而人無予之者。恐其睥睨代宏。遂至沈毒天下也。乞諭宏以止足之義。戒璠。萼。強暴之

非各令乞歸。別選賢能以副任使不報。五月。祭未朔日食。刑部尚書趙鑑致仕。鑑以疾乞休。優詔許之。特賜馳驛。仍令有司給以月米。及嚴夫六名。陞辭。上特製詩一章。書于龍箋。賜之以寵。其行舉朝以為異。救。福建知府汪文盛疏請。調賑。言自正月雨。至四月不息。平疇皆為巨浸。山鳴海溢。旗鼓自。董。奏。乞。蠲。賑。且。乞。自。罷。以。謝。天。譴。章。下。所。司。○上奉兩宮于午日。泛舟賜宴。給事中高世魁言。舜造漆器。諫者十餘人。以防侈靡之漸。陛下之德。遠追虞舜。近有此舉。不將為逸樂之漸乎。此必左右有緣。先朝故事為請者。近來每每輒言故事。如太監鄧文請。易勅書。張忠乞陞官。匠皆附會。弊輸欺。陛下以濟其私。陛下入其機。而不自覺。殷鑒不遠。願亟畜之。報聞。召用大學士楊一清。一清辭之。復疏五事曰。聖孝聖政。聽言宥過。和衷。上優詔褒答。不允所請。六月。進費宏。章。蓋。殿。大學士楊一清。太子太師。謹身殿。大學士石琚。賈誼。並。

太保先是禮部尚書席書言國家大學士故事比少師必兼太子少傅必兼太子太傅俱謹身殿少保必兼太子太保武英殿今一清以少師乃兼太子太傅武英殿非制也乞改正以存舊典一清言臣一清以疏惜其典章之未明發言之太易也太宗初置閣臣以學士為首餘皆請讀修檢而黃淮以中書預焉自三楊始進公孤而士奇少師兵部皆蓋殿崇少傅工部謹身殿溥少保禮部武英殿未兼青官保傅之官也燕之自景泰始至英廟委任李賢止以吏部兼翰學而已後乃加太子少保憲廟初始進少保華蓋殿成化以來始有少師兼太子太師等官耳書之典章果何據乎且書以費宏抑臣于後故為此以先臣然宏為少師一年矣臣得入即使官秩書同亦當叙其下書意雖厚臣實不知臣也既入報聞故有是命○上御平臺召大學費宏楊一清石印賈冰入見宏誦詠先入 上諭之曰卿等昨和朕詩朕亦為卿等作一詩相

勛一清繼至 上諭之曰卿昨歲督邊殊有勞動茲特召還輔理朕為一詩賜卿卿其勉之宏等皆頓首謝

謹按吳瑞登曰太祖御黃閣為宋濂賦醉學士之歌宣宗御文華為楊士奇賦樂有嘉魚之句于時獻和蓋真明良喜起之氣象矣我世宗平臺四詩遠追先志下勵臣工于宏則以沃心輔德期之於一清則以政本皇綱賴之于堆則曰化成在人文於詠則曰治理須于平

蓋皆因人警戒所以弼嘉靖初治宜其有光祖宗矣

太子太保戶部尚書韓文萃文山西洪洞人清心寡欲凝厚雍粹又奮勵充奏議董蓋宏居常抑抑至臨大事斧斷建擊至死不撓至是卒吏部議諡曰愚同武子而卒保其身老似武公而不弛于學乃增太傅諡忠定○上以恭穆獻皇帝廢書頒賜廷臣○恭穆獻皇帝實錄成凡十五卷實訓十卷 秋七月壬午朔享太廟遣驛馬都尉崔元代給事

中章僞言廟享重禮無故不宜遣代元雖親屬貴臣終非氣類相感祖宗之靈決無欲享之禮又况臨時差遣倉皇就位誠敬何存 上責僞妄言奪係○副都御史張潤請行訟牒株連之禁從之潤言國朝令甲自叛逆盜賊機密察獄外軍民訟牒連株據拾全誣十人以上者俱有屬禁近來官司不恤民隱不思一人被繫一家痛苦輕忽者不肯理庶劣者不知理怠緩者不能理貪暴者恣其科索街其威福快其羅織因而廢人生業破人常產陷人驅命于和名災賦此之由乞行禁勒以福生民從之者為令○禁員乘驛傳御史劉陽奏論胃乘驛傳之害部議嚴禁從之○八月詔改作親德殿先是上諭內閣曰世廟告成朕心始慰但親德殿在奉慈殿後地勢迫窄甚非所宜欲改建于奉天殿東費宏等言奉慈在西恐獻皇神明未安 上曰遷親德殿與奉慈無干勿多言蹈前日大禮之誤宏等不敢復爭乞勅禮工二部十日管度禮部

尚書席書等言世廟之建民勞踰年今災異非常大工不可屢興 上曰民力當節但親德殿改遷舊宇所費不多宜令改作以慰朕懷給事中張嵩御史郭希愈等言古之聖君清廟示肅茅屋示儉况今府庫未充征稅迫之事惟求中貫惟仍舊可也皆不聽

謹按史臣曰君子將營宮室宗廟為先此世廟所以不可不建也然親德殿在內實擬奉先殿此皇上所以欲改作也然曰改遷舊宇所費不多親親仁民之意已藹然矣

上頒示輔臣御書十二字曰法祖安民奉天行道福善禍淫且諭及皇考昔年垂訓之功今日勉學之勤宏等疏謝○上更撰世廟樂章迎神用永和初獻用清和並獻用康和終獻用冲和徹饌用太和還宮用寧和而大學士費宏等上言皇上更定世廟樂章曲名欲少異于太廟因具奏世廟中樂舞專用文德蓋以獻皇生長太平不以武功為尚考

之漢書高祖以武功定天下故燕奉武德惠文二帝不尚武功故止秦
文始昭德今世廟止用文舞亦此意也 上七之。魯迷復貢齋子二
犀牛一 上命收畜內府仍留熟炙五人飼之御史張錄力諫不聽
九月祭未火星犯太微西垣上將星。世廟成 上自親德殿奉茶穆
獻皇帝神主安于世廟後自武英殿迎神位安于觀德殿 上御奉天
殿群臣表賀。上定世廟祭與太廟同日初禮部議用次日太常寺以
時饗太廟并饗觀德殿先三日齋戒先一日省牲今世廟祭用次日齋
戒省牲日各不同且歲暮之祭難以次日舉行禮部復論世廟時享
用太廟次日歲暮權與太廟同日 上曰俱用同日次第行之。上奉
章聖皇太后謁見世廟先是 上諭輔臣曰聖母欲謁世廟卿等詳議
可否費宏等言國初所定諸司職掌止有納妃謁奉先殿禮而皇后謁
廟禮並不載惟大明禮制內有皇后初立謁太廟禮未樂績定儀注改

謁奉先殿無至太廟者蓋以正乾坤之位謹內外之防聖母欲謁世廟
忍經由太廟門祖宗列聖臨之在上心固有不妥者 上以問魏謩對
言唐開元禮有皇后廟見之儀國初皇后謁太廟內外命婦陪祀永樂
止謂奉先皆當時禮官失考非祖制也皇太后中宮宜先見太廟以禱
前禮之缺次謁世廟以成今禮之全宏一清曰魏謩所引開元禮不可
為法國初禮文未定二臣欲復廟見是彰祖宗之闕也不可席書劉龍
言魏所引俱婚禮今乃行大祭禮不可儻會並聖太后宜奉主後謁觀
從殿以守祖法魏謩言周王宗廟之祭王服充冕而入立東序后服副
帶而入立西序九獻各四拜是天子與后共承宗廟也皇上毅然舉行
以復古帝王之盛未為不可因具儀以上席書等不能難乃議請聖母
謁廟翟車暫離法宮路經太廟往復之間降輿與陛奧必須皇上躬自扶
禮雖皇太后行之所以主斯禮者實在皇上一行 上從之至此

上奉章聖皇太后謁世廟還宮 上行虞賀禮賜席書劉龍魏謩張
璠桂萼金帛。田州岑猛奔歸順州知州岑璋誅之功猛聞大軍至欲
兵令毋戰裂帛陳寃狀都御史姚鏐不聽督兵益急乃陳兵自固鎮下
令諸旁近土官能擒猛者予千金爵一級昇其土之半黨猛者移兵誅
之又以歸順州知州岑璋猛婦翁也恐璋黨猛乃乃極指揮沈希儀問
計希儀知璋以女失愛故憾猛對曰俟伺日當探其情以復希儀察其
部下千戶趙臣者雅善璋乃召臣問曰岑璋與猛有隙欲遣說之
藉令破猛如何臣曰璋多智善疑直語之必不信當以計說之希儀曰
計將安出臣曰鎮安與歸順為世仇督府往使人歸順則鎮安疑使人
鎮安則歸順疑公今遣臣徵兵鎮安臣迂道過璋璋必詢故臣為好故
泄之璋要領可得也希儀曰善乃遣臣檄鎮安兵臣過璋璋喜逐
臣曰入不見故人今肯念我來耶臣默然佯為不豫者璋叩之不荅須

更後太息璋心疑之明日璋置酒款臣臣愈不豫若有沉思者璋益疑
問故曰軍門有意督過我耶臣曰無之璋曰隣壤有所控訴將逮勘耶
臣曰無之璋挽臣卧內號叩之臣泣下璋亦泣曰璋死即死耳君何秘
不告臣乃曰託君肺腑有急不忍隱然君不死則臣死矣璋驚曰何故
臣曰督府許田州謂君猛婦翁必當猛命我殺鎮安兵裝君我 不言君
死我言君必驟發為自脫計我必以泄機死奈何璋頓首謝曰君實生
我君不言我赤族不悟也猛奴視吾女吾欲圖猛久矣奈何以猛及我
也臣曰君意若爾盍自列于督府匪直免禍功有藉也璋乃強臣留俾
舍遣人馳詣希儀所告猛反願擒猛自効希儀伴追臣返以其事白鏐
鏐喜乃不備璋督兵顯逼猛猛子邦彥守工堯隘璋遣千人助守實為
間也璋遣報希儀曰已遣千人為內應衣別有誠幸勿加殺希儀許之
及戰歸順兵先呼敗感象田州兵驚潰希儀斬邦彥猛窘欲出奔璋使

人招之曰事急矣願君走歸順可達安南再與復猛倉卒無所之又
以姻故遂佩印走歸順璋涕泣迎猛別墅辟田州人無得至左右
日說曰天兵退矣猛喜不疑監軍胡光元與諸將見希儀已破隨欲
其功頗闊猛走匿璋所遂以兵萬人擒歸順璋遂遣人持牛酒請璋
上而自來見諸將頓首謝曰猛敗昨越歸順欲走交南璋邀擊之猛自
被流矢走不知所之急之恐入交南連逆賊為幸幸緩五日當搜致
元等許之璋歸復號猛曰天兵已退非陳泰事不自為君草封事令人
上之如何猛曰固所願也乃為號令猛出印之璋得知猛實印所乃
置酒賀猛樂作持鴆酒一盃獻曰天兵索君急不能死請自為計猛大
怒罵曰悔墮此老奸計也遂飲鴆死璋斬其首分所佩印遣使問道馳
詣軍門上之錄撤兵還太監鄭潤總兵官朱麒各上言大軍破田州猛
中毒矢斃斬其首搜獲印信其子邦彥敗死田州平請設流官治之事

下兵部覆奏從之○冬十月詔脩仁壽宮以巡撫王蓋為工部右侍郎
總督收買大木給事中張萬言民困財絀宜先營仁壽宮以慰昭聖之
心其王德安喜景福等殿暫為停止俟民力少蘇徐議昂建 上命次
第庀材營之○頒賜獻皇帝恩紀合春堂詩于群臣 上親製序曰皇
考所著有恩紀詩集乃受命分封之國感皇伯考孝宗皇帝錫子之恩
而紀之者也詩凡七卷有含春堂稿則未之國時在大內西館及出府
所作凡百三十餘首繕寫重刻以傳仰思皇考之教不可復得然心殷
固存手澤斯在朝夕諷誦庶幾有得也○戶部尚書致仕蔣昇卒昇全
州人由知縣歷今官三十餘年操履清白始終一致與第大學士昆友
愛惻睦家庭肅然臨終戒子勿求恩澤士論重之卒贈太子少保○李
薊遼提兵馬永官安置南京永言諫禮伏闕諸臣竄逐窮荒誠其自
取今大禮既明群疑盡釋聖心已慰而諸臣淹滯歲月無路自新乞宥

罪矜釋以彰浩蕩之仁 上怒其出位妄言切責之既而復為戍邊陲
完乞卹典遂奪官安置南京御史魏有本救未外謫史部尚書廖紀因
言南京根本重地而軍政城守器械久皆廢弛前楊銳告往攝府而馬
未近復安置此天啟聖聰為根本之大計也乞宥以營務必有裨益御
史魏有本言雖可罪心本無他乞宥狂言召還原職報聞○上製敕一
箴及註范浚心箴程順禮聽言動四箴頒賜大學士費宏等宏等疏謝
因言此帝王傳心之要法致治之要道請勅工部于翰林院蓋亭墜立
以垂永久仍勅禮部通行兩京國學併摹刻于府州縣學使天下士人
服膺聖訓有所興起 上諭如議行○詔以定國公徐光祚日請土田
悉以歸民時御史張珩丘養浩言光祚奪民土田日請為已產戶部請
覈之 上命悉以歸民其勿覈○詔賜故太子少保吏部尚書許進謚
襄毅○翰林編修孫承恩上所編詩賜名鑒古韻語先是承恩奉手勅

天柱樞彬內兄揚機子婦之父祝隆為恭將都指揮等官 上命法司
加訊乃坐交結近侍論死官復請宥之以全士體乃請戊翰林 遣
官存問大學士謝遷尚書韓文於其家○詔逮寫亦虎仙復論死先是
哈密回都督寫亦虎仙從土魯番回回種也副使陳九疇大破土魯
番因盡殺寫亦虎仙數十年領哈密奸罪坐謀叛論死既而刑部會
訊脫寫亦虎仙死會武宗字會同館寫亦虎仙因權倖得見上賜國姓
從上南征至是復逮訊復論死獄中○秋七月大理寺辦事進士張
璉上論大禮言孝子之至莫大乎尊親尊親之至莫大乎以天下養皇
上勅諭追尊獻王以正其號奉迎聖母以致其養此誠孝子之心不
能自己者也茲者朝議謂皇上入嗣太宗宜考孝宗改稱與獻王為皇
叔父王妃為皇叔母者不過拘漢定陶宋漢王故事謂為人後者為之
子不得復顧私親之說耳臣固未敢以為然也漢哀帝宋英宗乃定陶

等政宏疏四五上弗克乃具疏乞休言臣等既不能積誠以感動聖聽又不能曲意以阿依權臣有此二罪難復居官上慰勉留之○十二月上以災異諭臣工修省大學士楊一清上言臣親災異如遼東山陝江浙湖廣地震不下二十餘次各處雨雹傷稼人南北直隸旱荒為雷山東豐沛洪水泛溢遼東有雷雨之變貴州有山崩之警至于江南之人病江西之虎怪郎楊之牛禍屢見登出尤為奇異豈惟近世未聞抑亦載籍罕有稽諸傳紀考其證驗皆陰盛陽衰所致伏願陛下總攬乾綱以防蔽蔽延訪大臣以資輔益覽諸司之奏章辨臣下之忠佞仍戒飭諸司凡朝廷政事之缺失天下生民之利病以至道賢未盡甄舉忠直之未盡收錄諛惡之未盡殄除幽滯之未盡昭雪明白開陳悉心敷對陛下廓納善如流之量弘改過不吝之勇大要以恤民固本為主民心悅則天道和此老臣垂盡之年感恩齎報之恩悃也 上勅諭嘉納一清後條陳修省事宜一祭告以竭修省之誠一寬恤以宣修省之澤一用人以資修省之益一革弊以祛修省之害疏入 上曰事關朕躬自有處置餘付所司降勅頒行○左都督時源條陳邊務三事言實邊軍以禦外侮蓄馬力以壯軍威明賞罰以勵士氣部議從之○議濬河禮部尚書具一鵬言清河以止兗州以南水勢渺茫田廬淹沒請做求過河湮塞等處或濬故道以通其流或開支河以分其勢大學士費宏言我朝河勢南趨自入河南汴梁以來分為三支或由潁亳地方渦河等處或出宿遷小河口或從懷遠至泗州出淮河其勢既分雖有衝決之害亦不甚大正德末渦河日就淤淺黃河南趨之勢既無所殺乃奔赴沛徐悉入運河自徐至清河一望皆水耕稼失業近來沙縣至沛浮沙壅塞官民船隻往來悉取道昭陽湖而湖水不多運道必阻此可憂之甚及今必頂渦河復舊通流分殺河然後運道不至之溢

徐沛之民得免漂沒之患而巡按御史穆相戴金劉濬亦各上言部議言宜塞支河口相黃河水勢向背開河地勢高下講求疏濬之法○兵部請偷選騰驥四衛官 上不從御馬監乞自選移郭銓注亦不從既而大監閻洪矯旨選之請移文兵部遵行給事中鄭自壁言陛下免選之旨丁寧至再而閻洪剛愎自用押雷違之威蔽日月之明策駭下輒敢為此乞治洪欺蔽之罪不報○詔公侯伯不得輕預都督府事給事中管律言太相革樞密院置五府設都督及同知僉事諸官總諸衛所分掌京軍公侯伯止隸籍帶祿不預府事有事則召總兵官佩大將軍印帥師征討事平則束身歸第官卒各歸其所又禁官員勿受公侯饋遺官卒非征討不得輒入公侯之門今給印僉事俱屬侯伯圍京坐司亦皆其人放漁自潤禁禦侮之兵祇為前驅後擁之具非磐石之至計帶礪之貽謀也乞勅兵部別材望以為去留別選材請以備緩急從之

皇明嘉隆開見紀卷之三

嘉靖六年

奉正月己卯朔○大祀天地於南郊罷慶成宴先是禮官以宴請上曰郊祀慶成次日設宴乃祖宗朝故典蓋以上帝居歆君臣歆會其禮不可廢也今四方災異非常方欲上下同加儉省朕恐多費勞民可暫免一年以見朕未天恤民之意惟四夷使臣賜宴如故○其華江西臨川縣東館及安仁縣二稅課局○大學士楊一清上所擬元宵詩時上政暇喜為詩文一清以所擬元宵詩呈覽內有愛看水輪清似鏡之句上以為類中秋詩改云愛看金逆明似月一清跪謝以為曲情景不問可知其為元宵作矣聖資超悟殆非臣下所能及也○以災免南京錦衣等四十二衛屯田子粒有左○詔營造江西上清真人第宅南京給事中鄒架因上言營無從出請以家溪入官田宅照時估價變

未

賣可得十數萬兩除給造第宅外以其餘者賑貸疏下所司○南京刑部請治南京御馬監太監牛宜需索之罪時宜以需索解戶補鑿銀被劾宜訴稱舊規詔聽分豁併宥奉御宋得常隨趙文景弗治於是南京刑部言鋪墊之名乃正德以來積弊非舊規也今若聽宜妄引為解則自今內而郡縣有如昔之科歛貧民外而邊帥有如昔之扣除糧料詰之則皆曰此舊規也分從分豁可乎此皆耗府藏而戕元氣者也上陛下祭之疏下法司○詔罷前山東提學副使趙鶴鶴以杖死訓道為諸生所奏勅明聽調吏部○補鴻臚州兵備銀罷○齊庶人長繫請給養儀銀兩許之初長繫以父能增墳在江寧奏乞闕租賦身尊堂極度優養置守戶又請喪儀銀兩惟許給喪儀銀兩有差餘俱罷○賜官守府宗室輔國將軍成鏗夫人李氏坊名曰旌孝初李事姑王母不姑前不敢叱婢姑疾發戒禱神祈身代姑疾則先炙臂試痛姑在牀禱親扶

持盞椰食飲京浣者十年衣不鮮帶居喪哀毀過禮幾絕而甦宜寧王

上其孝行為請旌表故有是命○以災傷免福建福州廣西桂林等府稅糧○兵部侍郎張璉上大禮要畧先是上諭禮部曰徽皇帝嘗號已定世廟已成所議典禮不可無一全書特命館閣儒臣重加編纂以成一定之典以昭一代君臣之行璉遂自纂大禮要畧二卷以進因言此禮之失非今日也自漢宋諸君失之矣此禮之爭非今日也自漢宋諸臣爭之矣皇上之改非改今日也改漢宋諸臣也臣等之爭非爭今日也爭漢宋諸臣也是宜皇上之欲為全書以昭一代君臣之行也夫前之集議成于禮部猶從崇禎之文有司之書也今之全書出于史館宜從典則之體天子之書也昔唐有開元禮宋有開寶禮所載多制度儀文而已曾有如今日嘉靖之禮為經綸立本之大典哉臣自建議以來履歷所識無敢自欺轉為要畧誠有不得已焉者也 上命付史館

未

纂述○勅纂大禮全書以大學士費宏楊一清石璠賈詠尚書席書為總裁官侍郎張璉詹事桂萼副之共領其事真日開館 上銜文華內殿召纂修諸臣諭之曰大禮書未備特命卿等纂修傳之萬世各宜用心因賜金帛有差宏等稽首拜命而退○詔陳利民事宜時災異叠見大學士楊一清疏請寬恤以宣修省之澤 上曰朕思民瘼多艱情狀難一匹夫匹婦容有不被其澤者其令諸司四品以上及科道官各將利民事宜條列以聞副朕敬天恤民之意光祿少卿余才上言拘以四品則求言之道尚為未廣報聞○錄用議禮諸臣初教諭王侉為大計所勅光祿寺錢子勳亦以他事奪職而錦衣百戶岳能遠則以汰革與南寧伯毛良督開居里中故各言宜考獻皇帝以干進用時禮部奏乞錄用議禮諸臣 上遂命毛良管理軍政能遠進錦衣千戶侉陞級子勳原官致仕既而侉乞京秩子勳援侉例乞蒞事皆從之吏部尚書廖

紀及給事中劉穆各疏言國朝令甲以大計黜者不復叙乃佾等以言禮干進遂致倖門不可不聽給事中解一貫上言大禮者陛下天性之孝非因人言而成宮爵者陛下勵世之具非佞倖而得彼議禮者皆何知人耶果若為忠必無一毫觀視之念乃以為餌而欲徵陛下之爵賞則為小人無疑得免刑誅為幸從而官之可乎若復用佾子勳壞祖宗百年之制啟小人倖用之門何以示後疏入亦不報○虜寇大同塞○二月改觀德殿為崇先殿初西室之修未以殿名上命內閣擬名毛紀費宏石琿擬上三名曰崇本日崇恩曰衍慶上親定為觀德殿取商書七世之廟可以觀德之義也辭上劉惠周序妄奏以為未善請更為尊親殿且揚言德字同德祖之號時眾議紛惑上乃下二人于獄獄之編伍眾乃止至是上更定名曰崇先殿既而惠序子想父重譴乃命釋之

謹按史臣曰太廟以奉安神主禮制之本然也內建奉先殿奉安神位以伸朝夕朔望致敬之誠禮以義起者也夫以太廟則有奉先殿然則有世廟宜有崇先殿矣夫祖稱一體也奉先崇先一道也改觀德為崇先名實稱矣

大學士石琿致仕。加席書武英殿大學士致仕尋卒時書為少保兼太子太保禮部尚書以目疾乞歸。上念之特加武英殿大學士賜第京師支蕪官四俸仍令不時疏陳時政書受命三日卒贈太傅諡文襄書遂寧人。早自修檢才諳學識又足展其志意所至注措有善譽以議大禮稱。上意進少保賜第給俸禮遇亦稱隆云。召起羅欽順為禮部尚書不至初欽順為南京吏部尚書召為禮部未至以憂去至是服闋。上先因大學士席書以目失明薦欽順自代故復有是召欽順力辭不就。○南京禮部尚書邵寶卒贈太子太保諡文莊寶無錫人質性

純欽問學該洽孝親睦族獎誨後進應務之才細巨皆預所著曰學史簡端錄二書巡撫吳廷舉上于朝。詔逮繫兵部主事湯懋。及到科給事中楊言于獄初錦衣百戶王邦奇陞千戶最詔汰革邦奇以罷出大學士廷和于深怨望之及奏復舊職又為兵部尚書彭澤所劾故又怨澤乃上疏陳邊事誣澤與廷和宜誅此兩人疏下兵部邦奇復上言費宏石琿俱廷和奸黨得奏欲為彌縫而廷和于兵部主事倖藏匿舊牘令前後奏辭皆不得驗彭澤弟彭冲又為交通請托。上命下倖等獄令廷和臣會鞠刑科給事中楊言奏邦奇心懷怨望又飾奸言詬辱大臣惑亂聖聽廷和保全神器歸于陛下即所擬條格或矯枉過直然事專為國今去未幾禍延子孫恐全軀保身之士皆以廷和為口實誰復為國家任事。上怒其為大臣遊說即朝中建言與倖併問御史陳察向陞大呼曰臣願以不肖軀易楊言群臣咸駭引避。上目攝察察不

為動。上亦置不問察退而上言無論邦奇非寔即大臣不自飾扞文罔無以消厭人議亦宜體貌始終聽自投効去宜下邦奇司寇獄勿令天下有以窺見風旨。上然之因寬言獄論補外以楊倖隱匿卷宗禋職為民邦奇陳言希用降總旗御史程啟光等復上言楊言昧且陳素不知避忌然其心欲因事故效忠耳願以敢言獲罪下同輿皂備嘗五辜復斥之外補如此用命何以勵臣工示天下乞復還原官庶聽言之行使過之仁爾治之可三若皆待報聞。三月虜寇宣府入大白陽塞矣將關山戰死所部卒後傷殆盡巡按御史杜民表以聞。上以宣府一月連喪兩軍乃切責鎮守太監正珣巡撫周金令立功贖罪。南京吏部尚書朱希周罷時希周主大計京官事竣有言希周主計不黜一言官者。上聞之命再考察希周懼上疏自劾因乞罷從之再考之命尋亦中止。○大學士劉健卒捷洛陽人性簡靜重風節初事孝宗輔成

聖政晚受顧命抗言致主完名全節天下仰之卒年九十有四計開

上為輟朝謚文靖○夏四月大學士費宏致仕時宏為禮部侍郎兼翰林學士

日至乃力求罷歸從之○以禮部侍郎程鑾為吏部侍郎兼翰林學士

入閣參預機務○議行馬政兵部言祖宗制養馬在順天府所屬地

派養此外更無別科種馬在應天府所屬論丁派種此外別無遺後如

有倒失雖赦不歸項者有司怠玩漫不檢覈或地歸豪右而養馬累于

細民或丁多逃移而種馬至于漸耗馬政之廢實由于此宜令順天府

屬數地應天府屬數種有地亡馬存者即以其馬責之佃主其種馬昔

有今亡者俟秋成日以漸買補則數年之後馬可蕃息詔如議行○崇

先殿成 上奉安恭穆獻皇帝神位聖母章聖皇太后行謁見禮賜揚

一清賈誼翟察劉龍張琨桂萼金帛○詔賜南陽漢丞相諸葛亮祠名

忠武河南陽府屬舊有諸葛孔明祠廟巡撫蔣驥請賜祠額詔以

忠武名○詔逮繫巡按山西御史馬錄下錦衣衛獄初山西五臺人李

福達一名午戌邊窺陝西洛川縣與季父越倡白蓮社惑眾嘯聚數千

入大掠鄜洛間尋捕越及其黨誅之福達逃匿既而徐濟縣有眾首者

納級為指揮其子大仁大禮輸粟國學巡按馬錄行部至縣其仇薛良

計告寅佯妖賊李福達變易姓名蓋是時窮迫福達方嚴也錄欲以為

功遂執之而張為縣中呂族譜牒甚具錄詆為偽撰一切捺抹寅走京

師干武定庚耶勛勛為私書干錄錄遂飛章劾勛藏匿叛賊并私屬上

之 上責勛對狀刑科給事中張遠等復劾勛黨逆事下都察院乃復

請轉行山西按臣訊之時錄並以獲捕妖賊為功厲威嚴以就臈于是

詢給事中常泰刑部即劾任暨鄜洛文老皆附和同詞以張寅為真偽

達也錄以成案行布政使李璋按察使李珪僉事董綱指揮馬彥雜鞫

之無敢及異者遂會巡撫江湖論云福達聚人數千後入巨萬雖港綜

匪形而罪跡漸露雖變名易姓而惡貌如初論以極刑尚有餘辜

侯郭勛結納匪人請為無忌雖妖賊及狀未必明知而得

避忌亦宜抵法示懲華既上復下都察院請與史鑄

張寅委係李福達逆跡昭灼法所應誅 上命錄以待決因

勛乞恩輸罪因為寅辨其枉寅子大仁亦奏雪父枉而鼎賢及御史萬

世魁故寢其奏給事中劉琦常泰等七人御史高世魁等六人即中劉

任等復各疏勛名曰輸罪實代為達辯論以知情何詞福達妻孥俱匿

勛家論以藏匿何詞為達居間唆其子亡命論以故縱何詞江湖馬錄

匪賢會匪福達不枉勛當連坐 上不從命錦衣千戶或偉移取張寅

獄詞因佐詰京即訊既至命三法司會訊時薛良及證者面指張寅為

李福達寅語塞證中有戚廣者乃都御史畢昭所引以證薛良之誣者

及訊之廣乃曰我未到官安得此言于是刑部尚書顏頤壽都御史畢

賢大理卿湯沐等具獄詞上 上怒曰頤壽等皆理官乃徇情偏護不

虛心詳審但欲扶同入人重罪豈朕欽恤慎刑之意且畢昭等先勛良

而而今又勛實何也侯齋事畢親鞫于廷大學士楊一清言輔辰不親

獄訟乃已復命多官再訊願壽等上言福達反狀甚明法難輕縱况彼

以神奸妖術惑惑人心臣等若不能執一或縱舍異時復有洛川之禍

臣雖伏斧鑕何抵欺罔之罪 上怒曰顏頤壽職司邦刑朋奸肆詆俱

今載罪辦事待再鞫明白一併裁處刑部主事唐樞上言宜將福達連

正典刑 上怒其任率刑部為民願壽等乃改擬張寅造妖言律 上

曰改擬妖言亦不見妖書命行取原勛官面加質証乃遣歸來言刻泰

等逮繫馬錄及原勛布政使李璋按察使李珪僉事董綱指揮馬彥

請京面訊 復召羅欽順為吏部尚書復辭不至○五月丁丑朔日食

編修廖道南陳洪範九事言一日五行伯陽父曰陽伏而不能出陰迫

而不能臻于是有地震連歲遠邇地震者數是土失其性也臣願順五行以法天運二曰敬用五事五事人君之大德而思入聖功之本則向傳言思曰睿厥答露厥罰恒風近來雲霧交作大風揚塵是思之失可徵也臣願順五事以修君德三曰費用八政八政經國之大要而金與師先今日之急務今水旱頻仍飢饉相繼夷狄猖獗于邊門盜賊充斥于郡縣是食與師皆可憂也臣願修八政以行王道四曰五紀夫日為君象又衆陽之宗通者榮或留度內庫被災而五月朔日有食之陰長陽微不可不慎臣願協五紀以若人時五曰建用皇極夫皇極大中至正之道曰民無有滯朋人無有比德比年以來朝廷無和衷之美唯庶有芥戕之風臣願建皇極以端治本六曰又用三德夫剛柔為民性之偏而剛克柔克為人君成福之權權不可下移臣不可上僭臣願明三德以肅邦紀七曰明用稽疑蓋謀之鬼神機隱難測謀之卿士庶人

理顯易知是非大同則一庶不能易臣願決稽疑以定國是八曰庶徵蓋時與不時係人君之感召邇來民訛物孽及草木之妖歲時豈出臣願審庶徵以感休祥九曰五福曰六極夫五福者天之所畀六極者人之所招詩書載殷高宗之事曰封建厥福曰壽考且寧即福與富壽康寧也嬰本于攸好德耳臣願定福極以立世則則嘉靖之治允垂萬世即高宗不足侔也疏入 上嘉納之時 上講尚書又留心洪範與講官顧鼎臣內閣楊一清論稽疑卜兆之說故道南條陳之命講大學衍義時 上諭內閣今日輪一官將經書通鑑撮其有關君德政事與修省之道者直錄其義以質其所未曉大學士楊一清以經書淵微通鑑浩繁宜持大學衍義日輪一官講析大義參以時事明白敷陳則經書格言通鑑要旨盡在此書而治平之道措之不難矣 上從之既而命工重刊大學衍義親製序文冠諸首翌日講畢御製五言古詩一章

弁序一首寫示內閣楊一清依韻恭和以進 上賜重書褒其忠誠以協恭輔導總集成冊名曰翔學詩○以胡世寧為南京工部尚書總制兩廣都御史姚鎮罷名起新建伯王守仁以其部尚書親到兩廣及江西湖廣軍務初田人聞議設流官洵思亂士酋盧蘇其子邦相與思思士酋王受煽惑遺眾執思思知府吳朝英封其庫藏以御兵守之而江大震御史石金至聞前御史與鎮有隙意不直鎮又善某諸司素不為鎮所喜者多沮鎮事倡言猛實未死鎮為歸順所欺有自右江來者則言猛已糾安南莫登庸入寇陷思思官城且暮且不保靖江諸宗室倉皇出奔石金信之遂劾鎮援夷無策輕信罔上聞田州不可得弁思思而失之 上大怒落鎮職命新建伯王守仁代之先是鎮上言田州遺黨復叛再乞集兵勦捕軍興錢穀相度議處 上命動支廣東司府帑庫銀兩不得自分彼我致誤事機至是守仁未 上鎮代

偵知思思未陷欲徵兵擒蘇受自贖乃檄廣西諸司議事而御鎮者給郵吏發檄東西交誤各以檄誤不至鎮竟不克集兵而去○京師雨錢○六月詔增世廟武舞初大學士費宏等議世廟止用文舞隨全何淵言武舞未備宜下部議禮部侍郎劉隆等議宜仍舊 上諭輔臣曰世廟不用武舞所以讓太廟不為缺典卿等試議之張璠曰世廟止用文舞宏謂獻呈生長太平不以武功為尚臣竊以為不然按王制云天子連千庶人喪從死者祭從生者皇上身為天子尊獻皇為天子父廟用十二邊豆用八佾以天子之禮樂祀獻皇者所謂祭從生者禮也問一非禮也聞樂舞以佾數為降殺不聞以文武為偏全若必以武功定天下者得無用武舞揖遜得天下者宜其如舜何書云舞于羽于兩階先且樂舞之教天子八佾為人六十四諸侯六佾為人三十六國朝太廟文武舞各八計一百二十八人王國宗廟文武佾各六計七十二人

獻皇在藩已用七十二人今追王而乃六十四人平桂夢言周禮以司
千掌舞器祭統以翟為樂之賤蓋音貴人殺客費千成去武舞若使去
樂舞所貴者也。上曰爾輩考提經籍推論甚明不用武舞誠為缺典
可照數增入。總理河道侍郎章拯上潘河圖說言黃河濟清為國家
之利而汜濫無常則地方之患今濟清者有二處一曰保家渡在榮澤
縣一曰趙皮寨在蘭陽縣比皆可引水南流以殺河勢宜大加濬治因
為圖說以進工部請從拯議。上然之令刻期舉工。贈故江西瑞州
知府宋以方為光祿寺卿以方黔陽人守瑞州時濠有反狀因繕城甃
集民兵以備之濠使至不為禮徵索皆不應濠中以他事逮繫南昌獄
就繫之明日濠遂反械以方至舟中以方罵濠不屈赴水死至是巡撫
陳洪謀上其事故有是命仍蔭其一子為國子生。召起大學士謝遷
遷辭召命先是大學士楊一清以費宏既去次當及之特薦謝遷以代

卷之十三

上遣行人齋勅召遷詣京辦事遷疏辭。上曰任賢求舊惟朕本懷
納海輔德尚資耆碩宜勉為朕一出以副眷倚至意。金星犯帝宮上
星。秋七月南京雨血。命更大禮全書名明倫大典。詔禁有司獄
吏用法深刻致戕民命者即驅為民永不叙從都御史周卿奏也。以
胡世寧為左都御史未至改刑部尚書霍輻言其廉直宜堂院事故仍
有是命加太子少保。河決豐沛時河水氾濫豐沛及徐州之西漫為
巨浸沛北尤甚東溢逾消漫入昭陽湖泥沙壅淤清渠為平運道大阻
時胡世寧過沛疏漕河事宜上之章下所司。會訊巡按山西御史馬
錄等于闕庭逮繫刑部尚書顏順壽侍御劉王王啟左都御史聶賢副
都御史劉文莊大理寺卿湯沐少卿徐文華顧傑等于詔獄時錄及李
鍾等俱逮至京順壽等復請會訊以原擬上。上怒謂順壽等朋比罔
上悉逮治之其原鞫即中御史寺正等官俱亦逮繫待罪。詔大常光

祿二寺見缺行役悉以在冊徐丁元補暫止原籍清勾以解民困。通
政司右叅議高檜請復姓許之檢本孫姓少有外反檜言其
姓至是乞休後姓而單妻張氏具言所以育養伏乞勿聽。上亦謂
之下吏部議吏部言檢本孫氏子不背背天經以犯人之子之或復姓為
宜但張氏有恩則聽同君以母事之沒後仍復歸宗庶於情義皆得報
可。始命歲貢生授教職三年教有成效者得典鄉試每省毋過五人
○詔建河神祠於沛縣時漕河復通議者以為神助請復其故宇春秋
致祀工部為請從之。○詔科道官互相糾劾先是禮部右侍郎桂馨上
言陛下以堯舜之資勵精圖治而故大學士楊廷和廣樹私黨家啟陛
下者六年幸次弟斥逐然遺奸猶在言路昔憲宗初年嘗詔科道官於
考察拾遺之後互相糾察言路遂清臣請以時舉行如舊例事下吏部
侍郎孟春覆言憲宗初年無此詔旨而華疏出言官論劾之後情涉報

卷之十三

復無以厭眾心昭公論且考察已審不當別謀宜俟後次考察時舉行
華又言詔旨出憲宗卷案俱在而春奉職無狀欲媚言官以圖倖免公
肆欺誣非宜究治。上復命吏部復查事例以聞戒勿阻護于是吏部
屢言成化中廷臣會舉科道超陸巡撫有劾奏所舉不勝任者憲宗乃
命互相糾劾一時外補者七人非考察拾遺事例且憲綱所在謂內外
風憲皆得互糾舉未及六科典專所稱例不合。上怒以華言為是詰
吏部黨護令科道官互相糾舉考察遺漏者以聞吏科都給事中王俊
民等言皇上此舉誠欲綜核名實以重言路今六科已去四人十三道
已去十人比之諸曹不為不嚴使有遺漏安敢緘默但耳目之官職司
甚重惟皇上裁擇之御史劉隅等言皇上龍飛兩行考察之典御史彼
黜數亦甚多今必欲臣等互糾是開攻訐之門滋報復之計非威世所
宜有。上以俊民等抗命切責而宥之仍超劾上俊民等俊言臣等誠

見淺陋恐所知未真惟吏部銓衡人物都察院糾正庶僚皆多奸詐
莫能避幸皇上即委之考覈因黜臣等以為不職之戒
命日久朋黨規避奪俸民偶俸五月餘各三月仍令吏部
不得姑息隱護已而吏部都察院言御史儲良材不諱給事中
史王道曹弘浮躁淺露當如例降黜
上曰儲良材問住黎良留用王
道曹弘既終養家居不宜與考若兵科都給事中鄭自璧一門三幾清
議有垂戶科給事中孟奇被劾問不自引避各降二級調外任此二
人罪狀昭然在人耳目部院顧徇私掩覆諷以無所關係者為前外員
委任其餘再稽與論嚴察以聞乃部院覆考上給事中余狂御史任田
為浮躁淺露御史楊瑞張鵬漢為才力不及得旨俱降一級調外任
命少詹事兼侍講學士方獻夫霍和俱充經筵日講官講大學衍義
自以南人語音多訛辭免日講請撰古今政要及詩書叙畧直講以進

上嘉其忠蓋許之命侍經筵如故○命廢故興府長史贈文淵閣大學
士張景明次子元藩為國子生吏部言景明以長史贈官恩逾例外前
已歷其子元恕何難再與
上以景明潛邸舊學特許之○詔復御史
蘇良材原職良材以覆考被黜言襄者臣嘗劾都御史亦賢不孝楊廷
和曲為掩覆得全後為御史鄭洛書所論賢竟落職及吏部左侍郎孟
春右副都御史劉文莊去黨廷和此賢依附以為洛書之奏臣實王之
廷假考察之權復同門死生之怨因發春文莊陰罪且言二臣欲嗾言
官保留王俊民程啟元托密友徐文華等縱橫遊說復岳賢計用廷
和盡攻議禮之臣仍主太宗之論
上讓部院不公為人報怨且良材
素行非不謹者安得終身垂之令降補外任良材復自言素以忠諫為
楊廷和等所嫉雖家曲全降補外任恐諸奸餘黨肆害難保乞賜骸骨
侍郎桂萼言良材任怨通誣去非其罪上從萼言故復之○逮繫太僕

卿汪玄錫光祿少卿余才于詔獄大學士賈詠罷時三法司被逮上
命桂萼攝刑部事張璠攝都察院方獻夫攝大理寺玄錫與才忽偶語
曰福違獄已得情何更多事方兩詞者以白與璠璠以聞
上怒命逮
繫並掠之諱與璠同里璠書慰之慎攝司搜得以聞
上詰責璠諱
劫乞歸遂令致仕○命革內三經廠及外二寺齋醮
上諭輔臣曰朕
思每年初度請于朝天宮建齋祈壽夫人君欲壽非齋醮能致果能
敬事上天比戕身伐命之事一切致謹則必得壽壽齋醮為今將內三
經廠與外二寺齋醮悉行革去止朝天宮如故夫革三廠二寺之齋者
者一分有一分益之意存一宮之醮者蓋為春秋祈報意耳此意欲言
已久恐人譏朕偏向特于知等言之庶見崇正之意○八月虜人寧夏
寨提督尚書王憲總兵官抗雄禦却之斬首三百二十級
上欲推功
加恩大學士楊一清一清再上疏辭言陝西之捷陛下神威聖德諸將

勳力成功雖王憲不得專美豈臣身在朝署可攘為己功且殿學非當
功之官武蔭非無功可賞
上察其誠從之○命給新楚伯王守仁券
祿先是守仁雖錫伯爵未給券祿至是光祿少卿黃綰訟守仁平宸濠
之功故有是命
命誦御史胡松外補御史周在程啟充救之命杖聞
下時侍郎桂萼力薦王璠當復用松上疏劾璠險邪因及萼引用非人
上怒出松為蕪州推官王璠罷起周在程啟充各抗疏留松
上怒
杖之○九月桂萼張璠方獻夫平反張寅獄釋之諭御史馬錄承成過
萼等既搆三法司事復鞠錄等于闕廷只得張寅被誣之狀錄以挾私
故入人罪未決擬徒
上怒錄以擬為輕坐以奸黨律論死萼等謂張
寅未決而馬錄受死恐天下不服宜發邊地充軍既而諭楊一清等曰
馬錄首事害人罪有所歸與其後及後世不若誅及其身以從舜典罰
弗及嗣之意一清曰錄無當死之罪律無可擬之條若法外用刑人無

所措手足矣。上不得已從之。錄乃免死。緝皮南丹衛子孫世襲。以顯壽等俱奪官。羅徐文華、顧倫論成過。二人皆與慶遠爭人。大獄錄領示內外諸臣以明顯壽等之欺罔從之。上復以顧中、劉任大理評事。杜窩等皆抗疏劾。勅劾。命沈鳳鳴、潘世高、劉部。中、劉任大理評事。杜窩等皆抗疏劾。勅劾。命沈鳳鳴、潘世高、劉部。中、劉任大理評事。杜窩等皆抗疏劾。勅劾。命沈鳳鳴、潘世高、劉部。

上以魏平反大獄。賜一品服。金東帶。至是召入閣。復賜王帶。上諭與曰：朕有密議，勿令他知。朕與卿帖皆親書，正恐代寫有洩事機。魏疏，因舉先朝楊士奇故事，請給圖書為密封奏對之用。上乃賜珣等銀圖書二。忠良貞一，絕怨弼違。凡所上密疏，可于帖上小書字號。今編四字卿傳語三臣，以見朕意。清用持字，魏用忠字，華用孝字，奎用正字。一清等各上疏謝。魏後既言人君以論相為職，宰相以正君為功。如楊韶相而子儀戒殺，黎幹省驕，漢霍寬毀第，令素槍陰險，納賂禍延。國祚二人為相，得失甚明。今之內閣宰相，職也。頃來部院諸臣有志者，難行無志者聽令。是部院為內閣之府庫，夫今之監司，豈宜公行僭為常例，尊益不飾，恬然成風。是監司又為部院之府庫矣。撫字勞心，指為政拙。善事上官，率與薦名。是郡縣又為監司府庫矣。如何民不窮且盜。臣惟皇上欲宜德流化，必自近始。近必自內閣始。誠令內閣得人，則清

明之治可奏。臣見每年進奏朝覲官率以餽送京官為名，科索小民。然聖裁適宜，加禁約犯者勿赦。上俱納之。冬十月，召起閣。進為戶部尚書。進護身殿大學士，參預機務。命復通州運河。巡御史具仲言，通用運河乃元郭守敬創，建先朝漕運平江。阻險，等亦屢以為請。令通流。等八押遺跡尚存，原設官夫具在。因而成之。為工易，仍令關。嚴可省，脚價二十餘萬。兩又漢唐宋漕皆從汴，直達京師，未有貯國。儲于五十里之外者。今令京軍支糧，通州悉稱不便。而寧察諸處皆有間道，可通設虜酋，專輕騎疾馳，旋日可至，燒燬倉廩，則曰滿一空。京師坐因此非細。故請以臣言下所司議，畧運百萬試之。與臣遵燕行。俟次燕，就徑達京，宜與無窮之利。杜不測之患。于計便。上命戶部侍郎王軌工部侍郎何詔及仲並其事。詔建故兵部尚書陳洽祠，洽武進人。宣德初受命征交趾，戰死，贈少保，謚節愍。至是，邑人請建祠祀之。巡撫陳鳳梧以閣部議許之。冬十月，以黃縮為大理少卿。縮初為南都

察院，經歷與瓊等同議大禮，遂躋卿貳。縮至京上言：臣幸沐選途，亦司平反以為昭駁。圓審之法不行，則司刑者無所畏。憚庶獄不可清。他若詳定法律，考課官屬，矜恤獄囚，查革淹滯，節省煩擾，體悉吏隱，又所以清獄之源。遂修舊章。上裨聖政之萬一也。乞皇上俯察特勅法司，凡問刑有擬坐未當者，容臣等照駁再鞫三次。不當官吏具奏下吏，若問有冤抑，移獄別鞫，再鞫二次。不服會三法司，錦衣堂官會審情重者會九衙圖審。其原鞫改鞫官若有容私偏護者一體參問。上從之。十一月，諭修頤陵先是，上親製頤陵碑文。至是命加修治。遣成國公朱麟祭告內官監太監崔文。工部侍郎章拯程工給事中李鳳來御史白清監視。命議鹽法。錢法。上諭戶部曰：鹽課接濟，邊儲泉貨，流通民用。俱當今急務。邇來鹽法之壞，由于私鹽。盛行官鹽阻滯。錢法之壞，由于

私鑄者多官不為禁其速議區處禁約事宜以問尚書柳文感上言臣等思救今日之弊必先申明祖宗之舊制又在朝廷之上杜奏討之門而奸無所利絕占窩之弊而商有所資然後法不致阻壞至于禁法必奉行之吏泰酌物情使市肆無擾宣布條格俾偽為者不容然後法得以通行因條法五事曰禁私鹽曰禁占窩曰禁奏討曰明限期曰添刷引錢法三事曰遵錢制曰禁私鑄曰禁私販 上納之○復申勅纂脩明倫大典以揚一清謝遷張璠翟鑾為總裁官桂芳獻夫副之共領其事仍命一清撰岳懷王墓碑璠撰壙誌遷撰長寧公主墓碑鑾撰善化長公主墓碑

謹按岳懷王墓碑曰王乃恭穆獻皇帝第一子歿今章聖皇太后也為今上之兄王生而月華呈瑞獻皇帝及章聖皇太后喜之弗勝越五日大風揚沙人甚異之而王薨矣今追冊為岳王謚曰懷夫皇上

追思同氣至親雖未及歲深惟父母之遺休不敢易之親親至孝何以加諸常寧長公墓碑曰公主恭穆獻皇帝之長女母今章聖皇太后也公主生甫四齡而薨今上追封為常寧長公主竊惟聖天子仁愛萬物雖疎遠不遺况至親乎茲乃備物以瘞非直妥靈于冥漠而獻皇在天之神亦少慰矣善化長公主墓碑曰公主恭穆獻皇帝第二女淑妃王氏所誕降也公主生年甫十齡而云謝矣今錫以嘉名寵之鉅邑蓋立愛惟親立敬惟長聖天子之孝也

以侍講陳沂為江西參議沂初為修撰武宗寶錄成進侍講每經廷多寓規諷 上問學如 山其先與楊慎等再謀大禮至是乃禱外○十二月召起閒住太監張永提督團營大學士楊一清等上言閒住大監張永當正德五年寧夏竄播之變受命總督能討擒逆黨撫安軍民及回京奏發劉瑾罪狀下獄伏誅宸濠之變隨武宗南征時逆賊已擒

而張忠等猶搜求餘黨水至多所開營一方始安其手遂重進人惶惑武宗憂驚遂計擒之若水者誠不易得乞賜起用則內臣皆知善之益勉于效忠 上然之乃起永提督團營 上因言團營中務為國家第一事一清等乃條陳六事一曰真簡提督文臣蓋以兵部不宜兼管營務乞舉素負才望諳曉兵政大臣專設一員以提督之二曰嚴擇將領官員蓋以既任多費梁統袴不閑軍旅宜推舉將官曾親戰陣者付以蒐選教練之任三曰慎選戰鋒官軍蓋以出兵禦敵必使鋒銳者當先宜大簡各營分為等第選其勇健者二千人為一等就中又選膽力過人武技精熟者千人為戰鋒專備征調四曰時訓練以求實用蓋以把總官雖知號令而軍士徒廣故事必使營中講解通曉號令又簡一二人為師聽其教習責以成功五曰禁科剋以作士氣蓋以管糧等官科剋多端所存無幾乞自後假借科剋者以軍法治之六曰查處

京營馬匹蓋以營馬多瘠固係失養亦由軍士貧難故耳訪得各軍一年全支草料者凡三月餘月折解所折不足以供立以待斃宜諭戶部量增其數以助貧軍而重德其失養者則被罰者無辭 上令兵部如議行○吏部尚書桂萼疏進所繪禹跡九州圖○河南靈寶縣黃河清知縣張廷桂上言是月庚申馮佐村黃河澄清凡五日仰惟皇上專心聖學加志窮民夙夜憂勤圖維化理是以乳清坤寧黃河呈瑞然不干他處而于馮佐村詩稱馮翼孝德史稱中興賢佐今聖天子在上登庸賢俊赫然中興萬世太平之應也 上曰黃河澄清實効靈異皆賴上天庇祐宗社錫福人民所致乃遣官祭告 上復紀之以詩既而御史周相諫阻告祭 上怒繫相詣獄奪其官○以李承勛為兵部尚書兼左都御史掌都察院事

戊子嘉靖七年

春正月甲戌朔甘露降于長泰縣欽化諸里南嶺汀漳撫臣汪鏞上言
元日降甘露指諸載籍聖王之德上及太清下及太寧中及萬靈則其
露降君治政則甘露降仰惟皇上仁孝之德追隆靈武敬一之心
湯文名號正而倫理明禮樂興而刑罰中賢俊登崇舊章修舉至和成
召有此禎祥 上覽奏曰甘露呈瑞以為朕仁孝感格之徵夫豈敢當
朕非好為祥瑞然天意所至人不敢違惟奉天求庇民物以於靈貺仍
遣官祭告薦于宗廟頒賜廷臣○乙亥日車堂生師右有軌白虹彌天
○詔鑿新漕河決豐沛漕渠壅塞胡世寧疏請開新渠提督河道都御
史盛應期上言宜于昭陽湖左別開新渠北起姜家口南至留城一百
四十餘里以通漕舟其說與世寧合工部尚書董瑞覆議從之 上乃
命應期及即中柯惟熊主其事○大學士楊一清既請修市監之政以
齊邊儲言處積邊儲不過糴買召商二事今糴買既有弊惟召商為最

卷之三

便必自今永為定制允開中鹽引務令商人上納本色邊儲銀兩除量
留以備凶歲折放亦當召商糴粟稍優其直而不苛其收則應者自聚
然欲以本土之所出供本土之所需非廣興屯種不可欲廣興屯種非
補助屯丁不可宜令清軍官查理衛所軍戶不然亦可做古募民實塞
之意召募隴右閩西之民以屯塞下授地之外任其開墾必俟三稔乃
徵其稅屯政修舉之時牛具種子皆為官物屯地埋沒聽人首告官豪
占種諭令吐還管屯之官尤宜得人貪婪侵尅者罰無赦有成於者應
舉擢用若徒以清查催納為名而無實心經理之方恐于邊儲終無益
也 上令擬議條例以開仍勅王憲劉天和身親督課務底成效既而
王憲言甘肅開中引益召商開納本色未有應者乞行總理糧草都御
史劉大和會甘肅撫臣酌處本折兼收庶人情樂從而邊儲有賴 上
從之○以再能還為錦衣衛指揮僉事掌鎮撫司事務初能還以言禮附

現故山千戶進擢與任○湖廣巡撫都御史孫修言江上多盜請於
察司副使命事內嚴遣一員駐劄在湖專任江防後之 以淮揚廣
連原災傷詔以兌運米改折四萬五千石石銀七分徐州改兌米一萬
八千石於臨清積倉如數支運俟豐徵補○大學士謝恩曰陳年已
八十在位無補乞放歸田里 上優詔留之不允○禮科給事中蔡經
等請罷遣官校言國家內設刑部都察院大理寺外設撫按按察司等
官皆為陛下奉三尺法者故內外有犯責之推鞠在諸臣亦足游矣今
陛下時差官校逮繫罪人此屬假勢作威法刑體備則虎狼蛇虺遇
者無不披其毒噬至於地方之騷擾驛遞之需求文不可勝言願自今
罷勿遣刑部尚書胡世寧請從其議 上納之先是著都察院事兵部
侍郎張瓊等議覆晉刑部事吏部侍郎桂馨所奏詰奸細懲治職官
事宜謂祖宗設立刑部都察院大理寺謂之法司所以糾正官邪清平

卷之三

獄訟也設立東廠錦衣衛謂之詔獄所以緝捕盜賊詰訪計究也夫職
業之察謂之曠官職掌之奪謂之侵官今後凡合官寃獄仍責之法司
提問辨明然有隱情曲法聽徹衛覺察上聞凡盜賊奸宄仍責之廠衛
緝訪捕獲然必審問明白送法司擬罪上聞庶於事理為當 上深以
為然亦詔如議行時廠衛權重於法司故經等文言之○二月詔修器
皿核 詔脩南京太廟前殿○上御經筵以大學士楊一清侍班咳嗽
令今後凡遇日講免入侍經筵日如小疾亦免行有召問不在此例○
詔索中走回人口帶來馬匹令有司平價收買印烙給軍騎操從巡撫
節御史劉源清請也○浙江處州府知府潘潤請錄誠意伯劉基後言
基有佐命功乞如徐達湯和例令其孫瑜襲爵并將該府舊祠稍加拓
除以稱錫報元勳之意章下所司○上賜答大學士張瓊分獻大明壘
遣祭孔子詩二章○詔添設鎮守河間真定等處總兵官命都督魯綱

充之以路城盜警故也○召起王瓊為兵部尚書兼右都御史提督陝西軍務初瓊論榆林楊廷和王之璽等欲傾彭澤以及廷和乃上言哈密不靖禍起于彭澤陳九疇澤之復起廷和黨之也乞亟用瓊以寧西鄙上從之故有是命○詔逮繫都御史陳九疇于獄請成瘞瓊既被用即上書論九疇誣罔謂滿速兒實不死上命逮繫九疇于瑱撫司尋能遷主獄事阿璽等意接掠備至論九疇誣罔坐斬詞連彭澤廷和請併逮治刑部尚書胡世寧力言九疇忠勇有功河西不可殺之以快奸回輕中國九疇得不死請成逸裔彭澤金獻民但奪官廷和獲免○勅王守仁兼巡撫兩廣守仁疏解言臣以迂疎多病終承總制四省軍務之命已不勝任今又加以巡撫之責其何能堪况兩廣地方為蠻夷犴犴之巢穴日有攻劫搶擄之警報郡縣凋弊日甚小民困苦日深巡撫之任非得才力精強者重其事權漸其官階而又其職任不可

竊見致仕副都御史伍文定質性勇果識見明達昔討寧藩臣備知其能起而用之其于經畧之方撫綏之術必能不負所委他若刑部左侍郎梁材南贛副都御史汪鋐亦皆才能素著且體在兩廣備諸土俗民情皆堪斯任疏入報聞○二月命復築寧夏邊城時兵科給事中陸粲言陝西河套本吾內地國初設東勝衛以控扼之自後棄為虜巢其羣夏花馬池至靈州一帶地方最為虜衝地勢平衍無險可恃邊城低薄壞墜淺隘虜每擁眾深入正德初楊一清總制陝西欲將延綏定邊帶迤東石滂池至寧夏橫城三百里內邊城增築高厚事已就緒會水官去任僅四十里而止迄今議者多言邊塞風沙板築易壞然前所築四十里計今且二十年屹立如故則斯言謬妄可知須如當時原議固守之策莫先於此上命如一清初議速發帑儲佐之○詹事霍福陳裨治疏言魏相在漢歷陳先朝故事以裨時政宣帝舉行漢治中興戎太

祖舊章臣未得悉陳謹錄一二切于時政及近年行令有合太祖者為例以獻一言洪武中令天下多栽桑束而北方尤宜一永樂中命置局鑄農器給山東被兵之民一言憲綱以農桑為生民衣食之源言巡按一言洪武令遣監生及人材分詣天下督修水利一言諸司職掌兩載各處開闢陂池可引水灌田若不時修復一言職掌所載內外軍職俱有額數一言永樂間交趾之平謂多陞不如重賞一言洪武中令天下生員兼讀詩律一言洪武間僧道牒當與對冊各府州縣止存大寺觀一所併處其徒一言永樂中軍民子弟私自鬪鬩為僧首併其父兄發北京為民種田一言景泰中令各寺觀田土止留六十畝為僧餘皆給民佃種疏入詔下所司知之○提督兩廣軍務新建伯王守仁平思田賊撫定之初守仁將至調集湖兵數萬人南下詣土夷皆憚之守仁乃自輪晦示以無事及抵南寧見盧蘇王受兵勢已熾度岑比不

可遷或乃使人招蘇受降約日投見會有造浮言誑蘇受欲取其節者蘇受疑懼不即來守仁遣其心腹反覆諭之蘇受頗信已而聞太監總兵等官皆相繼召還又見調集防守之兵解散撤去始遺頭目黃當等十餘人赴軍門訴告願得掃境投生惟乞有免一死守仁復陳朝廷感德聞誠諭之仍給以檄文使諭蘇受等蘇受得檄言來見必陳兵衛又欲軍門左右祇候皆易田人守仁不得已許之蘇受乃期日來見戚兵自衛守仁教其罪許以不死論杖一百以全軍法蘇受不釋甲受杖且田州人杖之守仁諭蘇受使歸候命乃上疏言思恩田州之役兵連備結兩省奉毒已踰二年兵力盡于哨守民脂竭于轉輸宜吏罷于奔走即今地方已如破壞之舟漂泊于顛風巨浪中覆沒之患洵洵在目若必欲窮兵雪憤以收前功未論不克縱復克之亦有十患唯罷兵行撫則有十善行勦之患如彼行撫之善如此利害較然無可疑者又言思

田久苦兵革民已不堪况田州外悍文劫縱使克平遇以流官其持則
曠恐生他變岑氏世有功伐治田州非岑氏不可請降田州府為田州
官猛子邦相為判官以盧蘇王受為土巡檢別立田寧府設流官知府
統之因薦布政使林富為巡撫都指揮張祐為總兵官鎮守廣西上
皆從之乃令邦相歸治田州盧蘇等各蒞任許休之三月徵其兵用田
州以平

謹接高進士岱皇明鴻猷紀曰岑猛專橫則有之實未反守臣不職
激使為亂耳盛應期固當深罪姚鎮亦不按何舉事草草也悍猛死
欲易田州為流官猛有子亦當思所以處之如守仁用為判官之類
乃可而遽欲斬其後何以服夷氏之心乎及蘇受稱兵鎮得稍久于
任猶或可平而竟為僚屬所構陷奈之何哉此舉事之所以貴同寅
協恭也然石金之論劾張邦信等之沮撓豈人臣休國之忠乎至守

仁處蘇受事太涉姑息非所謂殲厥渠魁脅從罔治也乃見必陳兵
杖不免甲豈朝廷納降之體乎故雖藉其力平寇而不旋踵致兩江
之亂豈非縱奸長惡之繇耶蓋夷酋雖不可繩以中國之法然是非
公心則亦有之合諸夷之兵以討其憤之賊何憚一處蘇耶無亦厭
兵爭而無任事之臣耳

勅製忠靖冠服許在京七品以上及翰林國學行人八品以下者在外
方面及府州縣正學官武職都督以上服之令禮部頒圖式于天下如
勅遵守三月命工部建敬一亭於翰林院鑄御製敬一箴五箴註仍
行南京國子監天下儒學一體建立詔儒臣重校大明會典增入續
定事例彙纂輯上言土田戶口藩封祿米文武職官內臣監局官員
之數乞勅所司查覈若累年匠役之制官府供需之式四方物物之準
律令異同之宜自有太祖定典惟弘治開庸臣舞智更為新例多壞成

憲乞勅廷臣共加酌議從前黜用訂積年之誤又言條書舊例俱
各部造送冊籍多致訛謬若各衙門官一員共事編纂則事例原
彼自能稽仍得筆術二人以倫數算則訛對質賦按籍復焉可尋源察
也既入從之○勅議甘肅邊儲上勅戶部曰甘肅邊儲累年缺乏其
詳畫經久之策以聞時言者各人殊胡世寧上言甘肅米價湧貴
由壞祖宗籌邊之法永樂時邊需悉以鹽利每鹽一引輸粟二斗五升
故富商大賈悉聚邊陲自出財力自招遊民自墾邊地自執板粟自築
墩臺自立堡聚所以兵強食足至天順成化間變其故法商人中盤
今輸金戶部邊費無用撤棄而歸以致墩臺日頽堡聚日潰遊民日去
邊地日荒千里沃野莽然在墟稻米一石直今五兩皆壞鹽法之故
也安邊足用惟復鹽法之舊而已霍翰亦言宜復鈔法以存商戶輕引
銀以來商人上深然之○夏四月大學士謝遷致仕加張璁太子太

保辭遂加少保解院事○命革內外吏胥地役例錢從桂等之請也仍
行各撫按通行禁革著為令○五月辛未朔日食○北畿山東河南山
西陝西大旱詔求直言時言者頗眾不見納米大學士楊一清上言群
臣條奏固多但拾陳言者祇充故事立奇論者有礙措施是皇上應天
以實群臣應詔以文也臣謂今日之務在省事不在多事在守法不在
變法在安靜不在紛更在寬厚不在煩苛昔人有告其君者曰為國有
不足懼者五深可畏者三三辰失行天象屢變小人訛言山川崩竭水
旱蝗虫不足懼也賢士藏匿四民遷業上下相循蕭條道消毀異失其
直言不聞深可畏也以為不足懼者非言其不足懼修德以弭之耳深可
畏者則以變無形而禍甚烈勢若緩而伏最深今日之弊實然隋此臣
撮其要亦曰舉賢才以充任使收人心以固邦本求直言以防壅蔽而
已上嘉納之○六月明倫大典成上親製序文命宣符史局刊行

天下加張璠少傳兼太子太傅吏部尚書謹身殿大學士父之 工阜
太廟數目璠賜以御詩及鎖衣衣

謹按張文忠公璠後序曰斯禮之議也起于皇上登極之六日而爭
之凡五六餘年也始而恭穆獻皇帝童聖皇太后止稱帝后既而加
皇字稱本生父母終而去本生字稱皇考聖母此先後凡三詔也始
而爭考帝爭皇既而爭廟及路終而爭廟諱及樂舞此先後凡七
爭也其爭也出言盈庭或自疏或連名先後攻擊凡三百有餘章也
無小大無遠近先後交構凡七百有餘人也臣等憤不得已抗言于
庭或自疏或連名先後建明凡數十餘章也無小大無遠近先後陳
力凡數人也兩議相持眾寡不敵揆之以天理人心定之以中正仁
義皇上一人而已典禮既定乃命儒臣編纂成書以貽典則使後之
君臣父子各止其所此謂聖人人倫之至也此所以為明倫大典也

詔追奪議禮諸臣官勅曰大學士楊廷和謬主濮議尚書毛澄不能執
經撫禮將冕毛紀轉相附和林俊著論迎合喬宇為六卿之首乃與九
卿官交章妄執汪俊繼為禮部仍主邪議吏部郎中夏良勝仍持庶官
望遂邪志何孟春以侍郎掌禮部鼓舞朝臣伏閣喧呼朕初見道未明
三更詔令而大禮始定然不欲已甚姑從輕議廷和為罪之魁以定策
國老自居門生天子視朕法當儆市特從寬宥削籍為民毛澄林俊已
病故各奪生前官職蔣冕毛紀喬宇汪俊已致仕各奪職閑住何孟春
情犯特重夏良勝醜獨深俱為民其餘南京翰林科道部屬大小衙
門各官附名入奏或被入代署而已不與聞者俱從寬不問其先已正
法典戎為民者茲不再究爾禮部大書一通揭示承天門外俾在位者
咸知懲省

謹按皇明奇事曰五元功皆不利太祖開國元功臣韓國公李善

長以熾賜死成祖靖難元功太子太師淇國公丘福北征改及削爵
全家謫海南景帝禦虜元功兵部尚書于謙諫倭天順復辟元功武
臣忠國公石亨下獄論斬大學士徐有貞下獄流金齒世宗入繼元
功大學士楊廷和奪官遂無一利者

番吏牙木蘭帥眾內附初滿速兒令牙木蘭據沙州崇禎留貢使不與
且率帖木哥士巴攻肅州牙木蘭不肯滿速兒欲殺之牙木蘭懼盡啟
麥數萬率老稚萬人闕帳二千奔肅州乞白城山金塔寺住牧守臣議
留之 上以夷情重大令提督三邊尚書王瓊親詣甘肅會守臣悉計
以聞既而滿速兒以討牙木蘭為辭令虎力納咱兒糾瓦刺寇肅州遊
擊將軍彭濟兵備副使趙載禦之遁去○通惠河成御史具仲即中何
棟等疏聞因陳五事曰時疏濬以通運道專委任以責成效復舊額以
給官夫改開坐以防水患處剝船以便糧運 上嘉其勞命查驗行賞

所條事宜悉從之既而糧運至者一百九十九萬有奇省脚價一十萬
兩仲以運軍疲敝請暫給三分之一俟一二年後併減歲運以寬貧民
庶軍民兩受其惠報可○加上皇考聖母尊號奉 冊寶加皇考為恭
肅淵仁寬穆純聖獻皇帝聖母為章聖慈仁皇太后詔告天下○翰林
侍讀學士許誥上所撰通鑑綱目前編闕書管見太極圖論命留覽○
秋七月天方撤馬兒罕哈密頭目各朝貢滿速兒亦乞通貢提督王瓊
為奏上乞還羈使朝貢莫不報○南京吏部右侍郎湛若水進所撰聖
學格物通命留覽○命編纂御書文札時大學士張璠言近奉皇上御
書文札諭臣等者臣懼日久散逸宜命官編摩昔唐學士吳兢有貞觀
政要國初有洪武聖政記楊士奇有三朝聖諭錄是編宜名為嘉靖政
要 上曰古有左史右史之官歷代因之我聖祖創翰林之職亦有編
修撰之官未見居此職者蓋乃事夫史之可否一出于公非公則鬼

神亦察之乃命張壁張潮編纂而以張璠總領其事○八月工部侍郎
兼左倉都御史潘希曾上治河疏言河之大而要者有三一孫家渡經
長淮衛趨淮入海一趙皮寨經符離橋出宿遷小河入海一沛縣飛雲
橋經徐州趨淮入海夫孫家渡趙皮寨乃上流之支河飛雲橋乃下流
之支河弘治以前三支分流會于淮而入于海故徐沛無患漕渠不淤
今上流二支俱就湮塞全河東下併注于飛雲橋一支下東呂梁二洪
上汎開河流水茫無畔岸決堤塞沙大為漕患然非疏其上流則秋乘
水發沙挑復淤堤築復決近因趙皮寨開濬未通正在疏孫家渡以救
水勢請勅都御史潘墳亟為疏濬 上嘉其議從之○命顧鼎臣穆孔
暉許成名主撰誥勅務刪浮辭以存實錄○九月總督河道都御史盛
應期及管河郎中柯惟熊俱罷初應期議開新舉性憤力贊之乃集夫
役萬餘分標開鑿人頗怨讟已而言者嘖嘖謂功必無成徒糜財用勞

民力朝議罷役應期請緩一月毋停止保其終事惟熊復甚言其不便
上怒奪應期官勒歸田里部議因並罷惟熊新渠之議遂寢○命定
宗室襲爵請封諸例時方獻夫上言宗室襲爵請封請名嫁娶娶等
項宜擬立定例刊印成書頒行遵守其有違例奏擾者罪其教誘之人
論遣戍邊從之○新建伯王守仁督兵討廣西斷藤峽八寨賊悉平之
初成化中韓雍平斷藤峽諸蠻稍靜正德中遺孽復熾橫掠商舟即河
史陳金務為姑息約令諸商入峽者各出魚鹽遺之諸蠻就水瀆受去
如權取然初蠻以坐得利不為害久之遂無忌大肆掠奪不惟即殺之
道路為梗守仁撫田州時先檄湖廣土兵欲誅盧蘇王受等至則田州
已定湖兵當還而蘇受亦願立功自劾兩江父老遞訴峽寇猖獗狀守
仁上疏請討許之乃命湖兵及蘇受等隨至南寧與諸守臣將率議襲
峽寇約日會勦峽寇聞湖兵且至先期逃匿守仁故為散遣諸兵狀假

旗息鼓以示無事寇益弛不為備乃令官兵突進連破油磗石壁六皮
等寨巢賊奔斷藤峽復追擊破之賊復奔橫石江湖死六百餘人俘斬
甚眾賊眾潰散搜勦無遺遂移兵進勦仙臺化相白竹古陶羅鳳洲安
古鉢都者啊等處巢寨次第破之擒斬三千餘人俘獲無算八寨悉平
兩江底定

謹按霍宗伯韜地方疏曰竊見王守仁奉命將田州恩撫處當
隨復勦平八寨及斷藤峽等賊臣等皆廣東人與賊隣壤備知各賊
為患實跡天下十二省俱多平壤惟廣西獨在萬山之叢其上險其
水迅其山之高有猿猴不度飛鳥不越者故諺語曰廣西三而賊
七由山高土惡氣習克悍雖良民至者亦化為賊也八寨賊洪武年
間所不能平斷藤峽成化八年守仁韓雍僅得討平及今五十餘
年遺孽復熾故廣西賊巢柳州慶遠鬱林府江諸賊雖時出劫掠官

兵亦屢請征之若八寨賊則自國初至今未有輕議征勦者蓋謂山
川兇惡進兵無路消息少動賊已先知一夫控險萬兵莫敵故百六
十年未有敢征者賊亦恃險肆惡時出殺掠四方頑民犯罪脫逃投
入八寨則有司不敢追攝隣近流賊避兵追勦投入八寨則官兵不
敢誰何是八寨者實四方寇賊之淵藪也斷藤峽又八寨之羽翼也
廣西有八寨諸賊猶人有心腹疾也八寨不平則兩廣無安枕期也
今王守仁沉幾不露掩賊不備一舉而平之百數十年豺虎窟穴掃
而清之如拂塵然非仰藉聖人神武之威何以致此臣等是以數服
守仁能體陛下之仁以懷綏田州思恩向化之民又能體陛下之義
以討復八寨斷藤峽梗化之賊也仁義之用兩得之矣
冬十月丁未皇后陳氏崩諡曰悼靈久之更諡孝潔先是后有疾泰和
伯陳萬言請乞容妻冀氏入宮視之上以疏示輔臣曰朕惟外戚自

古未有入宮禁者假言視疾多窺伺朝廷在彼為得計在君為墮計皇
后作配朕躬良醫妙藥豈無治病之具何謂不見親人不能療食服不
敢狗私縱外戚入宮蓋不如是恐無以範後世也○潞州盜陳寶等
青羊山都御史潘瓊督師討平之初卿等振青羊山為盜巡撫山西
都御史常道請兵收勦丞議從之發京邊軍從征師至山下卿與其黨
陳琦設奇敗之道懼遂議招降卿益輕之大肆招徠集眾萬餘分據山
中魯班堅窄腦尖綻口諸處各設巢窟官兵不敢搜攻不能入撫不來
降相拒五載廷議猶欲招安獨張璠不可力主勦議乃請奪常道官而
以俞都御史王應鵬代之又命都督魯綱帥兵協勦綱駐潞州虎張軍
能賊眾惶惶奔逸四出大掠壘關黎城諸縣焚殺甚慘綱頓師不
出賊知其無能為復聚入山中據險自固而河南修武諸縣亦被殘賊
巡撫河南副都御史潘瓊乃檄兵備副使翟鼎牛奮命率陳大綱揚州
鳳等督兵進勦翟瓊破魯班堅窄腦尖綻口洪梯陟崖諸巢囑御父子
倉皇竄匿又進破谷堆底門樓安陽諸巢焚燬殆盡魯綱聞賊破亦帥
師至會于替度寺賊走青羊山石返頭諸處翌日賊首陳卿為會事陳
大綱所擒陳琦為副使牛奮所獲前後斬賊數百降服脅從者二千餘
人青羊山遂平捷聞給事中夏言因劾奏常道與兵魯綱遷延之罪復
言諸臣功次當加查覈 上從之即遣言奏勅以往○閏十月工部尚
書李錄卒贈太保諡恭敏既而給事中劉世揚以上論不與未協于諡
上曰諡諡既不協公議併贈官俱革去今後務慎重國典不許濫與
偽刑部尚書胡世寧因推廣上意為疏解 上嘉納之○少保大學士
右陸卒瑋蕞城人為入沉默不妄言笑有不當意者輒忿激見顏色上
教南雍以師道自任諸生不敢犯屢典文衡力去浮怪文體為之一變

云至是卒諡文隱改諡文介○召起李重為工部郎中先是重以戶部
郎中提守德安會有告言宗藩群校乘橫不法者事上重以戶部
遂坐摺歸去德安民為立祠祀之至是漕河運用的臣為得也
兵部尚書王時中罷以劉世寧為兵部尚書加太子太保世寧自
進兵部力辭至三疏言外虜方強內憂日甚天下之人聞然言無忠
之氣裁朝尚書兵部者臣卿里所聞方賓于謹耳目所逮劉大夏彭澤
忠力為國不得保全其倖免者依阿軟媚坐視卷札者也復按姚崇上
綱故事上定武舉崇憲職重將權增武備更賞勳節士夷足遊儲絕英
源正謀謀惜人才十事要說 上嘉其忠便令上議行十事世寧
又上言今天下士習萎靡依阿自保乏體國之忠在朝惟李水勳伍文
定堪總軍旅而位望已崇難以小寇輕出馬吳陳九疇皆大受之器而
以檢人聞斥成邊副使施儒楊必進皆過眾殊才吳澄行近古人皆為
大計所黜遂謂例不再用夫例非祖宗初法而人材難得自古明君用
才雖父祖所棄亦追錄不遺况邇來大計所黜皆推奸之所排擯者乎
若一點不錄而忠勤體國者皆以為戒所閉治忽不小也 上嘉納之
○十一月新建伯王守仁卒初守仁定田州 上嘉其功命行人馮恩
齎勅及緡勞之及平斷藤峽及八寨寇遂病至是疾劇上疏乞骸骨
林富自代未及命下馳至南安府遂卒由是言者噴噴請禮重鎮云
謹按支氏大綸曰文成勅躬肅瘁病劇而歸沒于道路為臣死忠亦
可已矣而言者猶以擅離重鎮咎之世之忌功如此
國子祭酒魯鐸卒鐸景陵人嘗奉使夷邦却金珠之饒及在告絕跡公
門日與後進之士講究經義屢薦不起卒之日貧不能葬巡撫為請國
朝故事四品例無祭贈諡 上以鐸清節著聞特令有司治其賜諡
文恪○冊立順妃張氏為皇后先是上與大學士張璠議冊立中宮事

總以天子有后所以共承宗廟不宜久虛 上曰君子所配必求淑女而君長之配尤宜慎擇前者初婚之期皆是宮中又惡之婦所專主而日夜言之聖母聖母未之察耳今復與此事則不如不繼朕所愛者德與賢耳非有偏寵尚色之私卿等密與同官謀來至是立后后于嘉靖元年冊順妃錦衣僉事楫之女也○十二月命緞造光祿寺所給養鷹大諸禽獸從御史朱觀之請也○詔議補遼東宣府陝西巡按寧夏甘肅諸邊粮草 上諭戶部曰近因大同奏報粮草缺乏已命發銀二十萬兩給之朕思遼東諸邊虜情巨測糧草不足人馬疲散緩急何恃凡此邊民皆我祖宗赤子可不加恤乎其亟查議補之

嘉靖八年

春正月戊戌朔風霾晝晦先是立春日長星出白氣亘天至元旦大風霍晦如夕 上令大學士楊一清條畫弭災急務一清等陳四事曰恤

卷之三

三九

民窮脩武備惜人才飭言官已報旨因復密疏溥恩澤寬論成二事陰為議禮言事諸臣乞恩寬宥 上不允既而在中允廢道南應詔陳言言昔太祖高皇帝令天下勿奏祥瑞若災異即時奏聞一念敬畏上格皇天而敬畏之實約之有四一任大臣如論六部以乞執厥中論中書省以振舉大綱是也二崇儒術如論朱善以常持此心至公無私論秦裕伯以聖人之學以天為準是也三重守令如論宋朝官以約已利人論侍臣以治民猶治水是也四擇將帥如謂擇將當兼用謀謀仁勇備過常存戒心是也 上嘉納之○命集議新建伯王守仁功罪奪其世爵卹典及禁其學術初守仁之在廣西適安南內亂桂粵欲建議圖之遺書守仁使偵要領守仁寢不與偵等啣之及思田平奪忌其功而快樂又平守仁奏捷感言諸盜盤據流劫之禍陷陣俘馘之多請加賞勞上曰此捷音近于誇詐守仁姑賜獎諭餘令巡按覈實以聞及守仁

以病乞歸命未下去廣西蔓言守仁撫制四藩關係甚鉅而摺自離鎮罪不可逃今聞卒于南安猶可原諒 上曰守仁擅離重鎮非大臣事君之道况學術邪正事功真偽封拜當否猶有可言其會官集議以聞給事中周延言守仁事功學術人所共服不必更議 上曰朝廷以此為功罪所係故命集議周延言附從率論袖外職既而蔓言守仁事不師古言不稱先欲立異以為名則非朱熹格物致知之說知衆論之不與則著朱熹晚年定論之書若致生徒互相倡和才美其狂遂流于清談庸鄙者借其聲遂敢于放肆其門人為之標榜誇誇至謂扶之不死投之江不死以上帝天曉幾于無忌憚矣若剿捕淫寇擒滅逆孽功固足錄但賊平而縱殺不已報捷而誇張不實罪亦難原宜免奪伯爵以彰國家之大信申禁邪說以正天下之人心 上曰守仁放言自肆詆毀先儒用詐任情壞人心術近年士子邪說皆其倡導至

卷之三

三三

千宸濠之變伏義討賊功疑重姑不深究所封伯爵係先朝信令許終其身身後卹典俱為停單仍榜諭天下敢有誹習邪說果於非聖者重治之○二月不雨 上零禱不應因製自咎說示群臣使咸加警惕○命放鷹隼田犬招佃牧馬按鷹田土時言官請放乾門門諸處鳥獸從之已而命奉先奉慈崇先各殿薦食品止依會典所載用鹿兔雉鷹諸物鷹隼田犬既已縱放其鷓鴣鸚鵡野兔等肉俱不復用戶部尚書梁材因言從田鷹犬既放其保定府安州等處牧馬草場一百二十頃按鷹地土九十九頃宜遺科道官閱視大畧招民佃種每歲徵租銀三分解納太倉從之○以少保兼太子太保吏部尚書兼翰林學士桂萼為武英殿大學士兼預機務○巡按湖廣御史張錄獻錢民圖時湖廣案勝大錢錄會圖為說以獻請賑貸 上覽圖感動命所司多方賑賑使民沾實惠○初命臺諫官監收錢穀從戶部尚書梁材之請也仍

谷令歲終奏上計簿○命暫開武職援納之例時兵部以決西三邊軍餉不充奏開武職援納例上以鬻爵非善法第邊事方急姑暫一行歲終即止○南京提督楊芳太監李政乞兩淮監銀為織造費上真政妄乞不允○侍講學士許誥陳講讀四事一言河圖洛書萬世文字之祖宜同五經四書進講以明斯道之本原一言孔門授受專在治情後儒倡為靜坐養性之說言愈多而義愈晦自今講筵餽問無一此一言各經註疏互有得失宜令儒臣直陳所見以求千古之足不當牽於師說反畧聖經一言進講經書務明大旨凡諸家小道一切併絕然後有益於治上嘉納之○左通政宋滄等條奏職業六事一言大明律後雖附載臣民題奏本式而官尺民尺長短廣狹尚未分明宜如法刊示使不得以意增損一言奏本多小字不便觀覽宜令明整與題本大畧相似一言凡各衙門章奏事干私情徑赴左順門投進者聽科臣

及本司參奏治罪一言凡題奏大事別具御覽卷節至于民間本詞務要簡實不得浮冗緣及他事一言差錯奏筆如例奏奏行罰其民本務本司自行駁出改正一言嚴訪積年作狀代寫頂名打點等項奸徒處之重法以清宿弊上曰祖宗設立通政司出納命令通達下情所係甚重今是職又廢爾等建議修明朕已具悉俱如議行○復設蘭州管糧郎中時有言甘肅孤懸河外轉輸艱難者戶部尚書梁材等上其議故有是命○以災傷免南京四十二衛屯糧有差○詔天下求朝官俱依限赴任違首罪之○工部尚書劉翽等請裁革易州柴炭廠委官專選部屬官一負王之原設總管侍郎改為提督處之京師使兼領一應廠局修造報可○義陵王府騎園將軍偕浦等私請陝西省城告支祿糧御史張珩以聞上憫其迫於饑食責而宥之仍令巡撫官設法查給毋俾失所○巡撫陝西都御史寇天叙以地方及傷請開靈州二池

誼課及勸借例從之○會試天下貢士命大學士張璠等事宦為考試官取唐順之等三百二十人○土魯番歸哈密諸夷命置干肅州時滿速兒以牙木蘭叛乃遣人貢獅子因齋譯書言願歸哈密城及諸夷使所掠人口以求牙木蘭王璠上言土魯番歸我哈密乞令失拜煙蒼子米兒馬黑木守之貢使二十四人遣入京放歸羈留各街貢使男婦凡千人散置沙州其土巴帖木哥部夷五千四百餘人置白城山哈密都督札吉字刺部夷置肅州東關赤斤都督掌下蒼兒子鎖南來置肅州北山金塔寺罕東都指揮枝丹置甘州南山乃下兵部議尚書胡世寧欲專守河西謝哈密無煩億中國霍韜上議必欲與復哈密亦下兵部議世寧言太祖建北平行都司去境四百里而文皇帝之兀良哈文皇部縣交趾而宣宗棄之安南哈密非大寧交趾比况其初封忠順王為我外藩者乃元遺孽永樂二年封三年即故其兄子未幾即絕而強

立非其子孫者嗣之蓋嘗三立三為土魯番所虜乃叛我即戎反勞中圍竊以為此與國初所封元孽為和寧王順寧王安定王者等耳安定王又在哈之內近我甘肅今亦不知其存亡何獨以一忠順王故耗我金幣疲我士馬窘我財力又言牙木蘭本歸正人非叛虜者唐悉怛謀事可鑒璠等不聽力主瓊議安置諸夷於肅州境內獨留牙木蘭不遣如世寧言土魯番以不得牙木蘭竟據哈密遂所置諸夷部落諸夷俱失故土住牧河西塞上而亦不刺盤窟西海尾刺結葉吐山河西三面皆有虜患矣○兵部尚書胡世寧罷以李承勛為兵部尚書世寧見所議不合求罷從之以承勛代世寧承勛因上言土魯番在西戎中非強大者自正德十一年以來數犯甘肅邊兵往往失利非彼之能我之自治未善耳今稱歸哈密不過空言相謹所送原掠人口不及百之十一而乃以索牙木蘭為辭徒以起釁耳今甘肅之安危不在土魯番之強

弱而在自治之得失要當以足食固邊為久計通番約費為推宜彼雖變詐多端而我待以誠彼雖反覆萬狀而我度以理則控制有軌體統自尊然兵有深機事難遙度是以閩外之事不從中制令材賦練達如王瓊應總制之任握便宜之權事當應機立決畫一具奏毋或顧慮太過動輒生疑可也恐錄餉交于原野謀猷決于廊廟不合機宜及致事制臣與瓊中外雖殊義當共濟令瓊展布四體知無不為中長子帥師之義釋皇上西顧之憂則閩陝永賴遠夷自服 上然之因命瓊用心調處無負倚任○勅褒鉅野王府輔國將軍當漢時當漢奏言以父子應支祿米賑濟封內餓民且勸上以祖宗為法以國體為重裁不急之費息土木之工疏入 上嘉其意在恤民且以節儉獻規特降勅褒之不聽辭祿○三月詔青羊山增設順義縣陞潞州為潞安府時給事中夏言往勸青羊山功次言前巡撫常道安與兵端都督魯綱不能宣揚

文三

三

朝廷德意乃大張官軍虛聲以致賊勢决裂黜罰之典所宜並加至于進兵機宜平盜方畧盡出都御史潘瓊經畫至于刻期入山則副使翟璜等奪險先登搗其腹背摧陷之功居多牛蠻楊朝鳳等遇敵嬰鋒扼其咽喉收降之人頗衆陳大綱張羅伏機塞其歸路遂使首惡奔竄扼首就擒此數臣有功可錄旌賞之典所宜先行至于諸路官兵戮力用命俱當從厚賞勞以勵人心被賊殘害地方亦當賑濟存卹以全民命又言據盜陳卿已就勒平而所據青羊山地勢險要東西相距一百餘里南北相距一百四十餘里山連萬壑水分兩河村落頗多離縣窺遠法令難及宜開設縣治割壺閼潞城黎地附近里社屬之立學校巡司等官以靖地方陞潞州為府以控制之乃畫圖貼說以進事下戶部尚書梁材覆奏從之縣名平順州陞為潞安府○廣東食事林希元上救荒嚴言言救荒有二難曰得人難審戶難有三使曰極貧之民便賑米

次貧之民便賑錢稍貧之民便賑帛有六急曰垂死貧民急燼病疾病貧民急醫藥病起貧民急湯米既死貧民急墓瘞遺棄小兒急收養無重繫囚急寬恤有三權曰借官錢以習權輿工作以助賑貸牛種以通變有大禁曰禁侵漁禁掠盜禁遏糶禁抑價禁宰牛禁度僧有二戒曰戒遲緩戒拘文戒遣使使其綱有六其目二十有三皆參酌古法體悉民情 上嘉之 以方獻夫為吏部尚書○命行義倉社會法時兵部左侍郎王廷相言邇來各省嚴儆民皆扣食發廩賑之猶苦不足以前之不豫故也宜倣古義倉之法但立之于州縣則窮鄉下壤百里就糧旬日待斃非政之善者惟宜貯之里社一村之間約二三百家為一會每月一舉社正率屬誦高皇帝教民榜文中以同盟之約舉眾中善惡避戒之其社米第上中下戶拍數多寡各貯于倉而推有德者為社長能善事命計首副之若遭荒歲則計戶而散先下與中者後及上戶上戶

文三

三

則備之而免其下與中者凡給貸悉聽于民第令登計冊籍以備有司稽考則既無編審之煩又無奔走之苦且寓保甲以弭盜鄉約以敦俗之意一法而三善具章下戶部梁材言吾人謂救荒無奇策臣謂義倉之法可以備荒乞行各撫按官體量行之 上亦謂廷相所奏有益小民從之 廷試賜羅洪先程文德楊名等進士及第出身有差○命工部大庫曰節慎庫○巡撫河南副都御史潘瓊罷初河南連歲旱荒斯縣請賑頃多駁勘河南知府范鏗未待報開倉發賑民請而之頃以是惡鏗其餘有司賑貸稍寬即加譴責會有以陝西饑民父子夫妻相食流聞禁中者 上切責戶部增因惶恐上城乃歸罪于鏗以自解于是給事中蔡經等言頃本不郵民鏗賑貸之速百端窮弊及奉古詰問乃復歸過于鏗失大臣體國之義 上詔罷瓊永不叙用○命成寧侯仇鸞鎮守兩廣○命李武定侯郭勛助官罷歸時大學士楊一清惡勛

駭橫諷御史王堂言之御史陳察亦以為言 上不得已奪劾太保兼太子太傅及後事部督府印提督團營勦賊第○詔嚴官吏犯賊及酷刑致死人命者之罪先是霍翰諫天戒疏言官以賊敗及故禁故勘平民致死者律當絞斬後以賊罪得贖而致人死者置之不問遂致貪酷之吏得罪傷和惟令行之不嚴故吏易犯法至是 上詔今後官犯枉法賊者追賊入官仍問軍罪不得故出以長貪風酷刑致死人命雖因公亦照例為民著為令○海賊入寇時海賊百餘人泊舟常熟登岸擄掠敵殺官軍勢甚猖獗撫孫祥以聞 上命撫按官悉計勦捕○夏四月命革選庶吉士及吏定翰林官銓補法先是大學士楊一清等奉旨考選庶吉士以唐順之三人廷試策為上所批獎即以爲冠而給取明經等二十人上請 上留唐順之等一體除用因曰庶吉士乃太宗之制在當時良善邇來大臣徇私市恩無益國用此後不必選留但有學行卓異者吏部奏訪以備擢用尚書方獻夫上言館閣乃儲材之地賢相名臣多出其間邇年留選不能盡公誠如聖諭所云吏部訪收信得其要但翰林院原設侍讀侍講各二員修撰三員編修檢討各四員邇年太濫請讀修撰至十五六人編修檢討至二三十人或一官全缺亦非經制宜于原設額數量增敷員除一甲三人銓補外聽吏部照缺推補編修檢討于主事御史給事中評事中等行人博士助教推官知縣學官進士內訪補講讀撰于郎中員外都左右給事中寺正寺副太僕光祿丞同知州通判內訪補其學士庶子諭德贊善沈馬等官亦論資序遷勿分內外庶事體畫一經久可行 上從之自是盡逐舊官而多置陰厚矣○詔諭融賊不許請乞田土先是大學士楊一清等言近畿八府土田多為各監局及勢豪之家乞討或作草場或作皇莊民失常業願自今以後凡有請乞絕勿復許小民控訴乞賜

審斷使畿內之外有恃為命 上曰卿言正合朕意令戶部推侍郎及風裁科道往勘外省令巡按御史按行諸王府及功臣家惟祖宗欽賜有籍可據者則已其他近年請乞及多餘侵占者皆還軍民事故具上其籍至是戶部侍郎王軌言皇上命臣清查莊田見勦版之家數千百頃占據膏腴跨邑郡邑乞如成周之制隨其官之品級而定長多寡別其世之親疎而量為裁革其自置田土不派納糧差者俱追斷如功臣田土例 上從之令自今勦成大臣務各安分以保祿位不許妄行陳乞○命授永嘉縣儒士葉幼學翰林待詔時楊一清薦幼學潛心典禮乞量授館職使供史館纂述故有是命○五月巡監御史朱虞立上論鹽法之不使者先是戶部尚書鄒文咸條陳添刷鹽引至是虞立言欽依添刷引目而商人莫肯應者其故有二一則昔時餘鹽先學過而後納價今則先納價而後領引既輪于邊又輪于運司苟非巨商必不應命一不便也一則淮南納銀一兩九錢淮北納銀一兩五錢比之舊額淮南增銀四錢淮北增銀一錢五分無利有損其孰肯從二不便也今正以添刷之引先行給商待其掣過納價以寬先期併征之意添中餘額淮南減四錢淮北減一錢五分以恤目前虧折之苦庶商人得利而新法可行從之○吏部右侍郎何瑋罷先是瑋移疾乞休許之既而御史毛鳳麟奏留乃以瑋為南京都察院右都御史瑋不就罪之○六月大學士桂萼進輿地圖各有紀叙命留覽○山西大饑連歲凶歉餓莩或道餓斃王尚綱上按荒八議一曰懲饑餓乞遣使行部問民疾苦二曰恤黎黎乞有司祭瘞消釋厲氣三曰救貧民乞支散庚積秋成補還四曰停徵歛乞裁日佳徵以俟豐年五曰信告令乞勅分發粟六曰推糴買乞令無閉過七日謹預備乞申慎例措處積貯勿使庚虛空虛八曰卹流亡乞所過州縣加音存卹勿使群聚患亂戶部覆議行之○右

都御史周南卒贈太子太保南續雲入初大帽山賊留劫三省則謀用
重臣督勦南往破之因移兵攻桃源賊黨及汀漳山巢賊悉平遂留
其地南輟巡撫之設自南始○兵部右侍郎黃衷履表以督木田督會
緝事官妄言空京不行朝見吏部查實在籍 上意不解遂罷之○七
月以副都御史王堯封巡視浙江福建軍務都督崔文為江淮總兵鎮
瓜儀時温州磐石衛逃役軍四百餘人披甲持刃入館頭縛永嘉主簿
吳永迫脅通判栗廷用踰垣勒令本府取官銀三千餘兩給領府衛不
能制常州賊首侯仲金等群聚數百人連艘數十隻劫奪民財敵殺官
兵執其主簿染瑾支解之殺百戶任臣投于水又有海寇數十艘入掠
寧銘諸縣殺戮士民燒燬房室給事中夏言請設都御史巡視浙江海
道設江淮總兵官操俗江游控制九江安慶淮楊蘇松諸郡 上從其
言乃命堯封及文為之○太師定國公徐光祚卒謚榮倍○左都御史

陳金卒○命採珠于廣東總督兩廣林富言去前採珠僅二年珠尚未
生恐不可得說者謂以命易珠今恐易以命而亦不可得疏入詔如前
旨○八月勅令大學士張璠還家奪桂學散官令致任先是璠為姪寵
言事相左多忿激不相下各為惡語交聞上前楊一清乃來隙間之諷
給事中孫應奎陸燺勳璠專恣不法言璠雖恨恨自用執物多私而
其術猶疎為害猶淺華外若寬迂中實陰險刻伎忍之毒一發於心如復
蛇猛獸犯者必死宜速加誅竄 上怒下勅暴璠專罪狀曰張璠自用
自恣負國負君桂學充而効之朕以言官屢劾朕不改私論法當置刑
典特從寬貸總令還家愴悟以需後用璠奪散官并學士致仕其餘黨
分別區處孫應奎陸燺王準居言官之列有耳目之寄坐視至今方為
與奏應奎首論可原王準下法司訊之○九月召張璠還大學士楊一
清罷時璠去至天津霍鶴私計曰議大禮者五輩三四人耳張桂去必

及我乃急疏列揚一清罪二十四事 上覽之立召璠還時有朱維宗
者以他事下獄辭連一清謂交張容金私以錦衣指揮 上怒欲逮繫
一清璠力解得免下旨曰一清累朝舊臣朕即位首先召用何乃不
顧名節深負朕眷法當追理念因休輔臣璠又疏請從寬姑令自引
一清遂乞致仕刑部尚書許贊會官議一清晚節味知幾之議哀年忘
在得之戒今其去就實為國休所關宜優容之 上命致仕令馳驛以
歸璠既復入內閣璠亦復散官致仕 詔革外戚封爵世嗣府部議應
襲者惟定國公及彭城惠安二伯于是昌化伯邵杰慶陽伯夏臣壽寧
侯建昌伯等皆在革中○冬十月癸亥朔日食刑部員外郎仰經邦言
正陽之月食于朔而今調和變理之任有皇父其人者正應之陛下既
納陸繁之言令張璠致仕尋復以議禮有功見留眾議洵陛下弗察
也乃天變若此可弗畏乎 上大怒發戍邊衛○乾清宮內西七所旁

災○虜酋吉囊俺答寇榆林寧夏塞總督邊務王璠出兵禦之虜亦得
利去璠遂請修邊牆據要害起蘭洮畫榆林凡三千餘里軍民可賴少
安○詔改築思恩府城時提督兩廣軍務林富上言改築思恩府城于
荒田添設縣治十那久以屬南寧與王守仁前議多同戶部覆議從之
雲南衛卒亂初巡撫都御史歐陽重以諸衛軍卒多有異姓冒伍以
養月餉者下令覈之凡冒者斬弗子諸冒者怨嘯聚數千人環馳軍府
謀謀不已擲瓦礫門垣內重惶懼給餉如初及役開諭久之乃散巡按
劉果乃參論重職存撫馭事專錢糧雖典利除害有為國任事之心但
矯枉過中失通變宜民之意太監杜唐責在鎮靖地方總兵官黔國公
沐紹勳寄專總領軍眾雖事出倉卒或無故縱之情然令地平時有失
鈐束之道 上以重不善處置以致擾亂而果顛倒參劾任意回護命
重致仕調果外用給事中夏言上言都御史者陛下所倚任之大臣也

御史者陛下所親遣之近臣也御命萬里之外託身士民之上令行禁
止人莫敢違者所以尊朝廷而重名分也今以軍士一謹撫按俱罷紀
綱法度人將謂何賈生尾大不掉之憂唐人藩鎮跋扈之患大抵由斯
兵驕卒悍倣倣成風類以月糧借口如陝西之甘肅山西之大同福建
之福州延平直隸之保定近日浙江之温州內地邊方事變數見失分
不振起類網以為消弭之計將使他日有事地方之臣以此為戒為諱
孰肯為陛下建事立功慨然天下為己任哉 上以徧徇切責之 十
一月召桂臺復任史館儒士蔡圻疏誦聖功故有是召 河南陝西大
饑陝西會事齊之嘗言臣承乏寧夏自七月由舒靈逾汝寧口擊光
息蔡穎聞蝗食禾穗殆盡及經陝關潼關晚禾無遺流民載道偶見居
民刈穫喜而問之谷曰逢也有餘刺二種子可為麩饑民仰此而活者
五年矣見有以麩食者取而啖之齧口溢腹嗚逆移口則小民困苦可

卷之三

勝道哉謹將蓬子封題齎獻乞頒臣工使知民瘼共圖台 陝西陳大可
憂之事三深可惜之癖四言國家貢賦輓運上游脫或道途有梗鋤之
梗而東南之漕一再歲不至何以處之此大可憂亦也天潢日衍祿食
匱乏而憚於改絃不思尾大之患此大可憂二也邊疆歲擾將驕幸情
而大同甘肅之變屢事姑息異日有患必自邊境此大可憂三也八九
年間大禮一議蔓引不休好惡予奪一主乎是其所不合者擠之如四古
拮据永不收錄其合者擢之如伊尹傳說驟至台鼎此可惜之癖一也
大臣之不肖諂諛為甚今侈祥街異見之輩膺啟情導怨漸不可長此
可惜之癖二也初章冗濫歲省萬計寅緣日夕聽其陳請戚里漸復俸
俸日親此可惜之癖三也內臣鎮守非太祖立法之意天下臣民以為
陛下御極當不旋踵拔去病根乃今因循久而不議此可惜之癖四也
章下所司 上禧雪於南郊及社稷壇是日雨雪時上以深冬無雪宜

是誠祈禱戊申朝禱南郊明日又禱于社稷壇即日雨雪 上喜乃親
詣郊壇告謝靈雪方獻夫榜孔暉等各獻靈雪賦頌及詩歌 上皆優
答之○十二月更正衮冕及群臣朝祭服制詔禮部將圖式奏給頒行
中外○虜入寇大同偏頭關諸處左都御史王憲罷時虜入寇 上命
推大臣提督軍務兵部尚書李承勛首舉憲宜行以憲嘗巡撫大同又
嘗總制三邊素諳邊務堪承明命憲抗言直辭吏部尚書方獻夫等合
辭以請憲有難色不應拒之益力給事中夏言劾憲臨事畏避失色關
廷 上怒憲竊祿苟安遂削籍○羗寇冠鞏昌提督軍務王瓊勦平之
初烏思藏采甘等羗受官入貢世為藩籬成化後稍為寇惠嘉靖初
都督鄭卿討之不克由是歲入殺掠隴右騷然王瓊議欲候彼入境即
以大兵擣其巢羗人畏之是歲官兵北征羗乘虛入寇鞏昌兵部尚書
李承勛言西番為亦不剌所侵日益內徙若羗狄交通後將益熾昔趙

卷之三

充國不戰而服羗段熲殺羗百萬費以億萬計內地空虛故勇將取快
目下老將動必萬全乞廣宣帝之明專充國之任制禦事宜一以委瓊
上從之瓊計欲撫罕开必勦先零乃遣莊擊彭械都督劉文率兵自
固原至洮岷分擾要害且撫且勦凡撫定六十五族勦破一十六族斬
首百有七十西鄙以寧
諱按鄭端簡公曉曰西戎亦能為中國患從申侯逼遷西周附隗
族拒東漢唐連土番直入長安宋失熙河併于西夏為禍不小我
官當市羗糜之西鄙少寧正德後邊防大弛戎心遂啟瓊議欲於洮
岷河蘭間繕城堡遠斥埃廣儲蓄謹備海賊勿使得連西番即有侵
侮請發精兵駐臨洮鞏昌要害之地拒之斯良策也
詔華天下鎮守內臣兵部尚書胡世寧言各省鎮守守備內臣二十七
人錦衣官校旗勇內府詭匠數千人皆破祖宗法依城社坐耗國儲股

民膏血令人莫敢誰何者宜為裁革而張璪既得政柄亦慮天下鎮守
內臣大為民害因力請 上準之於是百年大患一旦悉除○南京右
都御史張琮疏乞致仕許之琮自南京工部侍郎改刑部是年御史
諸御史入謁琮曰朝廷之法執于御史執者廢法將安歸惟其交遊則
無私謁少宴會則無請託皆端端退居官清約乞休 上始得請
詔騰驤四衛禁軍隸兵部查覈先是初年詔書騰驤等衛上必兵部查
覈乃得收廩太監閻洪奏改中旨免覈至是兵部尚書胡世寧以四衛
詭冒依附奸欺不可詰因上言官府一休請官軍考選清覈並如旗手
等衛內臣言四衛禁軍隸兵部不便往歲彰義門破虜東市勦首賊皆
四衛功以直內故得號召易集下部再議世寧直言往歲之事正以兵
權歸閹人致亂彰義門之戰由太監王振東市之賊即太監曹吉祥也
上從世寧議○南京御史司馬泰條上南都軍民利病七事曰革船

料以通高賈節派買以蘇舖戶議房鈔以蘇民困處流民以實京師便
法守以恤軍士采物料以足供應重將領以振軍威疏入報聞
○嘉靖九年

春正月壬辰朔頒敬一諸箴於嶽麓書院從知府孫存請也○甘肅鎮
巡請結瓦剌以間土魯番不許時鎮巡宦唐澤等言土魯番與瓦剌以離
蓋恃瓦剌為外援也今因議婚彼此有隙宜遣使齎賞結瓦剌以離
上魯番之交總制王瓊以無故齎賞倖倖不可成之功自起弊端不可
為也兵部尚書李承勛等覆議以鎮巡所論固兵家用間之策而總制
以生事啟釁為慮尤得中國正大之體如土魯番不來犯邊許通貢如
舊若再侵犯即絕其貢使瓦剌叩關納款量行犒賞如其不來不必遣
使庶夷情自服國勢自專 上從之○詔申明科貢並用之令時際定
巡撫錢如京言京畿地重請悉銓進士為守令不宜濫授歲貢 上不

許日前屢詔所司隨材任用不拘資格但有治行宜異者一體推用
科貢乃國家取士正途不可偏有所重茲所議似特重其途而輕其
太輕令人何以自奮保民之道奚由廣及宜申明前旨行○二月庚子
禮部於北郊先是給事中夏言清理皇莊事竣請將戶部官莊開去
禮之名改為親蠶殿公祭園種植桑柘以備宮中蠶事仍令禮部
禮部命分獻南海壇因而有感遂上疏請祭親蠶之禮言按祭說天子
親耕于南郊以供梁成王后親蠶於北郊以供純服考之於漢則皇后
蠶于東郊後漢皇后帥公卿列侯夫人蠶唐立先蠶壇于長安北郊中
貞觀間文德皇后帥內外命婦有事于先蠶宋景德詔禮先蠶元
定享先蠶之儀宣和皇后親蠶于延福宮紹興初猶復舉行後因太常
丞王湛言始廢我高皇帝躬耕藉田未及親蠶豈非缺典臣以為典祭

之業不宜獨缺耕蠶之禮不宜偏廢疏入 上甚喜悅勅戶部建壇尚
書梁材言宜建于皇城內或西內 上曰周禮耕蠶分南北郊其蠶
于禁中唐人便安之制耳不可為法于是禮部尚書李時等請行于北
郊酌治蠶之禮定壇壝之制採采之器擇掌壇之官置車出入或從
東華門或從玄武門用謹厚內臣周肅官禁 上從之命出入由玄武
門其壇制殺先農什一建具服殿蠶室繭館俱如古制仍營織室於西
內以終蠶事右都御史汪鉉言皇上舉行曠典親視耕蠶為天下先又
頒示租約列為條目刊布天下所以導民勤儉矯俗厲世者德至渥也
乞以高皇大明令及禮儀定式所載與皇上所諭通行禁約凡官民服
食器用宴會遊玩之類但輪品式嚴加違禁之罪仍宜行自近始 上
乃令臺臣檢舉不法具罪以聞○上命頒賜大學衍義於科道諸臣先
是止賜夏言言請溥其賜故科道官各賜一部○上祭太社稷行耕籍

禮先是諭禮部朕以冲味入承祖位敢不率由舊章第以祭太社太稷
奉我太祖太宗配竊有疑焉夫天地至尊次則宗廟又次則社稷宗廟
配天則正矣又奉祖配社豈不失其序歟或謂以祖配社乃禮之正道
此我皇祖時禮官之失也又謂后土勾龍氏乃共工之子祭之無義夫
勾龍氏有平水上之功故取之配社猶以后稷配稷也未可論其人况
父不善而可惡及其子乎且如高皇帝制太社以后土勾龍氏配太稷
以后稷氏配其詳議具奏禮部乃集多官議太學士張增霍榮等各言
祖宗配位社稷歷代以來祀典不載我太祖稽古定制初無配位之禮
後因禮官張箒之請遂沿襲至今茲者天啓聖衷獨覺其舛况皆遵
祖制非有變更茲會多官皆無異議則既得以伸尊祖敬宗之心又不
失立法創制之意所謂禮樂百年而後具者真在于今日踈入上
從之至是 上祭太社太稷祭畢出郊祭先農行耕籍禮如常儀○御

史周釋條陳五事曰明史職恤水災清冊籍厚風俗理驛傳 上以其
言可采命所司詳看以聞○詔定百官謁文廟禮凡春秋二丁不與陪
祀者皆以常服序列陪祀官之後同時行禮正旦次日諸司必候其堂
屬畢集始得謁拜有先後參差聽糾儀御史幼治之○詔應天府上
元縣羊戶先是巡撫都御史陳詳言南京光祿寺司牲司羊戶凡二十
六人皆徵銀上元諸縣不下三百餘金而歲辦不過奉先殿薦新羊羔
一隻司設監羊毛百斤耳宜存句容溧陽羊戶各二人應役餘悉罷免
從之○三月命收養宛平大興縣貧民七百八十三人於養濟院八月
給糧三斗歲布一疋○工部請造先蚕壇洗事兼慶方官冠服 上以
女官俱有常用冠服命於來年議造○禮部言親禋禘禮出于創見一
時命婦倉卒入壇恐致衍度請以所繪漆象圖授之俾各如式演習
請定名採桑之所上因名其所為採桑壇○丁巳皇后親行籍禮于北

郊祭先蠶氏○給事中夏言請更郊祀上言我國家以天地合祀于南
郊又為大祀殿而屋之設主其中是制殊矣古典弗應經義謹按禮書
古者祀天於圓丘祭地于方丘圓丘者南郊地上之丘丘圍而高以象
天也方丘者北郊澤中之丘丘方而下以象地也南郊之壇曰太壇以
之燔柴北郊之坎曰太折以之瘞埋此分祭天地古制也况壇于南郊
坎于北郊雖以就陰陽亦因高下之義豈有崇何棟宇擬之人道哉古
之王者敬天有加豈昧嘗構凡以義不當為耳至于一祖一宗之配及
諸神之從祀舉行不十二至之日而於孟春借之古禮俱當有辨乞勅
多官集議以求至當 上嘉納之○詔擬送詹事霍韜于都察院時猶
見言以知錄謀合乃疏言親蠶為亂成法分祀為紊朝政 上置不問
復為書遺言甚言祖宗定制不可變易周禮為王奔偽書宋儒詆論皆
為妄語皇后出郊親蠶為壞閨門之法潰男女之防且曰今改南北郊

之說將自是而東西郊建矣將自是而更九廟矣郊社宗廟之禮皆因
而盡更革之矣可不慮哉又為副幽過遠三法司使收藏備照言得書
即飛章併其書上之因言韜諱周禮背程朱盡棄其學殆不可曉且數
其無君七罪惡浮正邪豈可置而不問 上大怒謂韜非詆先儒議訕
朕躬懷奸蓄詐要名畫直命錦衣衛械送都察院議罪既而南京御史
鄧文憲言郊祀親蠶之議夏言未必是而霍韜未必非陛下賞言而罪
韜之災諛而西直也 上責文憲附和狂邪降詔方雅職○夏四月詔
集議郊祀典禮中允廖道南上言太祖初年建圓丘鍾山之陽方丘鍾
山之陰以分祀天地洪武十年感齋居陰雨之應瞻京房災異之說始
行合祀太宗遷都于北未有建白以復之者禮樂百年後典禮不信哉
至于宗廟之制國初立四親廟德祖居中懿熙仁祖次分左右昭穆有
定位禘祫有定時至九年十月改建太廟用漢人同堂異室之制時享

歲禘則設衣冠于座而祀之始以功臣配享恐非古先聖王尊卑貴賤之道也周禮太宗伯兆日於東郊兆月於西郊歲聖祖亦有朝日夕月之文有其舉之莫敢廢也且今之大祀殿正殿古明堂之制宜法聖祖初制兆園丘于南郊以祀天兆方丘於北郊以祀地尊德祖配享以法周人尊后稷之意而又宗祀太祖太宗於大祀殿以法周人宗祀文王于明堂之禮兆大明於東郊兆夜明於西郊以法周人朝日夕月之禮增太祖大禘之祭止太祖南向之位移功臣於兩廡庶尊享有殺親親有等而古典復見於今矣下禮部議時督憲祭鼎修撰倫以訓規未祭酒許諸學士張朝編修歐陽德給事中陳昉趙廷瑞御史陳請謂續皆以合祀為宜而未言允激切俱下禮部復言復議不當以二祖並配且周人以后稷配天子郊以文王配帝于明堂今日宜本太祖配人于同祀奉太宗配上帝于太祀殿二配至重萬世不遷之法豈有抑揚輕重

未上三

四

于其間哉亦下禮部會群臣集議右都御史汪鏞等八十二人皆主分祀大學士張璠等八十四人亦主分祀而謂裁朝成憲不可輕改及時諷不可更作尚書李瓚等二十六人亦主分祀而欲以山川壇為方丘尚書方獻夫李承勛詹事霍韜等二百六人皆主合祀而不以分祀為非中央國張崙等一百九十八人無所可否上命再議於是張璠雜引五經諸史條析合祀之非仲分祀之是名曰郊祀考議上之 上從其議方獻夫上駟輪罪言前主合祀非是 上曰爾職列大臣不能考議正禮以稱朕誠既自知罪姑置不問霍韜亦上言近議郊禮不能仰體聖志乞恩輸罪 上曰爾既省改過顧自效忠亦准復職不問 此畿河南湖廣山西大饑時行人揚言有辜湖廣山西還言畿內及河南湖廣山西俱復大饑乞徐議郊禮以省勞費 上勅部院日邇來遠近之民饑卒在道聞諸奏贖實用憂感內外臣工皆有分理之責而部院

大臣又百司庶僚之首不可不佐朕安民其各請議會奏以聞于是吏部尚書方獻夫等會陳重守令廣儲蓄求鬼神卹陣亡慎刑獄及蠲免救濟諸條 上采納之命遣右僉都御史李如圭撫賑榆林等處中孫應奎言榆林一鎮災傷重大士馬捐瘠死亡無算骨肉相食向賦不通煙火衰絕草根樹皮剝掘已盡近復塌石為粉用以應饑令多糜死言之傷心甄入 上曰所奏饑荒朕不忍聞於是會議宜發太倉銀十萬兩往賑之都給事中夏言請以李如圭出撫和韓倫是致全生命上從之特召至御前而賜訓諭責其成功既而御史孫韓條上榆林備荒事宜一旨往時寨下倉廩常盈後因積貯多改為約價之例故一不祭食無所出當如舊例徵收本色以備軍餉之需一官榆林道略崎嶇轉輸甚難宜將內帑發去銀兩召高糧買如期完納一官朝共中塩以為邊計而左右往往占中買高價日增兼以米價翔踊所得無

未上三

四

義商人遠避四言天下各設預備倉邊方獨缺乞發內帑及所在有司贖銀併房中所獲馬匹變賣糴穀貯之各當堡而命御御史李如圭其其事詔從之○大學士楊一清劾籍時給事中趙廷瑞劾奏 清劾居銓部專植私黨維入內閣顯結權奸先帝南巡親幸其第不能竭誠諷諫及時回鑾而乃躬衣戎服雜設寶玩有晚送駝馬之曲欄門勸酒之詞傳笑海內大臣以道事君同知是耶其關通度賜賄賜錢寧之狀則給事中鄭一鵬章僑揚言御史樊維祖侯秩屢播彈文矣仍宜追論以警官邪詔奪一清官○五月詔建四郊時群臣議入 上覽之曰分祀良是乃命建園丘于南郊其北為皇寧宇建方丘於北郊其南為皇祇室作朝日壇於東郊夕月壇於西郊給事中夏言復條上規制及添差督工大臣時四郊並建工值浩繁司農告匱軍役亦苦不足○以都給事中夏言為倉都御史不拜仍加四品服初言為倉都御史李如圭出

撫榆林 上即命言代之御史熊爵言先年張綵以郎中署中丞不致

月為冢宰不數月剥皮裝草今言帝錄驟遷寧能免於禍乎 上切責

爵言因疏辭不拜云臣聞宋臣包拯劾罷三司使宋祁尋以拯代祁以

陽修有暖田奪牛之議今臣薦如圭出撫即以臣代如圭擬之拯事形

跡近似能免人言耶乞寢新命 上從之命以原官加四品服及俸

詔清查內府各監局匠役之虜入寇先入漁陽塞不數日又入遼西塞

又大入寧夏塞後又入宣府塞御史盧問之條陳選將練兵足食事宜

下部議行之○六月刊定大明集禮成 上因親製序文以垂一代之

大典○詔褒總制陝西都御史王瓊攻破諸番之功河西四郡請留瓊

從之泐泯等處番夷若龍板爾等族屢擁眾入犯瓊會集兵眾諭以

禍福諸番多聽從惟若龍板爾及喇唧等不服乃分兵攻之破若龍板

爾巢穴喇唧等族震懾稽首聽命斬首三百六十餘級撫降七十餘族

獲牛羊器械以千百計 上嘉瓊功降勅褒獎瓊至陝二年西服土魯

番率十國奉束約入貢及是諸番蕩平西陲無事河西四郡舊苦土魯

番侵暴恐一旦瓊去夷患復作咸詰撫按鎮守乞為奏留于是甘肃巡

撫唐澤巡按胡明善疏其事言乞留瓊以慰民心 上從之○詔議定

樂律時上釐正郊祀中允廖道南請稽古樂章以裨盛典 上曰考定

律呂必真知者乃可既而詔祭內府所藏金玉銅石鐘磬于神樂觀考

正音律仍令科道官各舉所知諧曉音律之人以聞于是給事中夏言

薦行太僕丞張鶚曉暢律呂 上命徵之鶚臨清人時在告里居乃應

詔至欲定元聲復古樂併進所著樂書二部一曰大成樂舞圖譜自琴

瑟以下諸樂逐一作譜一曰古雅心談以十二圖象十二律律圖各有

圖乃下禮部議覆 上曰音樂即為更定勿誤廟享之用○詔議括田

時御史郭弘化言天下土田國初總計八百四十九萬六千五百二十

三頃私治五年止四百二十二萬八千五十八頃不及國初之半乞勅

各處撫臣選任監司守令分詣搜括覈實以聞事下戶部尚書梁材言

此事重巨乞會群臣集議既而議請如弘化所言從之○詔逮繫兵部

主事趙時春下詔獄拷訊時春言邇者災異頻仍勅令群工各陳所見

乃因災求言之詔未乾而慶賀聖瑞之奏屢至蓋緣性年靈寶縣官以

河清受賞繼以都御史汪鋐遂進甘露今則副都御史徐培及訓導范

仲斌又進瑞麥指撞張楫又進嘉禾汪鋐徐培楊東等叨列憲臣宜激濁揚

稱賀夫仲斌之流委瑣不足責汪鋐徐培楊東等叨列憲臣宜激濁揚

清進忠補缺禮部尚書李時等官居八座職典三禮乃亦昧義要利罔

上要君乎此風漸長大非國家之福疏入 上詰責之時春引咎 上

怒趣令時春具陳因言當今之務最大者四曰崇治本信號令廣延納

勵廉耻最急者三曰惜人才固邊圉正治教 上責其條陳不明以賣

忠直下錦衣榜訊○敬一亭成初帝製敬一箴遂命建敬一亭於禁中

至是落成賜宴儒臣群臣為詩以獻○處州知府吳仲編通惠河志成

進呈命付史館採入會典仍令工部梓行○詔罷姚廣孝配享太廟時

祭酒廖道南上疏言姚廣孝不宜配享太廟禮部尚書李時會大學士

張璉桂萼議廣孝在太宗雖有帷幄之謀而崇扶顛當已償其勞今以

削髮披緇之徒配享太廟實所弗安乞移祀于大典隆寺從之給事中

高金因言陛下龍御之初凡法租法師國王佛子有害正道者悉從屏

逐近又革姚廣孝之配享乃今真人邵元節誤蒙殊恩以為聖治累顯

削去真人之號 上曰真人封號已久何以至今始言必有嗾之者其

訊之且令禮部議聞李時言撤配享以正祀典用元節以為祈禳事既

不同惟 上裁之 上深以為然金獄稍解○八月吏部尚書方獻夫

罷先是廣東人彭澤為吏部郎中以不檢見黜乃緣張璉得內降留用

未幾改左諭德士論駭之太常魏枝以疾乞歸方獻大以澤同榜檢選補澤太常卿又有冀方亦廣東人獻夫以為南太常而彭澤之故識辭以吏胥入官亦由澤州判官擢延平府通判人尤駭異獻夫又誤聞廣東僉事劉喬死遂以負外郎吳紳代喬後知其不死乃擢喬為副使而無其缺令寄俸以居浙江參政黃紳性悻直見思于地而副使免以十温州知府丁瓚皆瓚所善乃調瓚于陝而以平代瓚以瓚代以平各得俞旨相代去都給事中夏言劾獻夫媚悅政府畏視名器任意行私犯議有四而瓚擅易命吏文選郎中劉序又甘心詭隨宜併切責以防其微上命黃卿等俱以舊官任事彭澤係朕點用瓚獻夫安心辦事勿得辭避今後用人務合公論既而給事中孫應奎亦劾獻夫私其鄉人洗光及澤至是給事中薛甲上言四事曰廣茹納以來忠謹正習俗以明體統動訪問以盡人才養和平以凝天休中多阿媚語給事中饒

秀劾甲附大臣反嗜群僚其曰劉永昌武夫也豈可以劾冢宰張淵軍餘也豈可以議總督欽正習俗以明體統似矣然自永昌肆言以後無復有言官議大臣得失者獨夏言諫黃卿等之調補孫應奎議洗光等之擢用趙漢議臣等之不職而已未聞有及瓚獻夫者甲之所言明為二臣杜塞言路不忠為甚章下吏部獻夫知衆論不與乃上疏乞罷從之○詔諭刊布聖母章聖皇太后女訓及孝慈皇后傳文皇后內訓大學士張璠言皇上發下女訓一卷首貫以獻皇御製序次以聖母白序之文為目凡十有二宜刊布以示中外更乞親灑宸翰序之卷末以垂永久上從之既而復以孝慈皇后傳文皇后內訓欲同女訓頒布璠亦請御製後跋上曰朕惟時俗大不古矧况女子至為難教欲正其本當自宮中始凡當行事宜會議以聞禮部因奏言宮中事宜合令翰林院撰諸書閱女教者撰為詩必明白易曉內訓女訓宜撰成直解

證以高皇后傳內事實令女官記誦每月皇后率妃夫人詣學司誦講一次於坤寧宮進講二次仍令女官將二南之詩被之管絃以備宮中宴樂一切俗樂悉行斥去而大學士桂芳亦因女訓一書上推行之序行之宮中者三事曰胎教之儀諸母之擇子師之慎行之天下者三事曰女訓之學曉譬之教媒氏之正事下部議言宮中三事宜書御屏為宮闈先事之備其行之天下者宜令天下各崇陰教以教女官不許驟擊記誦淫詞簧鼓人心止將女訓等書勸誦風俗婚姻一遵祖訓嚴禁指腹結褵之弊○詔修寧夏墩堡邊牆時總制王瓊奏言寧夏一鎮接莊浪整葺為西北第一大事乞蚤為議處兵部尚書議覆寧夏一鎮前以黃河為據後枕賀蘭山之險自鎮遠關以至大沙溝皆有墩臺相接以斷北虜西行之路昔人所謂斷句奴右臂是也邇來廢棄遂地廢惠請發官軍十萬乘時修復庶西北之防可固詔如議行○少師大學士

楊一清卒一清為霍韜所擯里居忽忽不禁疽發背卒之前數日猶為甦自解言身被污蟻死不瞑目上聞而悼之後至十二年以恩詔例復官二十七年始贈太保謚文襄
謹按鄭端簡公曉曰公生而隱宮貌類寺人學博才雄善調停應變尤晚暢邊事羽檄旁午一夕十甄悉中機宜又好汲引人一時後達喜功名者爭趨其門
兵部尚書致仕伍文定卒文定孤忠自許遇事敢為而不能與時俯仰故功名甚著而以齟齬終其身為志士所惜云
謹按吳氏瑞登曰宸濠之平孫許勵其節王伍大其勳而中其機宜奮其忠勇則文定力也昔雷萬春而中六矢而不動文定火燎其鬚而不驚以故保全睢陽與勒鋤寧賊者曠世一例至于桃源等寇屢仗屢平安鳳等亂聞風即解彼芒部不靖勦之宜矣而戴金非之母

乃不知文定乎卒使罷兵乞休謂之何哉噫古來忠臣烈士不能俟
媿與忍苟身能為國建功志已畢矣若文定者又何憾乎

兵部尚書胡世寧卒世寧仁和風裁峻整優于經濟貞誠持重
羊之節持論侃侃多所建白以江西副使疏論宸濠成邊起為會御

更歷工刑兵三部尚書至其卒贈少保謚端敏○詔遣醫監王生負
紳于獄紳上七疏言朝政得失其一薦大學士翟鑒吏部侍郎董紀

部尚書李時都御史汪鏞及布政吳山大僕卿張原明兵馬胡綱馮錫
東道延謙太監賴義安宏呂憲張景昌尚賢乞加旌勞報聞即給

事中夏言引上言大臣德政律乞將紳鞠究奸欺宜之重典乃繫獄訊
之○詔董甘肅鎮督儲重臣甘肅備有巡撫又有督儲御史時巡撫

唐澤引疾乞休而寧夏巡撫方缺吏部欲以督儲趙菴攝之詔給事中
夏言上言甘肅孤懸河外不可一日缺人而災傷存見加以兩都御史

供億實繁寧夏相去二千餘里兵食調發動閱機宜無兼攝理宜以趙
載代澤草去督儲之任以節邊費而寧夏缺人速宜銓補 上皆從之

○冬十月以夏言為侍讀學士兼吏科都給事中時勅修祀儀成典乃
改言為學士預修纂仍兼原官在科辦事復充講官○令大臣子弟避

臺諫官者毋得改翰林時都御史胡璉子效才為御史乞恩避職 上
謂吏部曰避臺諫改翰林此近年陰者整政非祖宗法今後止與在京

職官著為令○詔正孔子祀典初大學士張璉修祀儀成典因言先聖
先師祀典俱當暴入而孔子祀典多有未安宜採今昔儒臣之議以洗

前代相沿之陋為百世可遵之典一謚號不當稱大成文宣王一章服
不當用袞冕塑像一簋豆樂舞不當用十二八份配享不當以顏曾子

思坐堂上子先父食一從祀不當以馬融賈逵王弼等預列而遺后蒼
王通韓愈 上命禮部集議時群臣多以去王號毀塑像為疑 上乃

自製正孔子祀典說頒示群臣以明王號之當去編修徐階疏辨非宜
上不擇出階為廷平推官御史蔡賈等亦許其非許誥謂賈等妄言

上僖職為民瑞復上孔子祀典或謂以解詳議舉議乃定于是改大
成至聖文宣王為至聖先師孔子其祀享四子仍稱復聖宗序述聖亞

聖從祀諸弟子稱先賢左丘明以下稱先儒魯公侯伯魯撤像設木
主祀之申振申黨二人存根去黨罷公伯察奉計顏何苟况戴聖劉向

賈逵馬融何休王肅王雱杜預十三人從祀林放蘧瑗鄭玄盧植鄭眾
服虔范甯祀于其鄉進后蒼王通胡瑗歐陽脩陸九淵從祀而別祀

聖公叔梁紇以顏無繇曾點孔哩孟孫氏配程明朱松榮元定從祀馬
○十一月己酉初有事于南郊先是命製園丘祀器金瑞王曾錦皋主

暨及鐘磬賈鼓諸樂器既成陳於文華殿召大學士張璉閱視是日冬
至上親祀天子園丘奉太祖西向配各驛犢一用璧三獻九奏樂舞

用八佾從祀大明夜明各驛牛一恒星五曜群星及雲雨風雷師各牛
一羊一豕一郊畢還御奉天殿行慶成禮布詔天下賜恩寬恤列欵皆

上所親定賞發群臣有差○詔立九嬪大學士張璉言古者天子后
立後宮三夫人九嬪二十七世婦八十一御妻以廣胤嗣今中宮正位

有年前星未耀宜慎選貴淑以克妃嬪 上從之乃勅禮部選立九嬪
○十二月賜大學士張璉御製蟬樂詩時值蠟節故有是賜○土魯番

入貢是歲滿速兒遣虎力奶翁隨天方諸使入貢方物復索牙木蘭不
與滿速兒欲俟奶翁還即要諸番冠肅州會奶翁道死瓦剌又攻其郵

不果來寇而來降人哈六刺言滿速兒欲以哈密城與拜失煙吞妻管
理兵部固請許其通貢着令三年或五年為期夷使雖多十二入京餘

留塞 上詔從之然哈密章為土魯番所據守臣歲歲備荒胡不暇無
復問關外事矣

謹按鄭端簡公晚曰秦中老人曰土魯番哈密動經畝我義未直
兵則何畏彼求方輒予則何恩况秦括貢獻不足以示信侵漁宴賜
不足以示廉而一時士習又皆重聲譽而畧宗核騰口說而察實事
不知中國之於夷仗固不可過撫以納侮亦不可深拒以勞其唯順
則撫故賞斯恩唯逆則拒故威斯畏况西域賈胡倚玉石以射利藉
黃虜以厚生苟馭之有倫又何患焉

上命賜侍讀學士夏言御製閒講詩先是言講中庸至聖至誠章致聖
于一故有是賜○大學士桂萼疾遣賜酒米蔬肉○始祀先聖先師
於文華殿東室初有釋像 上命撤去之乃祀先聖先師伏羲神農黃
帝堯舜禹湯文武九龍南向周公孔子二龍東西向是日 上自為祭
文行奉安神主禮并令輔臣張璠等及講官徐縉等入拜○大學士桂
萼進所著三才日曆志 上嘉納之留覽○易行先師孔子神位用木

奉安于文廟遣祭酒許誥行祭告禮○以大報禮成欽恤刑獄法司祭
遣發落釋放罪囚一千八百五十五人○詔行祀郊禘禮先是大學士
張璠言頃者生員李時颺監生張本各疏請舉祀郊禘之禮以祈聖嗣
夫古后稷之生祈於禘孔子之生亦禱於尼山乞禱之說古禮有之然
大雅既醉之詩曰公尸嘉告曰君子萬年永錫祚胤曰釐爾女士從以
孫子夫公尸之告皆祖考之錫福也皇上仁孝誠敬天地神明日鑒在
茲况祖考之親者乎臣願當茲慎選淑女之時以廣求嗣續之誠告於
太廟世廟以祈祖考之祐以慰聖母之心 上嘉其請令禮部擇日具
儀于是以是月二十四日行禮

皇明嘉隆間見紀卷之四

辛卯嘉靖十年

春正月丙戌朔 詔行三途並用法先是南郊禮成諭禮臣考祖宗朝
科舉歲貢薦舉並用事體廣求人材以備任使于是舉洪武十九年以
後弘治十一年以前故事令天下有司訪求懷才抱德經明行修為鄉
評所重伏在岩穴者撫按兩司嚴實送部量行擢用徇私濫舉者罰舉
入歲貢才德出眾屢行薦剡者一體擢用京堂方面 上因曰三途並
用祖宗良法近來專務科舉之學偏重進士之選以致人尚浮辭不修
實行黨國害民者在在有之今後三途並用必求得人以稱朕用賢澤
民之意○初行祈穀禮于大祀殿 上以孟春上辛于大祀殿祭皇天
上帝行祈穀禮用騂犢一蒼王一三獻九奏樂舞八佾奉太祖太宗配
享初夏言建議二郊奉太祖配祈穀奉太宗配張璠等以為不可留中

乙未

上責諸臣違君叛禮乃命祈穀以太祖太宗並配而

乙

不下言又疏請 上責諸臣違君叛禮乃命祈穀以太祖太宗並配而
二郊專奉太祖既而改祈穀於警誓曰○復行特享禮於太廟初太祖
立四親廟德懿熙仁同宮異廟各南向孟春特享於群廟三時合祭于
德祖廟序用昭穆後改建太廟同堂異室四孟歲除俱合祭罷特享禮
至英宗升祔九室已僭憲宗祔懿祖孝宗祔熙祖武宗祔仁祖
獨德祖不祔時享則太祖太宗以下俱東西向至是 上諭大學士張
璠曰朕欲自今春享奉太祖居中太宗而下各居一室行特享禮其孟
夏秋冬三享仍如今行時禘禮季冬中旬擇日太禘則以德祖居中合
懿祖以下同享於太廟親王功臣配食兩廡以存太祖當代之制歲暮
祭於奉先殿其世廟止行四孟禮歲暮亦祭于崇先殿庶祭義或明而
人情不至于壘勞可萬世行也他諸邪論不必惑之其即會李時議來
或咨夏言以助之以彼嘗言祀典耳璠等即如論議曰我高皇帝四時

享祭歷于德祖不得正南面之位文皇帝而下同堂而祭每東西相向不得受特享之禮親王功臣分為臣子坐于堂上而天子跪拜于下皆于禮不合于情未安茲必正南面之位以尊太祖孟春行特享之禮以尊列聖季冬舉大禘之禮以合祀祧廟之主移親王功臣配食于兩廡以別尊卑情順理安真可補舊制之未備垂萬年以常行矣 上乃命祠官設樂如九廟狀奉太祖南向群宗通遼就室各南向特享之于是始退德祖于祧殿不復預時享矣○命議禘祭大雩秋報諸禮時上既正太祖位向欲復古禘祭禮乃勅輔臣及禮官集議并問大雩秋報之禮禮部尚書李時以聖諭并御筆所畫禘祫時享三圖示侍讀學士夏言言乃撰禘議一篇以進言禮曰不王不禘禘者本以審諦祖之所自出也惟王者竭四海之有以奉神明力大足以備禮故祭可以及遠有虞氏夏后氏皆禘黃帝殷人周人禘帝嚳是也我祖宗之有天下固

以德祖為始祖百六十年来居中南向享太廟歲時之祭者德祖也今陛下定大禘之祭而統群廟之主者又德祖也然則主禘之祭又可尊德祖乎夫既身為太祖之始祖矣而又為始祖之所自出恐無是理也朱熹亦曰禘是始祖之廟推所自出之帝設虛位以祀之而以始祖配夫三代而下必欲如虞夏商周之禘黃帝帝嚳則既無所考若強求其人如李唐之祖聃又非孝子慈孫之所忍為也臣愚以為宜設先祖虛位而以太祖配享蓋太祖始有天下實始祖也議入 上深然之時中允廖道南獻議以為皇姓乃帝顓頊之後宜禘顓頊并下集議大學士張璁首言曰言虛位者求之于虛則失之無言顓頊者求之于遠則失之誣惟禘德祖為當兵部尚書李承勛等亦以為然言復抗疏言禘德祖之議可疑而未敢以為是者有四于是復下部議既而論禮部祀始祖所自出之帝於太廟奉皇祖配每辛丙年舉行神牌曰皇初祖帝神

位初 上諭欲于奉天殿行秋報禮於丹陛上行大雩禮夏言秋報宜于大祀殿奉太宗配大雩宜于郊兆之傍擇地為壇孟夏後嘗祭孟春上辛既行祈穀祈穀云者所以祈雨時若以大我稷黍也苟春夏兩賜以時則違官代宰否則射禱亦足稱陛下為民之心而于古人之禮為不失矣後秋報禮廢不舉○吏部侍郎董玘初御史胡明善劾玘摺歷年積李持顏陽臣及聞喪延緩滿終以圖起用 上命明善且陳其狀罷之永不叙復○二月頒賜甘露于廷臣先是顯陵甘露降安陸守臣奏上之 上乃出郊昭謝天貺于園丘祭告世廟頒賜廷臣仍製欽天記頌以示後世侍讀學士夏言撰寶露頌以獻令付史館○詔城四郊朝房時工部題稱方丘并朝日夕月壇添蓋朝房 上嫌其太多令各減去二十間夏言上言三郊地方惟北郊稍為僻曠四無居鄉東西二郊旁有寺觀民居可暫儲寓今北郊朝房宜遵欽定之數建

設左右稍如神樂觀之制東郊已成者免令復毀西郊全不必添廢工程易完而財用不致浪費 上從之○庚辰初行朝日禮于東郊是日春分于東郊行朝日禮大牢一用王禮三獻樂七奏舞八佾○大學士張璁請避嫌名賜名字敬璉上言臣生三月父命之名入仕十年尚未之改今容適君父名屬嫌疑請易之 上不許再疏以請乃賜名字敬字曰茂恭又書字敬茂恭四大字賜之○三月賜大學士張孚敬御書榮恩堂三字初獻皇帝書榮恩堂 上以賜璉且識其端曰皇考手澤仍賜篆刻字敬字銀印勅諭曰日前聞卿自為堂房名曰榮恩非所謂榮得君恩乎朕思皇考嘗手書此三字朕恭裝軸併銀印一枚以賜見吾君臣相慶之意○虜入大同塞巡撫王大用疏請貽書召小王子來歸兵部尚書李承勛以為不可乃止○行親耕禮禮部給事中王璣言耕藉實務有四一供築威二知稼穡艱難三慎惜財用四率公卿百官

皆重農以風示天下使知務本 上是之○建土穀祇先農壇于西苑
初部議壯朝親蠶不便至是召大學士張孚敬尚書李時時等議相地
建土穀壇乃併建先農壇于仁壽宮側而毀北郊蠶室采桑壇土穀
壇名曰帝社帝禋時駕幸西苑立石二巨題者相望二巨石上太波池
使中官操舟濟之入見于舊仁壽宮賜以酒饌珍餚出御製百卷視較
祇先農壇位賦手授孚敬曰朕偶有作卿等剛潤和之以高儉戒之意
孚敬請 上手書賜為世寶從之後數日併裝成帙名曰味和錄復論
卒故曰朕惟君臣之際固不可不嚴此在朝當慎看燕處則猶家入漢
文前席賈生迄今以為美談君臣不交治功不成卿于朕猶周公安成
王首以孝訓朕他特餘事耳昨見退遜太過輔導大臣與諸臣不同故
曰道之教訓傳之德義保其身體以後卿有入奏面來計慮俾朕性有
定方可廣接他人以別賢否朕又欲于今春奉兩宮春遊後與卿輩一

未之四

遊以仰遵聖祖丕訓亦以見幼孫之率由祖道當有宴樂預與卿言之
○冊立九嬪方氏鄭氏王氏閻氏常氏沈氏盧氏沈氏杜氏 上御殿
受賀○申軍職貼黃法○兵部尚書李承勳卒 上悼惜自為之返禮
部左侍郎嚴嵩祭之贈少保謚康惠承勳嘉魚人學有源委才無技柱
提兵南北曉暢軍事通達國體議論英發孜孜為國知無不為其稱上
意 賜禮部尚書李時銀圖書一枝文曰忠敬安慎 述大神殿于南
郊初南郊撤屋為壇祭之日奉上帝神牌圍丘上配以太祖祭之既祭
而神牌無所藏乃命建大神殿以藏之既而 上入齋存齋宮在圍丘
北是踞視圍丘也欲改建于丘之東南夏言上言更起齋宮于圍丘之
旁似于古人掃地之義未為允愜且秦漢以來並無齋室者正行齋
尊天不自崇樹以明謙恭肅敬之旨故惟大次之設為合古 上下前
日考據精審豈今偶未之思耶願寢其議仰答太靈報聞○詔定冬陵

山神號 上諭內閣因議進祖陵皇陵二山各朕思孝陵在鍾山亦
宜同體文皇既封黃土山為天壽山今又擬題為鍾山而獨鍾山
如故千理未安朕惟祖陵宜曰基運山皇陵宜曰邦聖山孝陵宜曰神
烈山並方澤從祀以基運翔聖天壽山之神位設於五嶽之前神烈純
德山之神位次於五鎮之序其示禮官知之○建太歲壇於神祇壇內
先是 上命禮官考古太歲壇制以聞禮部言太歲之神自唐宋以來
祀典不載唯元有大典作祭於太史院亦無常祭之典至我朝始有
定祀是以壇宇之制於古無稽按說文太歲木星也一歲行一次應十
二辰而一周天其為天神明夫亦宜設壇露祭但壇制無考宜照社稷
規制少為減小庶隘殺適宜而祀儀不惑報可○巡按直隸御史余勉
稟條陳江防二事一飭武備以靖江洋言留都所重莫過江防儀真而
下巡江軍快衛不滿四十人所不滿二十人加以月糧不給俯仰為累

未之四

乞勅兵部議處將鎮江衛原坐京操軍士量留以備江防及行沿江衛
分凡巡江軍快務足百名之上應得月糧務以時給使其平居則常川
操練有警則互相應援二設營伍以禦要害言瓜州遠在下流與京口
對峙東控海洋北接淮揚最為要害雖有儀真守險慈歷不及乞勅兵
部議處量於揚州衛調撥官軍募備瓜州常川守備儀真等處嚴整
相接以防不虞仍行被處守備衙門以便往來防守兵部覆議撥軍基
堡難以輕議條俱可行詔從之○命浙江採紫竹花斑竹製造方丘月
壇至黃○召鄭府良醫副真慎入御藥房署御醫事修合藥飾初愷上
保養天和方既象進用又恐大醫院備治不精疏乞禮部遣官督之
上嘉其忠詔罷遣官而專屬愷云○詔京衛武學生願應文舉者聽兵
部考送○庚子駕幸西苑祭帝社帝稷○建歷代帝王廟先是右中允
廖道南請改大慈恩寺與辟雍以行卷老之禮據黨濬官徐知證知譯

二神改設歷代帝王神位仍配以歷代名臣禮部議覆言今日子監地
祖宗以來臨幸之地恐不必更在梵宇新址重立併推都內高僧保
胡元濬制敗壞民俗相應毀棄靈濟二神當時已得罪名教因宜撤去
但所在窄隘恐不足以改設帝王靈廟宜擇地別建得旨黃胤沂等可
便毀之帝王廟工部其相地十日興工於是工部清致潘傑會官相擇
帝王廟地因言皇城門內保安寺故址舊為官地改置神武後衛而中
官陳林齋其餘為私宅地勢整潔且通西垣可瞻還而鼎新之奏入報
可至是脩建遣工部侍郎錢如京提督工程詔加太常寺丞張鵬樺
一級初鵬樺定帝社稷樂歌初下數日鵬樺音協律連夕教成上嘉其
勤陞俸一級詔太廟夏秋冬三禘兩廡配享如孟春儀者為例仍增
誠意伯劉基牌位次六王之下○夏四月朔時享太廟世廟○選授歷
事舉人孫勳為工科給事中阮徽為廣東道試御史先是吏部奏請揀

大之四

六

選舉貢監生在部需次者 上曰州縣有司係親民官職今以天下之
廣進士僅一二濟舉貢足其數爾等既知要在得人奈何踵情弊發身
進士者不必循良既得行取選用科道部屬舉人或間一預監生全無
何由自效往教詔相兼擢用竟不遵行今次揀選務秉公擇賢有賢能
立心為國者一體選科道部屬若為令下吏部行之○皇后行親蠶禮
于西苑先是禮部以皇后親蠶即行于內苑後其儀以請 上覽之曰
親耕無賀此安得賀第行叩頭禮教坊司女樂止筵宴用勿前導餘如
所擬仍命賜榼舞王氏等二十七人各布一疋○建繁營事王納言
詔獄納言奏太常少卿金贊仁寺水桑友蘭徐可成俱以黃冠異流濫
叨清秩若卿陳道瀛尤甚宜罷斥以杜僥倖 上以納言煩言奏擢下
錦衣衛軍餘李成葵母花紋鏡火洗延陵木事聞 上責巡視官令去

司奉究○甲子初行大禮于太廟○兵部火延燒工部公廠文卷
燬○禮部尚書李時條上省試事宜巡按御史不得收取遺書不得
與主試京官爭較禮儀不得徇私聘取經房官從之虞而巡按御史
史李估請經房閱得偶卷必發監臨察閱墨卷以為去取李時言若令
泰閣去取則失祖宗模名易書之法不可 上深以為然○復以武定
侯郭勳督京營兵先是夏言請勳重臣提督郊工大學士張孚敬遂力
薦勳 上從之乃復勳保傳官使督郊工至是復命總督團營領且
降矣○詔革將領奏帶軍功時給事中張潤身言各處將領奏帶人員
冒濫軍功甚眾非國家慎重賞之意宜行裁革以清戎行 上詔革
之○五月令南京戶部尚書遠貢致仕時右都御史江蘇奏劾督酒
鹽職月視事無三日妨政病民莫此為甚恐因而成風為害不淺 上
然之勅令貢致仕○詔革遠臨鎮守內臣時巡撫保定都御史林有孚

大之四

言裁判諸闕城堡險隘各有守備分守等官防禦已周復置鎮守內臣
誠為冗員乞將耿忠張輔等取還永不銓補部議從之○壬子初有事
于北郊是日夏至 上祀地于方澤用駢牛一黃琮一二獻九奏樂舞
八佾奉太祖西向配駢牛一從祀四壇五嶽及基運胡聖神烈山為一
五鎮及天壽純德山為一四海四瀆為二各太牢一○詔旌應天府尹
江皖及參究蘇州知府聶豹等先是令天下有司積穀備荒以多寡別
殿最應天巡撫毛思義言皖等所積溢于原數豹等不及限宜有甄別
上曰皖等體國為民宜加旌舉豹等各守饒郡反不及數其恭究以
聞仍通行天下撫按官查造送部以憑朝覲黜陟勿事姑息○召少保
燕太子太保吏部尚書翰林學士方獻夫為武英殿大學士○召少保
初獻夫罷歸尋遣行人蔡謨齎勅召還部駭及門獻夫潛入西樵山以
疾辭 上復遣官趣之曰朕將別用獻夫乃就道抵潞河既請容攝養

旬日 上知其意故有是命時廣東會事罷夫檢奉獻天里中侵奪民
山事獻夫抗辯大檢罷去○召起秦金為南京戶部尚書金至部即疏
陳便民六事一言浦口宜改設草場二言馬草宜召商上納三言水兌
宜砌磚固四言織染局絲宜于產絲地收買五言湖廣廣額辦棉花六言
湖州額解白綿俱宜徵折色 上從之○詔邊鎮行屯田法時陝西巡
按御史陳世輔言足食強兵莫善屯田本鎮沿邊一帶宜修堡寨徐議
耕種量其土宜設立大小屯堡百人以上為大屯屯長屯副五十人
以上為小屯止立屯長令其督責耕種立教場督屯丁習射其中給馬
匹輪養以備追賊之用仍限以三年責其成功 上詔准行○雷震于
門西角樓及西華門城樓西北角柱 上御製祝文行露告禮于殿陛
論群臣同加修省○詔吏部擢用福建副使謝汝儀初晉江巡檢張隆
為海賊劫孔甫之未獲會漳州民陳大湖等販粟至舟中有防盜器械

卷之六

為擢吏者所誣獄成淹禁死已六人而蕭田民彭仰亨等亦誣奸人命
汝儀庶得其實俱出之巡按虞守愚言汝儀慎重刑獄宜加起擢 上
嘉汝儀辦理冤獄詔吏部擢用仍令逮治妄誣人役及原問官之罪○
詔復誠意伯世爵以劉基配享太廟併詔求常遇春李文忠鄧愈湯和
後先是刑部主事李瑜因徹姚廣孝配享上言陛下明聖撤去廣孝萬
世瞻仰第臣知人劉基胡運有功不在廣孝下宜配享樂封與徐達並
上然之下部議吏部侍郎唐能等言高皇收攬群蒙創造洪基一時
佐命諸臣並軌宜異而贊畫帷幄奇謀恢復中原大計基實為多故在
軍有子房之稱剖封發孔明之喻基孫孫薦薦副爵鐵券金書誓以永世薦
卒遂獲圭裳委帶呀或謂胤緒孤孱弗克負荷或謂長陵嗣統遂至疎
嫌雖一辱塗泥傳聞多謬而盟書載府績効且存昔武王興滅天下歸
心成季無後何以勸善其宜配享太廟九世孫指揮瑜可嗣伯爵 上

從之以瑜為誠意伯因命吏部併求常李劉湯之後各盡其忠以副皇
祖報功之意○閏六月慧星出于東井○少保大學士致仕○
太傅謚文正還餘姚入學識純正有大臣風節弘治間與劉德等
同心輔政一時稱為賢相

謹按鄭端簡名臣記曰成化弘治間翰林辭聖最重者具文定公寬
及公二人皆進士第一人儀幹修偉文定温粹舍弘公明暢亮直文
定詩文尤有古意一時並負公輔之望丘文莊卒文定適憂去公入
內閣十餘年號能持正文定竟不得入洛陽為首相公數言文定洛
陽曰吾且去用之未晚他日又言又曰我且去用之未晚公曰吾豈
私原博耶顧渠科第先于年齒先于望實先于越次在此慚焉故言
之而公終不聽耶洛陽笑不卷

卷之六

洩水之川浚容水之湖殺上流之勢決下流之壑挑潮漲之沙立治田
之規又須專設督理之官如右通政何棟副使陳文沛昔治水吳中才
稱幹濟宜當擢任疏入報聞○詔諭太常卿彭澤成逸行人司正薛侃
削籍大學士張孚敬罷初吏部侍郎徐縉為國子生詹盛所訐彭澤欲
得縉位乃偽為縉手書且黃精白蠟遺孚敬以激怒之孚敬疑縉澤復
勸孚敬劾縉去之吏部果以澤名上 上心欲以缺屬夏言故不允澤
代澤遂思以陷言會薛侃欲選建儲或草疏云祖宗分封宗室留親王
一人司香名曰守城王乞查舊典擇賢而親者迎取入京澤侃同年也
過而見之乞携歸細閱將為一得助侃信而與之澤持以白孚敬曰此
侃疏乃言所草也將上矣孚敬愕然密以上聞澤給侃曰相君見疏草
惡歎忠愛可行侃尚猶豫未上孚敬復詰澤澤坐趨侃上之孚敬復密
疏出言盡 上大怒命逮繫侃是時 上御文華殿召孚敬問狀對如

密賊次召言以侃疏示之問可否言對曰陛下春秋鼎盛前星方耀侃議不可行上猶疑其詭對也命出待訊言出侃已械至薛臣會言未始知猶就列聽訊時刑部尚書許讚都御史汪鉉方被論杜門守敬趨令出學敬首詰侃曰孰使爾為此侃曰我自為之豈受人使耶學敬曰聞夏言至此胡不吐實侃曰言雖同年久不迥刺此疏彭澤白相若相君以為可而後上何復乃爾汪鉉從旁大言曰言實主之何得云無吾與爾矢諸神祠言不勝誣擊案大晉曰奸賊爾主此畫反陷忠良耶吾與爾面奏之學敬怒趨入左掖門言排撻隨之偕至文華殿閣者不納學敬不得已入閣且奏言亦就史館草疏俱上頃之命建言詔獄論勿拷掠侃訊迫但曰夏言實不預知見此草者惟歐陽德黃宗明及吾弟僑耳給事中孫應奎葉洪曹汴面斥學敬愾王疏劾之學敬乃奏逮德宗明僑應奎洪汴俱下獄同訊明日復鞠侃五毒備至侃曰必欲扳

卷之四

夏言當釋我繫矢諸天則可諸蒞訊者縮不敢言獨戶部尚書梁材大理丞周鳳鳴論言無罪是日獄仍未決又明日甲寅慧出東井上知言冤乃命司禮太監張佐出訊而令學敬坐閣中勿至訊所比會訊彭澤見學敬不至不敢復誣言侃對簿曰鍛煉羅織非聖朝美事萬死萬死唯侃為之耳聖上之明不免為太傅所誤薛侃之愚宜平為彭澤所賣也佐等以聞瞞時命釋言德宗明等明日上詔群臣至閣下聽諭曰薛侃猖狂之性發言不諱朕非暮年何忍言終無建儲之期妄生異議法當重論彭澤狡詐奸邪交閉口語致辭侃對簿有連宗室且使輔臣亟于攻擊情犯深重論邊衛充軍張子敬昧休休有容之量顯事忌嫉勒令致仕夏言既不預知何為擊案誣詬念為被陷所激特赦不問孫應奎葉洪曹汴職在糾彈迹涉回護念係言官亦從輕貸其餘一併釋之于是彭澤戍山西侃納贖為民

謹按夫氏大綸曰彭澤計儼美臚奸狡百出卒以自贖可謂愚矣永嘉遂以上聞何耶聖諭洋洋悉中情款即漢法吏猶當咤舌詔國子監建啟聖祠南郊并神祇二壇神舍工成武定侯郭守節加禮○鄭王遣使獻白鵲二時會四郊典禮告成禮部疏請表賀而自散禮○上喜而受之獻于太廟以彰天休禮部左侍郎夏言進瑞鶴頌上令付史館○陞安陸州為承天府附郭縣為鍾祥縣割荊門州當陽潛江二縣及沔陽州景陵縣附之○詔賜陝西總制王瓊金幣時瓊以甘露降于固原採取以獻因言陝西天旱民饑流徙者眾願以甘露降祥而感上天以旱乾為災而恤下民亟請賑恤以上應天眷上令戶部多方詳議因賜瓊等金幣○少保大學士桂萼卒贈太傅謚文襄萼安仁人與張學敬言大禮稱上意比末年二人亦遂相失至是有遺

卷之四

表謝恩上覽而悲之○無逸殿幽風亭成初上于西苑作無逸殿幽風亭至是落成上御幽風亭召大學士翟鑾禮部尚書李時右都御史汪鉉論曰茲當秋成之期與卿等同親收穫時曰皇上重農務本自足以風勵天下因命賜諸臣宴宴畢復御無逸殿之東室曰無逸殿之作雖以勸農而講學亦在其中經筵日講官仍各講七月詩無逸書各一篇既而命儒臣書無逸篇于無逸殿壁自為文記之○九月帝王廟工成時修撰姚淶請黜元世祖以正祀典部議夷而進于中國則中國之亦春秋與善之意宜遵舊制上從部議○進太子太保禮部尚書兼翰林學士李時太子太傅武英殿大學士泰預機務○以夏言為禮部尚書○虜寇陝西遼東○冬十月虜入大同塞四路殺掠吏民廷議遣將出京營兵禦之既而虜得利去遂止○詔建欽天迫先二閣上令鐫欽天記頌祖德詩二碑建閣覆之既而賜修撰倫以訓等恭

和祖德詩及欽天記頌以訓寺皆從經筵特命賜和。詔問天下歲貢生員額二年以充國學如弘治八年例府學歲二人州學二歲三人縣學歲一人順天應天等處三人仍飭提學官嚴加考選不得冒濫。茶酒許誥以生徒乏少請如嘉靖初元增貢故有是命。廣平府府州縣產嘉瓜並蒂者二瓜中更生枝蔓者一縣丞侯廷訓繪圖以聞。上奇之以示禮部禮部以為本支繁衍之兆。上乃親獻內殿賜廷訓衣一襲。賜故南京吏部尚書贈太子太保黃珣謚文恪珣卒於正德中歷事三朝有清謹名故追謚之。詔建寧壩於園丘之旁。上幸南城召輔臣李時翟奉高書汪鋳夏言至文華殿諭之曰朕初欲建壩壇於南城以此地方乃遊觀之處非祭天之所宜建於園丘旁乃合古礼于是時等相地以開命來奏興工。復置御馬草場於武清縣桃花口等處其湖渠馬房地仍召佃徵租。詔革南京各監局軍匠之冗濫者仍以

本之四

存留之數著為例禁所司不得朦朧勾補。錦衣衛指揮邵輔以皇上臨御十年前星未耀請禱禱天下名山大川。上優答之。禮部上郊廟案歲支給之數因言南郊耕田皇上躬執三推而公卿其宜其力較之西苑為重西苑雖屬農官督理而皇上時省耕歛較之藉田為勤則二倉之儲誠宜分屬無支以供郊廟祭祀請以耕田所出藏之南郊園廡神倉若園丘祈穀先農神祇壇長陵等陵歷代帝王及百神之祀皆取給焉西苑所出藏之恒裕倉若方澤朝日夕月太廟世廟太社稷帝社稷祿禘先蠶及先師孔子之祀皆取給焉庶得皇上敬天地神明至意。上從之。詔免行刑刑部奏上重囚當決者。上曰各犯雖已情真其中不免有可矜疑者况大札在通暫免行刑拘禁如故是日釋死罪者九人皆發戍。改兵部尚書王時中為刑部尚書。命九嬪父方銳沈欽鄭准盧永昌王雄闕紀沈九鼎輩聚杜林俱錦衣衛正千戶蕭

俸。○以蝗免淮楊田糧。○詔罷改遷顯陵之議時光祿寺廚役王福錦衣衛千戶陳昇請遷改顯陵迎奠天壽山以全大孝而終事監生詹崇溫州武舉生杜承美為民兵馬周密湖廣生詹肅時用致仕詹事海河相踵具奏事下部議覆言此奏與昔年隨全錢子勳之說相同尚書席書已備論于前大學士李時又極論於後况先皇帝衣冠之藏歷歲已久顯陵之役建造經年封其山為純德名其府為承天表章不顯事體已定而一旦議遷老成長慮者多為駭愕乞重降嚴旨禁絕細人無得妄議因陵重事傷國大體。上從部議勅再奏揆決不輕宥。○詔冊靈川王胤移為藩王初藩莊王嫡妃趙氏無出惟有庶子七位恭王保庶第一支傳至胤愷故絕以倫序推之例應庶第二支承襲王妃鄭氏及合府陵川等王左長史韓宗孔等同奏推靈川王胤移攝理府事而吳江王勛清宜山王詮請爭立。上切責之封胤移嗣王。○詔貴州凱里

本之四

三

安撫司暫免貢馬初貴州諸安撫司每遇朝覲之年進馬四匹變賣白銀四十兩貯庫時凱里楊張初授安撫恐起派貢賦騷擾新民欲比例施南乞求蠲免巡撫都御史劉士元以聞部議凱里為新造之域凱苗皆新附之民止令照例進表免其進貢馬匹姑待五七年之後生意漸復事體漸安然後與各土官衙門一體進貢。上從部議。○十一月詔立盱眙雙貞祠時盱眙何雄有二女長年十七次年十二歲饑餓欲鬻二女為娼二女泣不從以死自誓雄強之乃潛出以帛繫手俱投水死事聞詔立祠賜額雙貞。○遣行人周文燭齋勅召大學士張孚敬。○以王憲為兵部尚書王瓊為吏部尚書先是。上幸西苑仁壽宮召翟鑾李時汪鋳夏言等入見。上曰陝西饑荒已遣戶部侍郎葉相賑濟今相病宜何所處又問吏部侍郎唐龍如何眾皆稱其才遂用龍。上復召諸臣言曰吏部事重龍去一侍郎豈能勝任卿等可從公推舉朕欲

用王時中為刑部王憲為兵部王瓊為吏部就令龍代瓊總制學等對
曰聖見允當今龍亟赴任故有是命○詔逮治御史喻希禮石金希禮
以皇上祈嗣瑞雪遂降而議禮議獄得罪諸臣僅蒙原宥則和氣熏蒸
前星並耀金亦乞重頒恤典 上以加罪諸臣致延遲嗣命所司看問
夏言救之復令嚴刑鞠治併言等具以狀對、詔復感貢士舊法先是
巡按直隸御史胡明善申明學政議處歲貢張孚敬議行選貢法將樂
學通考廢膳無人准貢增附定擬一等二等三等之設考居四等廢行
黜退以寓沙汰之意至是都御史史道請復舊法禮部尚書夏言復言
祖宗令甲歲貢必食糧年深者近欲痛加沙汰大非舊意乞遵舊制正
副各一人選考不必增四五人以滋奔競 上從所議且令頒示天下
不得紛更奏擾御史楊宜亦言遇者沙汰生員之令一下而奉行者過
刻少者以文辭見黜長者以齒貌不容沮父兄教子弟之念驅衣冠為

田野之傭且史冊所載有增廣生員增制學舍者有沙汰天下僧尼者

未聞有沙汰生員之名也乞明詔所司加意作養毋以黜退為功部議

楊宜所奏公平正大誠為確論 上從之

嘉靖十一年

春正月庚戌朔詔兩朝儀時羽林指揮劉永昌奏稱東西長安門外新
築御路乃郊祀經行之道而車馬備行恬無悚懼入朝私謁之禁多不
遵守既下部議覆言正陽門外正路乃係祖宗以來御輦經行原無禁
例而長安東西大街恐未可擬名御路若一緊禁止行人事屬未便惟
遇大祀出郊有司除道先禁旬日駕回照常行走至于朝衣公服乘笏
鳴珮乃見君之禮不當輒相私損合申明禁 上詔從之○詔大同諸
邊各立義塚時巡按直隸御史徐汝奎上言大同地方邊賊入境陝西
延綏諸處重被災傷軍民苦多死亡請立義塚埋尸骨仍乞遺祀部議

言先王昭澤及枯骨之仁聖人垂掩怒埋醜之令是以征西陣亡之士
藝祖以之興悲商青州流斃之民守臣為之立塚宜從汝圭請 上令
依擬行○星隕于衛○青州地震○命武定侯郭勛代行祈穀禮○詔
逮繫南京御史馬敷等詣京考訊酌數等同官十人連章劾吏部尚書
王瓊 上怒命悉逮來京給事中魏良弼論救 上以其懷怨庶黨並
下鎮撫司獄具俱論贖還職○戶部尚書李瓚卒○南京戶部尚書鄧
璋卒贈太子太保璋涿州人為逆瑾構下獄後瑾誅起撫河南計勦流
賊總制陝西擊敗套虜經畧哈密土魯番納款前後以功屢受勅獎○
二月會試天下貢士命少詹事張潮侍讀學士郭維藩為考試官取林
春等三百二十人先是禮部尚書夏言當知貢舉條上三事曰變文體
以正士習責主司以定程式簡考官以重文衡 上曰文選有關國選
所保不細近來士子經義詭異艱深大壞文體誠為害治宜明禁論務

醉正典雅明白通暢如仍前鈞棘奇僻痛加黜落甚則主考具奏處治

餘依擬行○南京禮部尚書江瀚卒謚文昭○進張孚敬華蓋殿大學

士泰預機務○上幸南內觀欽天追先二閣過世廟有感作詩賜夏言

言恭和以進○虜入榆林憲掠陝西內郡○命望祀祈嗣先是大學士

李時上言皇嗣天子之儲貳宗廟社稷萬民之所倚屬在今日所最重

而至急者乞于新春之首親製祝文分遣廷臣禱祀徽鎮 上曰卿奏

忠懇不當已者但遣使遠出未免擾吾百姓但命道士齋捧香帛令彼

處官員行禮而建地祇壇卿等往詣祈告禮部尚書夏言因言虞書望

秩于山川周禮男巫掌望祀望衍說者謂衍進也山川在遠不能一一

就祭故延進其神遙望而秩祭之也聖諭誠與古合但輔臣之請止於

徽鎮而海濱山川宜一體致祀 上依擬行○三月彗星復見○賜尚

書王瓊王憲等合春堂詩傳訓三篇御書御製祖德詩敬一歲欽天記

頌及內府書籍。清軍御史鄭澹疏陳二事言使句解以實軍伍。制卷以蘇民困謂允軍人犯例該極邊者如無定條餘無偷終身永遠。就量本省遠近編補若有賣放通逃者一年之內捕押十名以上領撫六名以上百戶四名以上依例奏奉問罪級普劾卷御史多者不過年餘。清軍御史必限三年又無近自後劾卷御史不必專等但遇清軍之年選委御史清理事竣就將應劾文卷照例一周先行奏繳其清軍數目俟還京日奏繳未完卷簿如無清軍御史交代即交所在巡按帶管都察院覆議從之。詔奪南京中府都督同知楊龍休三月以慶乘肩輿為御史喬英所劾也。賜太子太傅豐城侯李受祭葬諡武襄。湖廣黃岡縣民徐大誥一產三畝斬水縣產嘉禾二十餘莖多者至一穗九岐都御史凌相以聞詔賜相鈔幣。詔罷河道都御史李維剛操江都御史張璠籍為民給事中徐俊民言國家根本莫重留都南北咽喉莫急運道惟茲鉅任貴在得人竊見李維剛政不修一籌莫展張璠任性乖方妄作威福即指揮等官斃于杖下者幾十人以故小民不安相聚為盜沿江剽掠殆將百艘乞更置二人以靖地方得旨維剛職令開任璠浩刑肆雷特黜為民。擢山東右布政邊憲為應天府尹。初賜南京禮部尚書江瀾謚文熙從其子應天府尹曉陳情也。詔以通惠河脚價銀五千兩修築天津迤北一帶孩兒渡黑龍口桃花口等處決口。命都察院出榜禁約金山王泉七岡江山石山堯山香峪山係諸陵龍脈所毋得造墳建寺伐石燒灰。○召起服閣副都御史潘珍提督操江擢大理少卿戴時宗為會都御史總理河道。命工部增造佛郎機銃頒十二圍營演習。○奉聖夫人劉氏卒特詔以侯伯夫人禮治葬事仍加祭四壇給墳地一區附墳山五頃夫人上乳媪也。○以早荒詔京衛弁順天所屬官軍月糧預支一月仍發京通二倉米委官

監糶以平穀價。廷試賜林大欽孔天胤高節等進士及第出身有差。○詔議改建宗廟先是上御文華殿東室召輔臣李時崔蒙體官夏言議復古七廟制其太廟及寢殿祧廟宜存弗撤惟量地分建群廟未決諸大臣退會中允廖道南疏請建九廟因獻所撰大神殿禮成感雷賦一篇園丘載祀慶成詩九章併錄上御札寵及其名者三條。上得疏喜下廷議夏言上議古者廟制唐虞五廟夏后因之殷周皆七廟而祭法王制與劉歆宗說又各不同宋儒朱熹古今廟制引王制天子七廟外為都宮內叙昭穆明帝遵儉自抑遺命勿別為廟遂有同堂異室之制嗣後歷魏晉隋唐宋皆然我太祖初別立四親廟廟皆南向似近古禮後改建太廟又用明帝之制皇上憲天稽古大釐祀典獨于廟制不能無疑形諸翰札宣諸召問者屢矣但今太廟南近官場東通世廟西阻前朝地勢有限垣外隙地不盈數十丈若依古制列六廟即盡闕其地猶不能容欲稍戒規制則太廟巍然而群廟湫隘于義未安議者欲就太廟兩廡即分群廟而有廟無寢神將安棲諸王功臣置之何所若謂周制儉約宜遷就為之而周制已大于今制度且太宗之下凡有七聖時如古制為三昭三穆而止立六廟乎抑如商周以太宗為百世不遷之宗而加立七廟乎即使廟成而皇上冠冕珮玉循近曲之途適歷群廟日亦不足或謂群廟可攝則終無對越之時立濬謂間日一廟則是十四日而後適也故東都以米同堂異室未可盡非。上曰朕于天地百神皆正祀典太廟之禮乃不復古乎昭穆廟次即度地以開言惶懼從命乃撤故廡改建太廟居中昭穆各三左右列太宗廟在六廟之上各營寢殿為特祀云。夏四月金星晝見。○詔旌襄陵王王五世同居韓王疏請乞比齊民褒旌乃命撰勅遣官旌表其門。○詔封常玄振懷遠侯李性臨淮侯鄧維坤定遠侯湯紹宗靈璧侯史部尚書王

505

瓊上言常遇春李文忠御命湯和子孫特命襲封僅與侯爵蓋常李流
徙禁錮湯御窺襲百年一旦爵遠裔以上公恐難負荷此慎重爵賞之
良法也第四人封侯例有爵號 上乃命為懷遠等侯仍給以勅階誥
券食祿如初封○西海夷人卜兒孩乞入貢初達虜卜兒孩乃小王子
部落先年因小十王攝其女子戮其黨眾構兵難殺力不能支乃遠窟
西海蟠據有年搶掠甘肅地方殘破沿邊屬番又為中國用賊害近欲
納款入貢托帖木哥等屬番乞請甘肅巡撫趙載疏上其事部議西海
虜寇竊據我土原非祖宗以來入貢之國甘肅地方遠通西域原非止
虜入貢之路况虜情叵測未敢擅許 上報有旨○今定東西郊神祇
壇親祀之期初祈穀之禮 上因違和遣官代行至是將祀北郊禮部
尚書夏言請暫遣大臣代行因言陛下啟建郊壇禮成之初俱以躬行
祀事竊惟陛下天母地宜躬祀典朝日夕月即遣官行亦不為越禮

上是之因命朝日壇間歲一親祀以甲丙戊庚壬年夕月并神祇壇
三歲一親祭以丑辰未戌年著為令典○五月兵部左侍郎潘希曾卒
贈兵部尚書希曾金華人始為給事中忤逆瑾廷杖削籍瑾誅復職後
提督南贛屢殄巨寇居太常凡六年貳卿且三年不以留滯介意有大
臣之風○六月禁守令官濫編賦役戶部尚書許讚上言郡邑令長多
濫編征繇為自潤計乞敕撫按嚴禁使各量地繁省為賦役盈縮勿得
橫肆剋剝大貽民害 上勅行撫按嚴禁之既而提督南贛都御史陶
諧奏言南贛徭役比各處煩重河夫棧兵打手富戶力士等項名色為
多乃編審里甲之時復有曠丁銀兩及供億諸費甚為不經乞通行天
下罷免各項名色與民休息仍令有司均徭平賦審編之時毋得妄有
誅求其法外作奸者論如法 上詔行之○御史徐汝圭疏陳諸邊兵
食言延緩宜漕石州保德之粟自黃河而上楚粟由鄖雲沔粟由漢中

以達于陝宜大宜二麥將登多方糴置及轉糴山西山東河南三處則
西運易州南運鄆城北運居庸以為款荆倒馬白羊等口之備皆需
商賈車給食于官兵則西路萬全右衛懷安衛與天城陟和相道宜
補于此以為臨期之援東路永寧等處則護衛宜府以為調遣之援
直隸八府責令召募勇敢設法練習以為邊圍遠近之援榆林山陝
兵各于本處分頭遇制如此則糧有餘備兵有餘力一旦有警從容
發不至如曩時煩擾報可○秋七月太子太保吏部尚書王瓊卒贈少
保諡恭襄○詔大學士方獻夫掌吏部事○重校刊二十一史成先是
南京國子監祭酒張邦奇等請校刻史書欲差官購索民間古板部議
恐滋煩擾 上命將監十七史舊板校對修補仍取廣東宋史板付監
遵金二史原無板者購求善本翻刻以成全史至是刊成祭酒林文俊
等表進○禮部尚書夏言疏議通政司鴻臚寺職掌仍請免朝日期不

當輒免面見官員先是 上體違和數不視朝鴻臚卿王道中因請領
繳勅書及辭見人員暫受事左順門後因循遂為定制而在外官員不
明鴻臚寺與通政司職掌徑將實封本冊赴寺投遞寺亦與封進相承
日久亦因以為例通政使陳經等因請明職掌以正體統言乃謀曰我
朝分建百司以釐庶務而于童叟之後逆案牒之往來又設通政司以
總之紀其時日而考其出入名為喉舌之司以防壅隔之弊至于鴻臚
寺之職止于整肅朝儀傳宣制命引領進奏人員非如通政司之實封
可以開折公文必須編號其職掌之詳載在會典條目甚明各宜遵守
皇上屬精圖治視朝臨政鮮有暇日其面見血辭及頒發命勅人員雖
過暫時免朝仍候視朝時奏見庶中外臣工皆知尊君之禮而於祖宗
立法防範壅隔之意益嚴 上如議行著為令○八月以復出泉井
大學士張亨敬罷時彗星三見 上諭免賀萬壽節禮官請俯狗與情

照常舉行俟禮成後行令各司痛加修省先是給事中魏良弼巡京官
薦材官十五八部嚴非會奪俸三月乃因言見引占書上言彗星晨見
東方是君臣爭明彗字入井彗臣在側張子敬勳弄威權驕恣專橫妖
星示異實惟所召乞亟罷免以消天變子敬因自劾乞歸遂獲事謂
良弼以宿郟故搆之上怒杖良弼于闕庭死而復蘇乃削籍既而給
事中秦鰲劾子敬強辯飾奸媚嫉愈甚不去子敬天意終不可回上
覽奏曰秦鰲之言實出忠讜令子敬自陳狀准致仕去○河決魚其河
道都御史戴時宗欲棄魚臺為受水之渠因而道之使入昭陽湖過新
開河出留城全溝境山等處乃易為力詔廷臣會議○詔奪兩廣總兵
官成寧侯仇鸞等祿初兩廣盜賊蜂起辛卯一歲中奏至九十七群虜
林花聚眾千餘擾陽春西山攻陷高州府及茂名縣掠其帑藏而去總
督都御史林富嚙不能制奪俸勤賊黎文貴劫薛林州許折桂劫海濱

御史徐錦吳麟先後奏聞久未擒滅至是鸞奏言盜息民安給事中張
澗身劾鸞欺罔及備倭總兵江寶副總兵張經參將俱縉均屬贖職乞
賜罷黜兵部僅議奪祿上從之○九月以汪鋐為吏部尚書給事中
葉洪劾鋐奸暴不堪銓宰上怒其狂妄奪俸一月○戶部尚書邊貢
卒貢歷城人工於詩與北地李夢陽信陽何景明力追古作一變至雅
然耽于詩酒憲臣劾其居官不事事而海內文士爭向慕之○上幸西
苑御迎翠殿召夏言賜問作面諭大宗伯言舉所知以倫翰林之選詩
一首及秋日書懷詩一首書龍箋賜之仍命廣和○改文選司即中王
道為左春坊左諭德先是大學士方獻夫薦王道張珩可大用上命
吏部量于翰林春坊官故有是擢○召見大學士李時于文華西室諭
以星變修省之意時條上三事曰務安靜請群僚遵奉舊章勿為高
論曰惜人才請勅吏部罪非贓濫稍加甄別曰慎刑獄請勅法司無事

深刻鍛鍊羅織上從之初侍讀學士吳惠郭維藩進講惠言省無益
之費罷得已之役維藩言去操切更張之弊務敦厚博大之體上諭
李時問之令條列以聞二臣言皆有指切上亦不之罪也○詔復
選庶吉士時大學士方獻夫奏稱翰林春坊員缺欲令吏部訪補而李
時亦請部院各薦僚屬禮部尚書夏言因言近年以來以翰林而改他
官以他官而改翰林出者不厭其多而且一往不復入者每病其少而
又且以不稱斥去甚至以一甲例當銓授者亦復出之又有不時考察
之法以盡出之蓄養未聞摧折太過而庶吉士之選遂捨而不舉者今
兩科矣翰苑乏人患正坐此宜煩聖慮求之薦舉也若為國遠圖求賢
良法則莫若仍遵文皇帝成憲復庶吉士之選而已今年進士未選授
者尚不下二百人乞勅考選仍著為令庶材館可充而將來輔相之賢
將有人以副皇上之望矣上嘉而行之○冬十月金星晝見○詔逮
繫編修楊名于錦衣獄謫戍邊初名上言陳愚見以裨修省謂上喜
怒失中黜陟未當宜奮力自省上曰覽奏見納忠至意第云奮力自
省朕愚不能如曰喜怒失中黜陟未當可明言之名遂上疏言吏部尚
書汪鋐小人之尤武定侯郭勛奸回之性而陛下用之是聖心偏于喜
也連言之臣終于廢棄是聖心偏于怒也工作屢興所至騷然民無寧
日禱祀累舉輒信元節不惜靡費上大怒收繫拷訊鋐具疏謂名四
川人與楊廷和同里思為報復請究邪言以彰國法邵元節亦具辨
上皆溫旨慰留名被訊不勝楚毒乃誣服程文德同擬疏草兵部侍郎
黃宗明疏救名言已經兩訊死而復蘇冬月嚴寒萬一斃于囚囚恐為
仁明之累上大怒曰楊名罪惡死有餘辜即死之未傷吾仁明之治
方究主使宗明殆是乎因並訊之既而刑部尚書具獄上上曰楊名
指斥朝廷誣害忠良准令戍邊程文德私相朋比論邊方雜職黃宗明

狂率論救調補外任○吏部尚書廖紀卒紀東光人端亮方朴卒諸僖
靖○詔逮繫南京御史馮恩請京初以星變勅革諫各條得失思遂上
言舉時政之得失以吏張不若舉臣工之邪正以進退遂悉發張子敏
方獻夫汪鋐罪惡且謂爭敬之奸又盡汪憲方獻夫之奸不測陛下去
乎敬而不去此二人天下事未可知也臣謂張乎敬根本之善汪錄版
心之善方獻夫門庭之善三善不去廢政不平歸欲召和不可得也又
謂大學士李時為太平宰相翟鑾為伴食中書戶部尚書許讚為守成
尚書禮部尚書夏言為救時宰相兵部尚書王憲為通達刑部尚書王
時中為具臣工部尚書趙璜為廉介吏部侍郎周用為敏練許誥為迂
邪禮部侍郎湛若水為無用道學顧鼎臣為不局偏長兵部侍郎錢如
京為安靜黃宗明為通儒刑部侍郎聞淵為博大朱廷吉為篤實工部
侍郎黎衷為滑稽林廷楫為通敏又謂乎敬獻夫鋐適子也臣孽子也

焉有適子悖逆父母孽子猶持敬兄之理者乎乞斬三奸以正下孝父
之罪然後斬臣以謝不敬兄之罪以一早賤博去三穢以清仕路新政
治亦除舊布新之應也 上怒命官校收繫來京下錦衣鞠問○額即
亂夷人乞貢時額即仇寄住番王裕辛遣火者皮列等言原係撒馬兒
罕人分居北山額即仇願獻方物入貢○撫甘肅趙載因總制陝西三
邊唐龍以聞 上命暫許入貢後附撤馬兒罕進貢不許別稱王爵有
違國典○詔收錄黜革生員時江西提學副使張時徹承望風旨沙汰
生員校士垂方都給事中李鳳乘上言溧塞化源沮喪士氣乞將被黜
士子仍舊收錄禮部覆議從之仍禁天下提學官毋事苛刻以傷風教
○詔專祀唐狄仁傑宋寇準劉安世十大名府時巡按直隸御史施山
言大名府古有名宦狄仁傑寇準劉安世祠宇書院二宮一賢功
德顯著乞崇專祀從之令收入祀典有司致祭○詔入歲暫免行刑○

御史鮑象賢請分後班軍時以興工多役班軍象賢請分為三二以
操一以赴役兵部用通政使陳經議請分為二半歸於營半放回原籍
休息收其糧在夫應用從之已而京營復言放回班軍非制詔行明年
一年○詔順天府發銀二百七十兩于五城市故衣給流民無衣者
○禮部尚書夏言疏乞除其家府軍左衛軍籍許之以見應復軍丁為
疾京衛及江西俱無次丁故也○詔黜提督北直隸學校御史胡明善
為民時明善以擅取禁墻大石立碑為內官咎文鑑所許下獄令法司
擬罪明善上書訴辯 上怒奪刑部尚書王時中等俸半年諭郎中諸
徠邊方雜職責法司連獄其獄黜明善為民已而補傑廣東高明縣典
史○以水災免順天府二十七州縣通州神武等六十衛租糧有差○
十一月廣東海寇亂勦平之特海寇陳邦瑞許折挂等突入波羅廟欲
犯會城為指揮李整等兵船所感邦瑞投水死俘斬賊徒甚衆于時在

募閩兵船隻及新造大船既集折挂等懼乞就招撫三司官議從其請
以脅虜男婦千餘人給銀散遣寧家折挂等安插東莞縣編充總甲約
束其黨五百人為新民聽海道調督防捕都御史陶諧以聞並上文武
諸臣功罪兵部覆言折挂既稱傾心向化惟應待以不死令編充總甲
統率原眾若彼來陳作孽未免移患地方宜行鎮巡官再加審處解醜
散類消弭禍萌不可亟求近功遠慮侯議處既定保無後難然後
分別功級頒行賞典後竟罷賞○以水災免應天府高淳溧陽江浦寧
國府宣城四縣存留稅糧有差○詔許復南京神帛堂匠役先是科道
奉例查革南京司禮監神帛堂匠役黃謙等三百餘名適分建郊祀詔
添造制帛等項該監太監李緒遂以工多人少為辭復請留匠凡三上
上以制帛禮神重典特許之○詔自今飲賞羊酒俱於光祿寺取辦勿
以煩民以舊皆取辦於宛大二縣故也○詔修理孝陵○工部尚書趙

璜卒謚莊靖璜安福人有幹局以才見稱而孜孜奉公士論許之○詔遷置慶厓人台浚於陝西省城封其子萬楨為世子管理府事巡撫寧夏副都御史楊志學及巡按陝西御史毛鳳韶等題稱慶厓人台浚因謀不軌既革王爵復怙終不悛殘虐冢子寧夏為極邊要鎮而諸王構忿妄生事端驚疑人心宜為遷發用絕厲階且其長子萬楨年以長成倫序當及乞將冊封以理府事部議從之仍勅萬楨恪守禮法用蓋父愆既而慶懷王妃王氏及萬楨乞免遷發不許○四川撫臣宋滄獲白免於梁山縣蟠龍嶺遣使馳貢言王者應事疾思加耆老則白免見汪錄夏言林文俊等各獻詩頌 上優答之宣付史館○清靜殿翠芳亭錦芬亭寶月亭工成○復除羅洪先為編修○哈密衛都督訛吉亭等請貢期部議令五年一貢吏使無過三十人從之○朵顏三衛夷人寇邊先是巡撫都御史王大用欲通朵顏與厚賂城其露靈山不果是時

酋阿堆哈利赤教入建昌喜峯太平諸寨殺掠人畜華蘭台又乞陞官兵部言大用喜事請以毛伯温代之禮部尚書夏言上言大寧朵顏福餘三衛祖宗建立為中國藩籬自來效順比諸夷不同今累犯邊宜追究首惡以彰中國之威查覈邊臣失守之故 上從之○十二月侯官縣獄囚反獄獄囚盧堅等十有九人劫獄殺布政使查約奏議楊鶴都指揮王朝知縣黎文會經歷周煥劫出獄囚奪門亡去事聞命天下重囚俱禁按察司獄勿寄郡縣既而撫按請褫錄查約等部議不可○兵部尚書陶琰卒謚恭介琰質諒醇謹直道而行言不詭激事不避難一時稱為名德○虜道松潘漳腦寇四川西境○西域七十五王入貢時西域貢稱王者七十五人貢使至二百九十八人禮官夏言請國稱一人王內閣言先年入貢稱王亦有三四十人答勅並稱王今盡裁奪恐夷情觖望言復言西域諸國稱王者唯土魯番天方撒馬兒罕三國如日

落諸國名甚多朝貢絕少且與土魯番諸國不相統若額魯王號人與一勅恐非所以尊中國而嚴外夷也自後各執賜勅任意往來驛傳勞煩宴賜頻數竭我財力以役遠夷計亦左矣 上從言言當是時土魯番強殘破我嘉峪關外七衛及城郭諸國地大人眾非復永樂間陳驗封奉使時矣

謹按鄭端簡四夷考曰土魯番一名土爾番在火州西百里古交河縣安樂城也城方一里地平四面皆山氣侯多煖少雨雪土宜麻麥有瓜果牛羊之利人皆屋居信佛法多僧寺城西二十里有崖兒城僅二里居民百餘家相傳故交河縣治又云古車師國永樂十二年行在驗封貢外即陳誠使至其國誠言城西北百里有靈山最大夷人言此十萬羅漢涅槃處也近山有高臺臺傍有僧寺寺下皆石泉林木從此入山二十里至一峽峽南有小土屋屋南登山坡坡有

石屋屋中小佛像五前有池池東有山山石青黑遠望紛如毛髮夷人言此十萬羅漢洗頭削髮處也循峽東南行六七里登高崖崖下小山巒巒峰巒秀麗羅列成行峰下白石成堆似玉輕脆不可捏堆中有若人骨狀者甚堅如石文縷明析顏色光潤夷人言此十萬羅漢靈骨也又東下石崖崖上石笋如人手足稍南至山坡坡石瑩瑩如玉夷人言此辟支佛涅槃處也周行群山約二十餘里悉五色沙石光燭灼人四面峻壁窮崖天巧奇絕草木不生鳥獸鮮少云遣給事中陳侃行人高澄往封琉球中山王時中山王尚真卒子尚清請嗣乃遣侃澄以太牢祀真封清嗣王賜王妃冠服錦幣侃言弘治正德時修撰羅倫嘗使安南安南乞留詔勅為鎮國之寶倫為請得留即琉球請留如安南海外遠不得即請乞下禮官議議請如安南侃等至國授封王拜曰天朝詔勅藏金匱者八葉于茲請留之侃等許之比還

遺其王親寧吉長史蔡焄上表謝侃乃上使琉球錄言大明一統志中載琉球有落漆王居壁下聚欄樓非實事杜氏通典集事淵海蟻虫錄星槎覽勝所述亦傳者之妄乞下史館從之○歲暮行大裕禮于太廟

嘉靖十二年

春正月甲辰朔輝輝府星隕如斗聲若雷鳴○河南撫臣吳山獲白鹿於靈寶縣以獻禮部尚書夏言請告獻太廟世廟因撰白鹿賦以進國子祭酒林文俊亦表進瑞鹿賦○召大學士張孚敬先是孚敬以災免至是遣鴻臚少卿陳璋召還進少師仍參贊機務○青州地震聲吼如雷○逮至御史馮恩論斬時汪鏊見收繫恩遂上疏諫恩不法事謂恩以閩江行部迂道還家路受蘇常二全豚又謂恩舟行遇劫避匿江干隱不敢發又謂恩擅朴武弁縱容胥吏為奸且摘恩疏中舉季時夏言語當上言大臣德政律斬併下刑部恩復于道中疏辯不報既而逮至

京下詔徵榜掠無完膚乃詔法司擬罪刑部尚書王時中言恩毀譽相參似非專領大臣宜減死充戍 上怒時中遂革其職恩竟論斬長繫待獄○韶建繫密雲將袁繼勳下獄時自冬及春穿袍刺鎮浙海所大略圍諸處無慮數十次繼勳異輒特甚擁眾閉壘任所縱橫軍憤請戰輒割其耳 上聞之詔捕繼勳下獄罪以首論○左都御史王鳴騶疏茶靖、詔諭土魯番時速壇滿速兒以三事奏請一欲治先任都御史陳九疇二欲遣人和番三欲歸彼降人牙木蘭兵部言黠虜噴噴漸不可長宜論修職貢毋得招遣從之既而吏使馬黑麻虎力乃翁等言陳太監家人王洪要馬匹玉石等物訟之於部 上令遣官其蒲勃處 二月禮部尚書夏言進昭聖皇太后壽宴致語 上諭言朕奉皇伯母壽宴卿可作致語一篇言恭撰以進○今奉報軍機處盜賊勿拘齊日從兵部尚書王憲之請也○禮部侍郎洪若水進所輯古文小

學詔留覽○詔內外武職應襲并入學肄業所司以時督責之○原任御醫李壽鶴奏進方書言服之延年宜子詔却之壽鶴前以罪黜後方書布進 上察其情故不受然亦不罪也○命加致一真人邵元節

孫先是命元節孫邵成南以右正一改大常寺丞曾孫魏時進以左至靈陞太常博士元節各疏辭令帶街准免支俸至是復加真人歲支米一百石撥校尉四十名按季更用仍加掌道教事賜之誥命元節復疏辭 上褒答之不允○以廷臣疏薦擢巡撫宣府右副都御史劉原清為兵部右侍郎總制宣大偏頭關保定軍務進署都督僉事都承都督同知掛印充宣大等處總兵官承仍於東官廳操練士馬待報啟行已而源清疏辭且舉厚任兵部侍郎蔡天祐自代 上以源清才望素著不允辭仍命行取天祐至京候用○駙馬都尉謝詔乞地契毋許之○以雲南災傷詔存留布政司所貯缺官銀一萬四百餘兩應解兵部者

賤濟○吏部疏舉閣住左都御史姚鏞服關利部右侍郎寇天叙閣住四川巡撫馬吳聰勒右副都御史陳祥致仕右副都御史林琦周金侍養石參謀牛篤等宜起用從之。詔下武昌知府仲選及楚府長史楊天茂孫立於巡按御史逮問先是楚府通山王府鎮國中尉顯樓故交驢選那有殺人獄顯樓求脫顯樓乃為之尊致五百金選那曰酒也選命更發其尊得金乃集僚佐封識已藏中亟鞠成殺人獄以其事聞撫按併捕顯樓左右劾治之顯樓亦以游言誣選啟行長史司以自解天茂等為之轉呈撫按於是撫按論顯樓納賄市私又欲文致人罪選不自修飭致苟宜及門天茂立扶同呈舉無所抹正均屬有罪 上切責顯樓薄罰之奪祿五月宜選等於理○禮部尚書夏言進四郊禮像詔名其書為郊禮通典仍賜金幣言既言皇上裁定四郊上合先王典禮臣始皆與議遂忘固陋博稽往典恭輯聖制歲餘始成編繕寫以

進 上褒納之○戶部尚書孫文卒交鍾祥人再典戶部承正德末公
私匱乏之時裁允食立經制及致仕二十餘年清標奇德卓為海內之
望○三月 上初御經筵○上幸太學釋奠先師孔子以大學士李時
等分獻遣侍即周用祭啟聖公禮成 上御棗倫堂祭酒林文俊講虞
書益稷篇司業馬汝驥講易願卦賜坐 上宣諭諸生曰治平之道備
在六經諸生宜講求力行以資治化翌日衍聖公孔聞韶率三氏子孫
祭酒林文俊率學官諸生表謝乃賜聞韶以下衣帶文俊以下襲衣質
鈔仍賜宴于禮部尙講學士廖道南上聖主臨雍崇教頌優詔褒蒼之
夏言請紀錄幸學事宜頒布天下學校使知隆師重道之意令依擬行
○應天撫臣陳軾得白兔於無錫縣以獻命留銅內苑夏言以白兔歸
產東吳與西蜀所獻同乞免稱賀 上曰白鵠鹿兔已屢行獻賀之禮
今後或有重至不必復舉仍今天下果非正瑞自至者勿報于是汪鉉

作詩三章美

上謙冲之德

上褒荅之○山東平山衛牛生異犢頭

額豐滿牙齒巖巖前二膝至足并尾皆成鱗甲甲內有毛身有文落地
而死巡按御史方遠宜以聞○肅州衛星落有聲○貴州安南衛生兩
頭男軍人李華妻生男一身兩頭四手四足良父身死巡按御史周禪
奏聞○夏四月提督總兵張軼條上防禦密雲便宜六事軼奉勅統兵
赴薊鎮勒寇克剴州一鎮分為四派雖皆根本藩籬而密雲一路切近
黃花鎮渤海所天壽山諸陵外薄虜巢窟為要害本鎮地廣兵少不足
備守因言宜補缺伍選丁壯增墩臺嚴哨探併村落窵堽坑六事 上
從之○以南京兵部尚書王廷相為左都御史○上幸南內召大學士
張孚敬等閱馬時上御環碧殿閱馬馬有王麟飛白王馴碧玉驕照夜
璧銀河練瑞池駿飛雲白凡七乃召孚敬及李時方獻文翟鑾共閱之
賜茗飲又命至嘉樂館觀花木 上乘王麟飛青蓋至重華殿進字敬

等於左室賜酒饌蟒衣飛魚服因御製古樂府七言律各二章出示令
和之踰三日復幸西苑御寶月亭召孚敬等同遊御清護殿翠水亭賜
茗酒錦囊詩扇紅蕖花亦製古樂府七言絕五言絕各一章命和 上
日禮部尚書夏言上雪壇禮儀言皇上肇建雪壇於園丘之旁以祀天
禱雨為民祈福而儀注樂章未經擬定目今亢燥欲禱請理駕出郊致
禱但裁擬未定未可舉行謹條具請又言大雩之祀宜奏雲門之舞雲
門者乃周官大司樂以祀天神之舞取其雲出天氣雨出地氣也禋取
以名樂亦本此耳 上納之○上諭禱雨時自春復亢燥不雨 上
減損服御飲膳臣下青衣朝奏辦事令順天府率屬祈請至是復傳諭
禮部遣尚書夏言祭北極佑聖之神侍郎湛若水祭東嶽泰山之神席
春祭都城隍之神陳道瀛祭漢前將軍壽亭侯之神務秉潔誠以格神
既既而雨降四野沾洽乃服御如故○擢處州知府具仲為湖廣左參

政追叙通惠河之功也

○召取服闋詹事張壁復任○山西祁縣夫鼓

如雷火光落地○詔天下博求曾子嫡裔承襲五經博士如顏孟二氏
例從學士顧鼎臣請也○增設廣西南寧府隆安縣○四川黑虎五塞
苗賊反攻圍長安堡急巡按御史朱廷立以聞 上命松潘副總兵何
卿統兵駐威戎討之令廷立督三司官協剿時巡撫宋滄以病予告命
吏部亟推撫臣以代之○六月發太倉銀二萬兩於陝西為更築邊墻
及修理舖舍之費從總制唐龍請也○彗星見於五車芒長五尺餘尾
指西南大學士張孚敬因上言彗復出於昂壁之間變不虛生皆臣等
秉職無狀所致除自陳外令通加修省 上曰彗星為異退而復見者
四上天垂戒敢不祗懼謹擇日於殿陛祭告文武群工宜痛加省慎贊
朕不逮上回天意○大學士方獻夫罷○雲南府及寧古又衛地震隆德
縣地震如雷○詔發大倉銀於陝西收糴邊儲時戶部尚書許讚言陝